

I KIMÁNYÌLO KYÃBWÃNALÒLI

IKI KIBEBELÌGWE

¶ . . . ukukomania ulubunju ulu mu Ngamu ya Ntwa Yeso, kangi ukufuma pa kwiputa fiyo. Kangi ulubunju ulu, une ngãsumwìke nukwandanana mma. Une nãli mu luko lumo nãkãbile, ukusumuka, kangi une ngusakikisya aligwesa amenye nongwa ya fiki, itolo lilino.

² Une ngwisa kukaya, ulubunju lumo, pamo ikilo kimo, kangi u mpalamani gwãngu ãlímile mu lubíngìlo, umwène nu mwânundïnwàna gwâke unnini. Unkasi gwâke yo nãsi nkyùmba kya bupápilo kula ku kipatala. Popâpo umwène ãli na i-i ngili nkiboko kyâke, kifuki ubutali *ubu*, na u—u busímbe ubunini pa yêne, akënda kamo, kangi akându akanini kâyobile, “Mwisukulu Branham bo mumo, une ngwitika, ukufwana 3:43 pamo 4:43, Okutobala pa lya 11.” Polelo, mabraketi amakulumba amanywamu pa pâsi, alinkuti, “Ugwe uli nkusipo ukukînda ugwe kwinogonela.” Popâpo une ndi nu bwâbùke bwandagilo lilino ukutûsyà panini patalipo ku lubünju. Uko kutalusya, Nkundwe Wright, akabalilo kako ugwe—akabalilo kako ugwe kuyaga mwisukulu?

³ Kangi polelo une ngusakikisya ikyo mu luko kikundéyèla une, polelo, Kalumbu Kidd, ulubunju ulu, panongwa ya kisita kuya nsumukano akabalilo kâko ugwe gwâlisileko ukufumila ku Ohio. Une naloliloli ngwipilika ukufwana ifyinja kalongo nkusipo, une ngwinogona, palema, ukufuma apo. Loli, mumo umwe mwesa mukumanya ukuti une ndinagwe u mwisukulu unnini panja pala, ukufwana amapaundi mahano-na-mabili pamo lwele, ikindukimo bo ikyo, a kâna akanini akanyali ukukînda-bôsa aka une ngëtilêmo siku. Alinkuti, “Umwene ikuboneka itolo bo yu mwísukùlu gwake.” Popâpo . . . Kangi une ndinkukéta itolo kûko umwene âbukile, kûko Billy âbukile.

⁴ Popâpo, ikilo kya mmayolo, ukwîsa ukusuluka mu holo, ukufuma pâpo nãmalisisye ingõlêlo syângu, une nalyagéne ni kibugutila kya bînàngu basubiligwa bâkufûma ku Georgia nu kusyûngutîla, kangi uswe twesa twâli panja pala ukukéta utwînitu utunini. Kangi abene bo bamogi. Lilino, abene bo itolo . . . Une akabalilo kosa ndinkwipilika ikindukimo ngati, “Billy, ugwe kutila ukuti ugwe kubukaga ukukonyola abene, ugwe umenye. Abene bo banini fiyo.” Kangi une ngwitika ikyêne ãli Kalumbu Beeler alinkuti . . . Une nâlisibile ukwinogona . . . Umwene aalisibile ukwinogona ikyo yôpe, loli, ukufuma apo, umwene aasyagenie ukuti abene bakabongotaka nubupepe

fiyo. Polelo, une ngwinogona ikyo kyo kufwana kitalusye.

⁵ Mmayolo pamusi une nāli nu lusako ulwa kuya ukusuluka kwa kamo mwa twāya twa bakalumbu apa ugwa kipānga, akāya ka mwanundindwana gwāke; kangi une ngwinogona umwene yope ali apa pa kipanga, kūko abēne bāli ni ulunīni ulusekelo lwa lisiku lyakupāpiligwa kuli u Nkundwe Neville. Kangi umwēne āli ni līngi iliyēngō lya bulendo umwēne ākilènie mmayolo. Kangi polelo uswe tukuyoba kwa Nkundwe Neville, "Ilisiku lyanaloliloli lya lisiku-lyakupāpīgwa," aligwesa gwa uswe, panongwa yakuti umwene yo nkundwe unnunu fiyo. Kangi, ena, umwene ākīndile itolo malongo-mabili-na-fihano, pakayabo kanini, popāpo polelo bo une. Kangi popāpo uswe itolo twākilénie ikyēne, akabalilo kakibili. Uko ko...Lilino uko ko kwīsa ukuya nnyāmbāla nkāngāle, akabalilo kāko ugwe kubūka ukukilania u bung'wāle bula akabalilo kābubīli, umwe mumenyē.

⁶ Une ngukumbukila ulubunju lula Frankie Weber ukwisako kuno. Kangi umwēne āli yo mpalamani gwa kifigo ikikongē kwa uswe apa; umwanundindwana gwāke ikwītūgāla kula lilino. Umwēne ali mu Florida. Kangi Frankie na une twābūkile ku sukulu palikimo. Kangi Frankie ābikile ikyābupi kya lisiku-lyakupāpīgwa lwāke. Kangi une nālumbililaga polelo ukufwana i fyinjā fitatu pamo fina. Une nālongolíle Frankie kwa Ntwa Yeso. Kangi umwene alinkubika nkati i sumuni sinda-gwa-sinda. Une ngwinogona ukuti une nali malongo-mabili-na-mabili. Kangi umwene alinkubika nkati i sumuni sinda-gwa-sinda. Une ndinkwinogona, "O, mwe, ngimba ugwe kusanusya ukumbula une ukuti Frankie Weber ali malongo-mabili-na-fihano mbukusi? Whuu! Mwe, une ngutila akabalilo kako une ngukafika malongo-mabili-na-fihano." Lilino une ngwitendekesyā ukubikamo nkati batatu ba abene, nalōli lululu. Polelo ikyene—ikyene itolo kitikwēga akēne katali ukwisa ukuboneka.

⁷ Akabalilo kāko une ngukéta ukukilania apa nukumbona Nkundwe na Kalumbu Kidd mu malongo lwele gābo kangi bakāli bikubūka na bamaka, Une ngwinogona, "Ntwa Yeso, nswaga une panongwa ya kwilumbusya, kuli malongo-mahano-na-fibili." Kangi abene...Ugwe gwe malongo lwele, kangi Nkundwe Kidd yo malongo-lwele-na-kimo. Ngimba uko kutalusya? Malongo-lwele-na-kimo. Kangi abene bakāli mu butumigwe. Kangi une ngubabula umwe, ikyo kikutupa uswe ubukifu, bule ikyene? Naloliloli kikubōmba. U Ntwa yo naloliloli nnunu kwa uswe.

⁸ Lilino, kilipo itolo kimokyēne ikindu ikibibi iki une ngutila, ukuya nu lukomano kuno ulwa lubunju lumo, kangi ikyo kyo... Ikyēne kyo kinyali, kikupilikigwa ngati kyo kīndu ikikosyasoni ukuyoba. Loli une ndinabo abinangu bingi aba bikwisa, kubutali fiyo, ku—ku ngomano.

Une ndikubabona abaEvans apa, lōli abēne bali apa pabuyobumo, une ngusakikisa. Abēne batikupōndwāmo lumolwēne. Kangi umwe mumenye mamailosi malinga abēne bikwendesya u Ndungu guligosa ukupilikā ukulumbilila? Amamailosi aba mia kalongo-na-matatu. Abēne bakabagīla ukutēndéka ubwendo ubunandipo ukukīnda malongo-ntāndatu ukubuka malongo-mahano-na-mabili amadola pa ndungu, ukubūka ku kipānga, uko ko kutalusya, akabalilo kāko abēne bikufyūka apa ni kikolo kyābo kyōsa, ikikolo kyābo, ukubūka ukukilania apa, ukuhōmba.

⁹ Lilino, komma kyēne ikyo, lōli apa alipo unkundwe unnini ukufuma pāsi mu Alabama, ikwendesya kifuki ubutali bwakufwāna u ndungu guligosa. Nkundwe...O, mwe! Nkundwe “Welt”? [Unkundwe ikuyoba, “West.”—Nsimbi.] Bwingililolisuba. Une...Umwene ikuboneka ngati ndumiana, kwa une. Umwene yo—umwene yo tāta, alinakyo ikipambo kya bāna. Loli umwene akabalilo kosa ikungumbusya itolo une, umwene yo ikiboneka-nkeke, umwene nu nkasi. Nkundwe West.

¹⁰ Nkundwe na Kalumbu Palmer itugesye ku nyuma kula, ukufuma pāsi ku Macon, Georgia.

Kangi—kangi Kalumbu Ungren, abēne akabalilo kōsa bali apa, ukufuma kula ku Memphis, Tennessee. Ngimba abene bali apa ulubunju ulu? Une—une...Abene bwila bali. Kalumbu Ungren na—kangi ikibugutila ukufuma kula ku Memphis, Tennessee, kubutali, ena, kunyuma ku nyuma.

Kangi balipo abangi. Une itolo...Abene bo itolo babibi, ukukolela. Bamo mwa bene, kubutali kula mu Kentucky. Bamo, kubutali mmwanya ukusyūngutila Chicago. Kangi bamo bikufuma Chicago, kangi pamwanya pa Chicago ukusyūngutila mōsa.

¹¹ Pandungu, une nāpilikisyē ālipo unnyāmbálā apa injila yosa ukufuma ku California, kangi umwene itolo āli na kayabo kanimi ukwitugasya; ālondaga ukumbona une. Ena, une nāfiniyisigwe, ukufuma pa lukomano. Kangi u nyāmbálā yula alinkugomokela, kisita une ukunkēta umwēne.

Uyūngi yumo ālisile muno ukufuma ukukilania mu Illinois, kubuyobumo. Linga u nyāmbálā yula ali apa ulubūnju ulu, gala gāli amanunu fiyo amanyāfū fiyo amaapulo une ndilemo siku. Kangi umwēne ālindwālile une ikilūndu kya maapulo.

Kangi yumo mwa bakundwe ukufuma kula ku Georgia, une ngusubila umwene āli, pamo kubuyobumo, ālindwālile une ikikulumba ikinywāmu ikinyāmbi kya amapekanī, kifuki *ubu* ubunywāmu, ifikalang'asa fya kalatasī. Kangi, o, une nalōlilōli mbagile ukulya agēne!

¹² Lululu lilino, une ne, ena, une ndikuluya ifyākūlyā ifisāngulusye mma mmasika aga, ngābōmba ukufuma ukubūka ukusōkāpo kwa māma gwāngu. Une ngulondalonda u Ntwa

kuli i—i mboniboni imbya. Itolo ukulya ifindu ifitōfu, kangi ifya luko ulu une... tunini bo mūmo une mbagile ukuya nu būmi nafyo; ndāndile amapaundi malongo-mabili ga busito. Iki kyo... Lilino, une ndikupīka-fīndu mma. Une ndiku... umma. Ikyo, itolo ukubōmba ikyo, ikyo kikaya kupa ikyo kwa Ntwa. Ugwe kulōnda ukupa u Ntwa ikinunu-fiyo ikyāko ugwe ulinakyo. Komma i...

¹³ Une nalyāgìgwe ngumbona Nkundwe Sumner na bala kunyuma kula bope. Balipo itolo bingi fiyo. Une...

Ngati, pa Ndungu ugu gwakindaga, une nayobaga ku bandu aba—aba batugesye na mama, ni findu. Kangi u kalumbu unsūbilígwā nalōli āli kula. Une nālibibwe ku ngamu ya nkikulu yula. Lilino, linga umwene ali apa ulubunju ulu, une ngwilambika. Yumo mwa bene āli Kalumbu Beeler, kangi uyungi yula āli Kalumbu nu Nkundwe Steffy. Kangi bingi fiyo! Une...

¹⁴ Umwe mummenye une kanunu kifwene ukumanya ukuti une ndikusanusya ikyene, akabalilo kako une ngukilania i ngamu pamo ngukīsania u mundu. Mūmo bayīlile ubusūbīlīgwā abēne bōsa bāli! Kangi utubalilo tumo itolo ikwītūgāsya apa, une nisakutēndēka ukuyoba isya munduyumo itolo ikwīsa mu līnogōno lyāngu. Loli une... Panongwa ya ikyo, une ngusanusya ikibugutila kyosa, aligwesa, muketile, ikyene kyo itolo kinunu fiyo. Kangi polelo, aligwesa, unganigwa, gwākisa kwa uswe. Kangi uswe naloliloli tukupālisya ikyo.

¹⁵ Kangi lilino, ulubunju ulu, uswe tukugelaga ukusegelela ku Lisyu lya Kyala kangi. Lilino, une ngulōnda ukutēndēka ubuyobelō ubu, ukuti ikyēne kisakuyaga kyapabwelu fiyo, ukuti une—une itolo ndikwīsa ku lukomano lulilōsa itolo ukukētīwa. Une ndinkwīsa pala itolo ukuyoba, “Ena, une ngulonda lumo ukwiputā kwa Ntwa ukumba une i—i Ndumi iyi yisakupelaga itolo abandu ukwipilika naloliloli kanunu kangi ukulalata.” Uswe tufumile ukuya nafyo fīgi fya ifyo, loli, kangi uswe tukupālisya ikyo. Ikyo kyo kyosa kinunu. Muketile? Ikyo kyo kinunu. Muketile? Loli iki une ngulonda ukumanya, kyo, “Ntwa, Ugwe lōngolēla aminogono gangu mu kindukimo iki kisakuyaga butuli ku bandu, iki kisa kubīka abēne kifukiko kwa Kyala, ikyo kisa—ikyo kisa—ikyo kisa kubōmba ikindukimo kuli abēne, ukuti—ukuti, komma fīyo nubwīngi nukuti ukubayēngā abēne mōsa mwambepo, lōli ukuyēngā abēne mōsa mu bumanyi nu bufūndīgwē bwa Kyala, ukuti abēne bisakumanya akīmīlo akabalilo kāko u ndugu ikwīsa.”

¹⁶ Une nayobaga kwa kalumbu uyu ali apa ikuyatila undungu ugu, Kalumbu Palmer. Umwēne alinkuti, ālōndāga ukumanya mūmo une nītugalisyā ngamo siku nkīsu iki. Ikyēne kyo, ugwe itolo kwīngila muno, kangi, ena, akabalilo kalikōsa une kutika ikikoga une nguya mbine itolo bo mbimbibi bo une ngufika nkati. Ikyēne kyo itolo nalōli kyāmbūngō mu kikoga muno. Uswe

tumenye ikyo. Loli Kyala ali na bana bingi ukusuluka muno. Kangi polelo limo mwa masiku aga . . .

¹⁷ Une ngulöndesya u Ntwa lilino, ukusyágánia i Ndumi iyanaloli iyakutalula ukufuma kwa Kyala. Muketile? Kangi une, nu butuli bwa Kyala, une itolo ngulönda ukukindilila mpaka Umwene ikwisa, ikyo kyo mpaka Umwene ikutendeka ubuyobi bumo kwa une. Kabuno une ngwipilikà ukuti kubagile ukuyangapo . . . Kilipo ikindukimo iki kitendekisyé ukuboneka ukusyungutila apa, kangi une ngulonda ukumanya iki ikyene kili. Une ngulonda ukumanya mbatalule ukufuma kwa Kyala, ukuti une mbagile ukuyoba ikyene yo ISI SYO IKUTI U NTWA. Muketile? Kangi polelo—polelo umwe mubagile, umwe, abându, polelo mwisakumanya ukuti ikyéne—ikyéne kikaya une mma. Popâpo, une ngulönda ukugela ukuténdéka ikyéne lülo, ukuti, pamo, ukupilika ukufuma ku Mwène tâsi.

¹⁸ Panongwa yakuti, linga Umwene ikubika a Masyu Gake mu—mu mundu, ena, polelo ikyéne kikaya mundu yula kangi'mma; ikyéne yo Mwene. Polelo linga u nnyambála ikuyoba ikyéne, mwa mwéne, polelo ikyéne kitisakufünja na kalikôsa mulimôsa. Loli linga Umwene yo, i Lisyu lya Ntwa, lili mu nnyambala, Ilyene likwisa panja, kangi polelo ikyene kisa kuyaga—ikyene kikuyaga itolo katikati kitalusye. Ikyo kyo iki uswe tutumilígwé mu li Bangeli, kula ukufwana nu ntú gwa 20 gwa Kukumbusya-indagilo, une ngwitika, Ilyene lyayobile, ena, "Kêtésya, kangi linga yumo ikuyoba mu Ngamu ya Ntwa, kangi ikyene kitikwisa ukuboneka, polelo komma ukupilikisyá ku mundu yula." Muketile? "Loli linga abene bikuyoba ikyene kangi ikyene kikwisa ukuboneka, polelo ugwe kinunupo kupilikisa ikyene," muketile, "nongwa yakuti ikyene kikufumila kwa Kyala."

¹⁹ Umo mo mûmo Kyala ayîlîle. Umwéne alinalo ulubâtiko Lwâke ulwabwila lulambalikigwe apa mu li Bângéli. Uswe tumenye ukubala ikyo môsa. Loli filipo ifindu fimo, ifi—ifi ku Kipanga kangi ku kabalilo ni findu, ifi Umwéne akaya nafyo fisimbígwé muno mu i Bângèli, popâpo Umwene ikubika i Lisyu Lyake mu mundu yumo kangi abene bikuyoba Ilyene pankyenî, muketile, yoba Ilyene panja. Popâpo, polelo, injila iya kulönga u mündu yula ikusyágania kali ikyéne kikuboneka mu njila abène bikuyoba ikyéne. Polelo, linga ikyene kikubomba, polelo kikümilisyá ukuboneka injila iyo, ena, polelo uswe tumenye ukuti ikyo kikufuma kwa Ntwa. Polelo uswe—polelo uswe tuli nu lusubilo, polelo, ukwitendekesyela ku findu ifi fikwisa.

²⁰ Une ngulönda ukubala amabuyo mabili pamo matatu mu Masimbo ulubunjulu. Kangi une ngulönda ukubala, tâsi, ukufuma mwa Bûku gwa Kusôka, kangi une ngwitika isya ntú gwa 4 gwa—gwa Kusôka, ukwânda nu kwânda.

²¹ Kangi lilino une mbagile ukufumusya akabalilo kako

umwe mwitendekisyé ukubala a Masimbo aga, Une mbagile ukufumusya iki une ngulonda ukuyoba kwa umwe, iki u Ntwa ābikíle pa ndumbula yāngu ukuyobapo, ulubunju ulu. Une ngamanya iki Umwene isakubombaga ni kyene, ku bandu; lumo ukuya kitaluligwe ku mündu yumoywéne apa, lumo umunduyumo pānja mu kīsu kya tepi, ubuyobumo ubūngi. Loli une ngulonda ukufumusya, ulubunju ulu... .

²² Une ngwinogona, ulubunju lwa Ndungu ugu gwākīndágá, une nālumbilile pa *U Nkēti Gwābwānalóli*. Kangi ulubunju lwa pa Ndungu ulu, u Ntwa itikisyége, une ngulonda ukulumbilila pa *I Kimányilo Kyābwānalòli Iki Kibebelígwe*.

²³ Une... Nkundwe Palmer āmbulaga une, ikilo kya mmayolo, ulubunju lula ulwa Ndungu ugu gwakindaga une nāyobíle pa kimanyisyo... pamo alinkuti Une nāyága pakuyoba, u Ndungu ugu, pa "Indungisanio ina sya Kipanga." Kangi akabalilo kako une nābukile nkilo... . Une utubalilo twingi ngukisimbá ikyene. Fiki... . Une ngamanya kali ugwe kufimbilisigwa ukubomba kila pamo mma. Lōli une ndinafyo ifindu fingi fiyo, ukugela ukwinogonela. Une ngwēga ikindukimo, une ngufimbilisígwa ukuyibíka iyēne pāsi pa kapatu ka kalatasi. Muketile? Kangi une ndinkubükä kukukikéta ikyēne, kangi iki une nāsanusyágá pa ikyo kikálí katikati indungisanio ina. Une nāyobile injila yila, nalöli. Lōli iki une nāsanusyágá, kyálí, "U luko luna lwa sikali ya Kipāngá." Kangi ukubomba ikyo, une ngufimbilisigwa ukwega ikilündiko kya isyambukulu palikimo. Kangi lumo akabalilo akangi akakónge une nguyaga na ikyo. Lōli ikyēne kikwēga akanini akīngipo akabalilo ukukinda une nālinako, akabalilo ka kufunda, ukukyágá ikyēne, panongwa yakuti ugwe kufimbilisígwa ukugomokela nu kugāga amasiku, na fyōsa bo ifyo.

Panongwa yakuti, mwesa umwe, mwesa mukupilikisyá ukuti ikyene kyo kulikósá. Fiki, uswe tukulonda ukuya basisimikisyé naloliloli isya findu ifi bo uswe tukálí ukuyoba ifyene. Ifyēne fikufimbilisigwa ukuya fitalusye. Panongwa yakuti, uswe twímile apa, ukukolelela ububōbelàmombōmbó ubwapamwanya-fiyo ubu bucoleleligwe nkīsu-kyōsa: u ndūmbilili. Undumbilili, kangi gwabwanaloli ukukinda fyosa, gwakutalusya, uswe tukufimbilisigwa ukuya injila iyo. Uswe tukufimbilisigwa ukusubila pa Kyala ukubomba ikyene.

Lilino, mwa Buku gwa Kusōka, untu gwa 4:

Kangi Mōse alinkwamula kangi alinkuti, . . . keta, abene batisa kunyitika une, pamo nukupilika ku lisyu lyāngu: kabuno abene bisakuyobaga, U Ntwa nalöli akakubonekela ugwe.

Kangi u Ntwa alinkuyoba ku mwene, Ngimba kyo fiki iki kili nkiboko kyako? Kangi umwene alinkuti, I ngili.

Kangi umwene alinkuti, Sopa iyene pasi. Kangi umwene alinkusopa iyene pasi, kangi iyene yilinkuya njoka; kangi Mōse alinkubopa ukufuma pankyenpa iyene.

Kangi u Ntwa alinkuyoba kwa Mōse, Sōsyā pānja ikiboko kyāko, nukuyēga iyēne nu nswigala. Kangi umwene alinkusosya ikoboko kyake, kangi alinkuyikola iyene, kangi iyene yilinkuya ngili nkiboko gake:

Ukuti abene babagile ukwitika ukuti u Ntwa Kyala ugwa bisabo, u Kyala gwa Abraham, u Kyala gwa Isaki, na Kyala gwa Yakobe, nalōli abonike kwa ugwe.

Kangi u Ntwa alinkukindilila pakuyoba kumwene, Bika lilino ikiboko kyako nkipambaga kyako. Kangi umwene alinkubika ikiboko kyake nkipambaga kyake: kangi bo umwēne nalōli āsosisyemo, ketaga, ikiboko kyake kyali nu bukoma kifwanegē matalala.

Kangi umwene alinkuti, Bika ikiboko kyako mu i kipambaga kangi. Kangi umwene alinkubika ikiboko kyake nkipambaga kyake kangi; nu kusopola ikyēne ukufuma mu kipāmbāga kyāke, kangi, kēta, ikyēne kya lyāndwīke kāngi ukuya bo nyōfu gwāke ugūngi.

Kangi ikyēne kisakwisa ukuboneka, linga abēne batisakukwītika ugwe, pamo ukupilikisya ku lisyu lya kimanyilo ikyākwānda, ukuti abene bisakwitikaga ilisyu lya kika ikikonge.

Umwe mukuketesya ifimanyilo fibili, kangi i...ikimanyilo kilikyosa kyali ni lisyu. Unko une mbale ilinandi lya 8 kangi:

Kangi ikyēne kisakwisa ukuboneka, linga abēne batisakukwītika ugwe, pamo nukupilika ku lisyu lya kimanyilo ikyākwānda, ukuti abene bisakwitikaga ilisyu lya kika ikikonge.

Kangi ikyēne kisakwisa ukuboneka, linga abēne batisakukwītika kāngi mma ifimanyilo fibili ifi, nukupilika ku lisyu lyāko, ukuti ugwe gwīsa kwēga ukufuma mmīsi ga kisōko, nu kōna agēne pa...kīsu ikyūmu: kangi a misi aga ugwe kwegaga ukufuma ku kisoko kisakuyaga lilopa pa kisu ikyumu.

²⁴ Kangi lilino mwa Mwikemo Yohani, untu gwa 1 kangi ilinandi lya 6, uswe tukubala ilinandi aga, pamo ili linandi ili. Mwikemo Yohani, untu gwa 1 kangi ilinandi lya 6. Kangi...

Aalipo unnyambala uyu atumiigwe ukufuma kwa Kyala, uyu ingamu yo aali Yohani.

... u nnyāmbàla ätumìgwe ukufuma kwa Kyala, uyu ingamu äli Yōhani.

²⁵ Kangi mwa Ezekiel 24:24, une ngunyonywa ukubïka i Lisimbo ili nkati, ukupinya ikyene ukufuma ku Lwitikano Ulukülu, ku basololi, ku Lwitikano Ulupya; ukuti umwe mwïsakupilikisya ikyëne kyo njila yôsa ukukïndàmo, ukufuma Kusoka, u bwändilo mpaka bumalikisyo.

Kokuti Esekiyele yo kwa umwe i kimanyilo: ukufwana na fyôsa ifi umwène abombile umwe mwisakubõmba: kangi akabalilo kako iki kikwisaga, umwe mwisakumanya ukuti Une ne Ntwa KYALA.

Lilino unko uswe twinamisyé imitu gyitu itolo pakabalilo ku Mwene lilino mu njila ya lwiputo.

²⁶ Tata Kyala, uswe tukwisa mu Ngamu ya Kyala gwa Abraham, Isaki, na gwa Yakobe: Yeso Kristi, ungodofu. Uswe tukwisa, ukumanya ukuti Umwene isakutupilika uswe, panongwa yakuti uswe tukwisaga komma ukuya mundu yumo yu isaga itolo mu nyumba iyi, loli uswe tukwisa nubukifu nu lwitiko, tukwitika ukuti iki Umwene aafingile, kila Umwene ikubombaga. Polelo uswe tukusuma, umwisyugu, Ntwa, ukuti Ugwe kwegaga aligwesa gwa uswe twe tulipo, injila yosa ukufuma kukigemo mpaka kunyuma kwa nyumba iyi, ukukïlìamo mmabuyo gôsa, kangi igula indumbula yiliyôsa kangi bûta ubupilikilo bwîtu, ukuti i Lisyu lya Kyala ugwbabumi libagile ukwisa panja ukufuma ku Mwanya, ulubunju ulu, nu kônélâla mu ndumbula syîtu, ukuti uswe tubagile ukwitika, bo uswe tukupilika i Lisyu lya Ntwa kangi ukuya mûmo libâligwe kwa uswe mu mbulukutu syitu ulubunju ulu. Kangi uswe tukukupalisyá Ugwe panongwa ya Lisyu Lyako. I Lisyu Lyako lyo Bwanaloli.

²⁷ Kangi lilino, bo uswe tukukëta isala imbïbi sikusegelela, bôsa ubugâsi bwa Kyala bukulündikìgwa mmyânya. Kangi ikyëne kyo kifuki akabalilo kokôsa ukuti kwisakubagila ikindukimo ukuboneka ku kikolo iki iki kikupikile Ugwe, ukuti kubagile ukuyako ikipufulo kimokyëne ikikulumba iki kyâbagile ukwëga ikikolo iki lôsa ukusôkapo pa mâpa ga kîsu, nu kutilisyâ kunyuma kwa ikyëne, kwa kîsu ikisitakyala iki kyo kikunyonywa ukubõmba lülo. Kangi ukumanya ukuti, mbuyo bwa kusegelela kifuki kwa Kyala, abene bikuboneka ukubûka kubatalipo ukusôkako. Tumenye ukuti u Bûku gwa Busetuli na môsa ukusuluka ukukïndamo a Masimbo galâgusisyé ilisiku ili, polelo unko uswe twëge ubusoke, Ntwa, komma ukuya bakololofu nu kulâmbalàla bâtùlo, mûmo ikyëne kyâli. Uswe tuli sumuka nu kwiyugânia twibène.

²⁸ Uswe tuli yaga nu bupilikisyo, umwîsyûgu, ngati uswe tukayîlamo siku pabutasi. Indumbula syîtu siliyaga pa moto, ukufuma pa lisiku ili, ukuti apêne pisakuyapo u moto umwâkâno mu myoyo gyitu ugu gwisa kupyâgila ukukïndamo nkîsu iki, Ntwa, kangi ubukëti bwa bûmi kulikôsa kûko uswe tuli.

²⁹ Sayaga ababine na bonywa, aba bo bafūmbwe, fyōsa-fibili pakati pītu kangi panja pa pakati pītu, abāndu Bāko, kulikōsa.

³⁰ Sayaga i Lisyu Lyako, Ntwa. Kēmesya u mbōmbi Gwāko, kangi ababōmbi Bāko aba bikupilikisya, ukuti, palikimo, uswe tubagile ukutwālīgwa kifukiko ku lwāgànio lwa kubonekela Kwāke, ukukīnda nasiku pabutasi mbūmi bwītu. Komma kwene ukuti une ngwīputīla aba balipo apa, lōli panongwa ya bala bābo bisakupilikāga i tepi ukusyūngutila pa kīsu, ukuti abēne babagile ukutwālīgwa mu Kipānga kya Kyala gwābūmi. Kabuno uswe tukusyagania yilipo i njila yimoyene ntiga iyi uswe tubagile ukuya mbakasya ya Kipanga iki, ikyo kyo ukwisila mu kupāpilīgwa kwa Mbepo, polelo uswe tōsīgwe nu Mbepo yumoywene mu Mbili gumogwene. Une ngusūma, Kyala, kuli yumo na aligwēsa gwa bala ukusyūngutila i kīsu, aba Ugwe kwīsa kwēga u lwimīko kwa Gwīmwēne. Kangi uswe tuli tendekesyas imyoyo gyitu, mpaka nu kukuuta kumo ukusyungutila ikisu, uswe tubagile ukukuta, “Pope nalūlo, isaga, Ntwa Yeso.” Uswe tukusuma iki mu Ngamu ya Yeso Kristi. Ameni.

³¹ *I Kimányilo Kyābwānalòli Iki Kibebeligwe.* Abanyambala balōndile kuli i fimanyilo, injila yosa ukufuma kwa Farao mpaka umwisyugu.

Kangi Yeso ātubūlile uswe isya a—a kabalilo bisakuyāngako abalōndēsyā ba fimanyilo, kangi alinkuyoba, ukuti, “Ingulilo imbibi, iyabulogwe yikulondalonda ikika. Loli, palema, abene babagile ukwambilila ikimanyilo.” Kangi i ngulilo yila yabagile ukwambilila ikimanyilo kya busyūke; iyi yo yāyaga u nyōnywa, mbībi, kangi i ngulilo yabulogwe yisakupīgwa i kimanyilo kya busyūke.

³² Lōli mūmo i Lisimbo ili lilambalele pankyenī pa uswe, mwa Ezekieli untu gwa 24 kangi ilinandi lya 24, u nsololi uyu ātēndikīgwe ukuya kimanyilo. Kangi ikyo kyo kimanyilo iki une ngulōnda ukuyobapo.

³³ U nnyāmbāla uyu āpelīgwe kimanyilo kwa Israeli. Kangi mōsa ukusuluka ukikīndāmo a Masimbo, Kyala abōmbile abasololi Bāke ukuya fimanyilo. Kangi abēne akabalilo kōsa babebelīgwe. Abēne bikuboneka batikukikolamo siku i kimanyilo kila. Abēne bo akabalilo kōsa bikulōndēsyā i kimanyilo kya fitima.

Bope na ba Farisai ba masiku ga Yeso, balinkuti, “Tunāngīsyā uswe ikimanyilo ukufuma ku Mwanya.”

³⁴ Loli Yeso alinkubakumbusya abene ukuti abene bikuyaga ni kimanyilo. “Umwe mutalile muli ni kimanyilo.” Alinkuti, “Umwe mubagile ukumanya imyanya. Umwe mubagile ukuketa pa kimanyilo kila. Umwe mukuyoba, ‘Linga ukwene kukesefu, mwamabingo, kilabo isakuyaga kabalilo kabibi.’”

³⁵ Linga abene angali bākibwene ikika, abene angali bambwene Umwene, kangi bamenye ukuti Umwene ali kika kya Kyala ku bene; panongwa yakuti isololi syābo isyakufwāna nu Mwēne syāfwānikisigwāga pankyēni pa māso gābo. Lōli pōpe abēne balinkulōnda i kimanyilo.

³⁶ Kyo kyakuswīgīsyā nki ikyēne kili ukuti abāndu bisakubōmba ikyo, ukuti bisa kulōndēsyā i kimanyilo akabalilo kāko i kimanyilo kili palapala na bēne, palapala nkāti mwa bēne. Lilino, Israeli āfikile mu kayililo aka.

³⁷ Kangi utubalilo tumo ulufulasyo ulu i kimanyilo kila kikufīmibilisigwa ukukindamo lo lwakuswīgīsyā; ulufundo ulu Yeso ábukilemo, ukusisimikisyā ikimanyilo kya Kyala, ukuti Umwene áli Mesiya.

³⁸ Uswe tukusyāgānia apa, u nsololi unkeke uyu ukwisila mu ngamu ya Esekiyeli kingikingi alinkuya ikimanyilo, akabalilo kōsa. Mumo umwene ālifūndile mwene! Ubuyo bumo apa uswe tukwaga kuko umwene alambalalaga pa lubafu lwake ku masiku bamia batatu na malongo mahano na mana. Kyala ālimbūlile umwēne ukwēga i ndima simo ni mbānge, ukubīka ikyēne kyōsa palikimo, ukukipīya ikyēne lōsa, nu kukilāmbalika ikyēne kifuki u lubafu lwāke, nu kubūka ukulāmbalàla pa kipālo, nu kulāmbalàla pa lubafu lwāke lwakukīmāma, pamwēne, kisita kusanuka, kuli amasiku bamia batatu na malongo mahano na mana. Inogona isya ikyene. Kangi polelo alinkuti, “Sanukila ku lubafu ulungi kangi lambalàla pala amasiku malongo mana kangi.”

³⁹ Kangi Umwene āyobíle apa, “Iki ugwe uketile, Ezekieli,” alinkuti, “panongwa yakuti ugwe kupāpa ubusāmbuke bwa bāndu, ilisiku lillyōsa nīsa Une ukubala i kyīnja kuli abēne.” Ukuya, ukuti, ilisiku lillyōsa umwēne ālāmbalèlē pala, lila lyāsanwīsyē i kyīnja kimo abēne bikuyaga mu butumwa, kangi ukuti ubusāmbuke bwābo bwīsakukūmbukigwāga kwa Kyala, kangi Kyala āngāli atikupilika i nyīpūto syābo kangi mma.

⁴⁰ Lōli u lufūndo ulu unyāmbàla yula āfīmibilisigwe ukukindāmo, nongwa ya fiki kila kyāli kyākulōndigwa? Bīngi baswīgile, nongwa ya fiki ikīndu bo kila kyābagile ukuya kyākulōndigwa kuli u nyāmbàla ukubōmba. Iyene yo nongwa yakuti abandu bala batisakubala i Lisyu, kangi abene batisakwiputa. Polelo, Kyala gwapamwene, kangi Umwene ikutuma unsololi Gwake ukuya kīka. Abandu batisakubala. Abene batikupasya ukubala. Kangi abene batisakwiputa, panongwa yakuti abene bo fiyo...balinayfo i findu ifingi ifyakubomba. Abene bakabagila ukwega akabalilo ukwiputa. Kangi i Bāngéli lyo lyakukima ku bēne. Ilyēne likaya nu lukino lwākufwana kuli a masiku gālilino, pamo amasiku galigōsa.

⁴¹ Umwe mumenye, une ngwitika umwene āli Pauli āyobíle, “Umwe mwe bākaláta ba Kyala, bikubaligwa na bandu

bosa.” Kyala ikubombela abāndu ukuya fimanyilo, ukunāngisya ifimanyilo Fyāke. Kangi utubalilo twangi ikimanyilo kila, kangi akabalilo kalikosa, fiyofiyo, pene papo ikyene kili na bandu abasunguligwe, ikimanyilo kila kyo kikubebeligwa kangi ukulōndesigw’ubusobi, ukyūgīligwa, ukutāgīgwa panja.

⁴² Kangi ukwēgeléligwa, mópe mu Lwītikáno Ulukúlu, mmasiku ga basololi, abēne bēgigwàga bāndu basyuta mūntu. Abēne bīnogonàga abasololi bala bāli banyenyemusigwe bāfigili, ukuti abēne ikindukimo kyāli kisobi na līnogonèlo lyābo. Kangi abene bābakētaga abene ukwisa ukufuma ku matengèle kangi—kangi ukubomba ifika, kangi polelo ukusanukila ku matengèle kangi. Kangi abene bālisibile ukubaseka abene, panongwa yakuti abene bakamenye i Lisimbo.

⁴³ Yeso ābabūlile aba Farisai, akabalilo kamo, ukufwana nu busyuke. Abēne alinkuti, “Uswe twāli i... U lulagilo lukuyoba ukuti linga unkündwe ikufwa nu kuleka u nkasi kisita—kisita bāna ku mwēne, ukuti u nnugùna gwāke yo ikwēgàga u nkasi yula nu kukusya abāna ku gwāke, u mfwāno.” Kangi alinkuti, “Uswe twāli na yumo uyu āli na bakundwe bahano-na-babili. Kangi uwākwànda yumo ālyēgile unkasi, kangi umwēne alinkufwa, ukuleka uluyüngu nalumo. Kangi polelo u nkundwe gwake alinkummwega umwene, kangi polelo umwene alinkufwa; kangi mpaka gwa kihano-na-kibili. Kangi kubumalikisyo u nkikulu alinkufwa.” Alinkuti, “Lilino, mu busyuke,” alinkuti, “lilino, ngimba unkasi gwa ywani umwene ikuyaga, gwa bala bahano-na-babili?”

⁴⁴ O, une ndiganile i Lisyu lila! Yeso aayobile, “Umwe naloliloli mukusoba, kisita kumanya a Masimbo na maka ga Kyala.” O, mūmo Umwēne āngāli ikwāsyä ikyo mōsa umwīsyùgu linga Umwēne īmaga apa! “Umwe naloliloli mukusoba, kisita kumanya a Masimbo kangi na maka ga Kyala.” Amaka ga Kyala galilanile mu Lisimbo. “Umwe naloliloli mukusoba nubukulumba.”

Polelo Umwēne alinkukīndilìla ukuyoba, “Mu busyùke abēne nakamo batikwēga pamo bikupēgìgwà mu bwēgi, lōli abēne baliti bo Bāndùmi.” Umwēne akāyobile abēne āngāli bikuya Bāndùmi, lilino, lōli abēne bikuyaga baliti Bāndùmi, inyāmbi ya kugonana yikuyaga pānja pa bēne. Abēne batikwēga pamo ukupa mu bwégi.

⁴⁵ Uswe tukwitugasya mu lisiku lya kayìlo, pamo, gakufwa, amasiku ga kitangalala kyakufwa. Lōli kula kukwīsa i lisiku akabalilo kāko kuliko i Kitāngalàla ikisitakufwa kikwīsa, kangi i Kitāngalàla ikisitakufwa kila ko kūko abatabuligwa bisakwītūgàla. Bala aba batabuligwe, kangi bali... U būmi ubu bukusòkàmo mu mbili ugu, ukugomokela kwa Kyala uyu apéle ubwēne, bwisakugomokelàga kangi ukufuma ku Mpiki gwa Būmi, ilisiku limo, ukulagila bwilanabwila.

⁴⁶ Mumo unnyambala untubwa uyu, unsololi unkeke, ikupa u bumi bwake bosa ukuya kimanyilo ku bandu bake, ulwa lufundo ulu abēne bayaga pakwāmbilila, panongwa yakuti abēne bāli iki uswe twābagile ukuköléla “basitakupasya.” Abēne bakālōndàga nakimo ikyakubōmba na Kyala. Abēne bakālítike abasololi bala, kangi abēne itolo babūgilàga abēne. Kangi, loli, palubafu, kangi kali bo bwinginki abene bakālondaga ukwitika ikyene, Kyala āketile ukuti abene bali nakyo ikyene, mulimosa.

⁴⁷ Yezebeli akālondile ukwitikisya ukuti Ahabu āli ntīmi gwāke, lōli umwēne āli. Kyala ākētile ukuti umwēne ali ni kimanyilo, mulimosa.

Momūmo kiyilile i kisu iki umwisyugu. Kyala ungolofu kangi uwgabwanalolindumbula Kyala, ukwisia mu Lisyu Lyake, alinkutoligwa ukwitikisya kalikosa, aka uswe tukwītēndekesyä ukuboneka, kisita kuya ni kimanyilo ku buyobumo. Umwene akabalilo kosa āli nakyo ikyene. Lilino, uswe tukufimbilisigwa ukukilonda ikyene. Kangi une nsisimikisya ukuti abandu aba bali nu bupikilisyo ubununu ubwa Lisimbo bamenye akakētēlo.

⁴⁸ Noa aali kimanyilo mu lisiku lyake, ku bandu, ubwa kwisa kwa bulongi. Noa mu lisiku lyake abiikigwe ukuya mumilisi. Umwēne āli nsololi. Umwēne ālítikisigwe ukuya yumo uyu akāli nalyo ilinogonèlo ilinunu. Kangi u nyāmbàla yula alinkutika mōsa, kuli ikyinjia ukwīsa ikyinjia, ikuyēngä i ngalaba, akabalilo kāko kukayako na mīsi pa kīsu lōli iki kyāli mu nyibùko. Kangi umwēne ālagwīsyé ikindukimo iki kyāli kyākusekigwa, ku līnogonèla lya mbili. Umwēne alinkuyoba, “Kukwīsa a mīsi ukufuma ku mwānya.”

⁴⁹ Kisita kwilamwa, ukuti bingi babagile ukuyoba ku mwene, “Nāngisya une kūko ikyene kili.” Sayansi yābagile ukuyoba, “Une mbagile ukusisimikisya ukuti gakayako amisi mmwanya mula.”

Lōli, pōpe, linga Kyala ālimbūlile umwēne ukuti ukwēne kwīságá ukufuma ku myānya, Kyala isakukēta ku kyēne ukuti i Lisyu Lyāke lyābonike.

⁵⁰ Kangi akabalilo kōsa kukāliko na mīsi nagamo mbuboneko, akabalilo kōsa kukāliko nasiku i libīngo mmyānya, nasiku kwātimilèmo i litōnyelo, kula nasiku kukāliko u luko lwa kīndu bo fula, palema, akabalilo kosa, Noa ātendekaga i ngalaba kuli i fula. Ikyēne kyāli buketi bwabūmi ukuti u nsololi uyu ālítike iki umwēne āyobelaga ngapo, kabuno umwēne ātēndekāga ukwītēndekesyä kuli ikyēne.

⁵¹ Kangi umündu aligwēsa uyu nalōli ikwītíka iki ugwe kuyobapo, ugwe kwitēndekágá ku kyēne.

⁵² Ndimilaga une papapa apa, itolo i miniti. “Pisiku lila lya Noa,” mumo Yeso aayobile, “momumo ukwene kwisakuyilaga pa kwisa kwa Mwanundumiana gwa mundu.”

Linga ifipanga, umwisyugu, bikwitika iki abene bikuyobelapo, abene bikubombaga iki abene bikuyoba.

⁵³ Bulebule twabagilaga uswe ukuyēngā imikulumba imisōnge gya miyūmba, na mamiliyon i ga madola m'miyūmba, kangi ukubālasánia kwa fipāngánio ni findu bo ifyo, nukulūmbilila ukuti Kristi ikwisa pa kabalilo kalikosa? Ngimba uswe tubagile bulebule ukukindilila, ukukēta pa filündilo fyitu nukubabona abēne bikupaguka ukufuma ku maka ga Kyala kangi ukubuka mu bwapanja, nukutwala ikyene nkipanga nukufulugania ikyene palikimo, kangi uswe tukukyitikisya ikyene? Panongwa ya bufumuke, kangi panongwa ya bwīnogonelo bwa bandu kangi ingīndáno syakipanga-kipagu, ukugela ukukīndapо ukukula i kipāngànio ikinine, ngimba uswe twābagile bulebule ukubōmba iki uswe tukulūmbilila? Kangi i kīsu kikukēta ikyo, abēne bamanye ikyo, mpaka ubwīpūti bwīsile ukuya i kīndu ikyo itolo kiliti itolo ukuya gwa lubātiko lumo, pamo ukwīngila ku kibugutila kya kindukimo. Bwīpūti...

⁵⁴ U bupoki bwa Kristi bukaya kibugutila kimo. Ubwēne bukaya kwīngila ikindukimo. Ubwēne bo bwēndelēmo bwa bwītūgalilo.

⁵⁵ Lilino, Noa ātwālāga iki umwēne āyobelaga ngapo. Umwene alinkuti, "Gukuya ngapo u mōgésyo ugwa bulōngi pa ngulilo iyi inniongafu. Kangi Kyala isakōnelelāga ukufuma ku myānya, ifula, kangi Umwēne isakōgésya i kīsu kyōsa." Kangi akabōmbāga itolo kila umwēne, lōli umwēne ātēndekāga i njila ya kubopelamo nu kubasūma abāndu ukwīsa ku yēne. Loli abene balinkusita kupilikā ku mwene.

⁵⁶ Loli, Noa, ukuya nsololi, āli kimanyilo ku ngulilo yila, i kimanyilo iki kyāyobelīgwa u bubībi, u nyāmbāla uyu ālinogonelīgwe ukuya nyāmbāla nsyūtāno; ukutēndekēsyā ikindukimo, iki kula—kula kukāliko nu bukēti kulikōsa, pamo bukālimo siku, ukuti yābagīlēmo siku ukuyako imbōmbo ya yēne.

Lōli iyo yo njila abāndu bikufwāna bikwīnogona umwīsyūgu. Abēne babagile ukwīnogōna isya kikīngō kya fyakugwakugwa. Kyo kinununki kya kikīngō kya fyakugwakugwa kikuyaga pakubōmba ugwe akabalilo kāko patisakuyapo ni kipiki pamo ilyālabwe pa kīsu?

⁵⁷ Uswe tulinakyo i Kikingo kya fyakugwakugwa, u Nkristi alinakyo. Mumo une njobiile, u Ndungu ugu gukindile, pamo ninogwine pa buyobumo mu nsebwe, "Ikyēne kikaya Kikīngō kyāfākugwakugwa, Ikyēne kyo Kikīngō kyākugwīla-nkati, kūko uswe tukugwa nkati mu Kyēne, ubukúpāme, na fyōsa ifya ndumbula syītu, kangi gōsa gwa moyo gwītu, kangi lyōsa lya līnogóno lyītu, mwa Kristi, i Ngalaba ya Kyala ya buponesyo."

⁵⁸ Lōli, Noa, uwabunyenjemusi, īnogonelīgwa mu lisiku lila, ukwisila mu butoyofu bwa bulūmbilili, nu kubōmba

i kimanyilo pankyēni pa bāndu, ukubapa abēne ukusoka, alinkukemela i kīsu. "Alinkutobesya i kīsu, ukwisila mu kuyēnga i ngalaba," akabalilo kāko gakālìko na mīsi nagamo kuli iyēne ukwēlēlāmo. "Umwene ātobīsyé i kīsu," i Bangeli lyāyobile, Bahiburi, untu gwa 11. "Umwēne ātobīsyé i kīsu nu kupoka i nyūmba yāke mwēne, ukwisila mu kwítēndekèsya," kangi ukuya kimanyilo kya Kyala, ikya bulōngi ubu bewisaga bwa lisiku lila. Kyo kindu kyalwimikonki!

⁵⁹ Ifyinja fyapankyēnipo, pala palinkwisa ikimanyilo ikingi. Uyo aali Mōse, u nsololi. Ikyo kyaali kika kya Kyala kwa Israeli. Abēne bāli fyīnja bamia bana mbupinyigwa. Kangi Kyala ātendekisyé ikimanyilo ku bēne, itolo bo lükīsa u lubāngo. Kangi umwene aali kimanyilo kya lubāngo lwa Israeli, kangi ikimanyilo kya bulungi ku Igupti.

⁶⁰ Noa aali kimanyilo kya lubango kwa bandu bake, kangi ikimanyilo kya bulungi ku kīsu ikitagigwege, unsitakwitika. A mīsi galagala aga galakilisyé i kīsu nu kumilwīsya i kīsu yāli yo njila yēne ya kupokela Noa. I kindu kyene iki kyabagile ukumpoka umwene kyaali bulungi.

I kindu kyēne iki kisakupoka i Kipāngā umwīsyūgu bo bulungi, Kyala ukwāla u bulōngi ku lugelēlo.

Loli Noa alinkulumbilila kilakila. Umwene alinkuya kimanyilo.

⁶¹ Kangi lilino Israeli, bo-fikīndile fyinja abamia bana, abene balinkwanda ukukúta kuli u lubāngo. Kangi Kyala atikwīsetulamo siku Mwēne nu kwīnāngīsya Mwēne mpaka abāndu Bāke bītendekisyé ukwambilila iki Umwene ikunāngīsya.

⁶² Lilino, o, kyo kiliku iki kibagile ukuyobigwa palapala pala, linga ikyene kyaali, mumo fikuti Kyala akilekīle ikisu iki bwasi! Abēne bamēnye kanunupo. Ikalatasi sya nōngwa sifumwīsye ikyēne, ukusyūngutila kangi ukusyūngutila kangi ukusyūngutila. Ifimanyilo fya Kwīsa Kwāke fitwāligwe. Kangi abēne kingikingi bikubūka mulamula nkyēne kifwēne abēne bikusūla ikyēne. Abēne bo basita kulēya kulikōsa. Uswe tuli kubumalikisyo.

⁶³ Kyala ikutuma itolo abasololi Bake akabalilo kako abandu bikulonda u nsololi. Kyala ikutuma ikimanyilo Kyake akabalilo kako abandu bitendekisyé kuli i kimanyilo. Loli, ikindu ikyene kyakuti, abandu kipala... Abene bikufika ku buyo ubu abene bikulonda ifyakwīpilika, pamo abene bisakulonda fimo, "Tubonesya uswe ikimanyilo ukufuma ku Mwanya." Loli akabalilo kako Kyala ikutuma ikimanyilo, polelo abene batikulonda ukukipilikisya ikyene. "Popāpo ikyēne kyo kifisigwe ukufuma ku fisige fya bamahala na bakomu, ukusetuligwa ku twāna utu twīsa kumanyila." Abene bikukibebela ikyene, ikimanyilo.

⁶⁴ Mumo Israeli abaagile ukumanya, akabalilo kako umwana ugwanaloli yula apapigwege, akabalilo kāko abēne bakētīle mmwanya kula kangi bākētīle ukwisila mu a—a kabalilo ka fyīnja abēne bītūgala ngamo, “Abandu bako bisakuyaga nhesya ku fyinjalbamia bana, nkisu ikihesya, loli polelo une nisakubatwalaga abene panja.” Abene babāgisénie ukumanya akabalilo kāli kifuki, kangi akabalilo kāko abene bākētīle ukuti umwana ugwanaloli apāpigwe. Ikyo, yópe u māma na tāta, Amram na Yoshebedi, akātilaga ingomelesyo sya mwalafyale, kangi abēne balinkumbika umwēne mulamula pānja mu kisoko kūko i ngwīna syālimo; komma na yimoyēne ya syēne yābagile ukunduma umwēne. Abene baketile kyalipo ikika, loli abene balinkukisūla ikyene. Abene bakalitendekisyé ku kyene.

Kyala alinkuntwala umwene mulamula nkati nukumbika umwene mulamula mu nyumba ya Farao, nu kundeka Farao akusyege umwene nukumpa umwene ubumanyili bosa ubu umwene ābagile ukuyanabo, ukunangisya (Kyala) mumo Umwene ikubombela ifindu, kangi polelo alinkumwēga umwēne ku lubafu-lwa-kunyuma kwa lulangalanga, ukundeka umwēne ībwe fyōsa ifya ikyēne.

⁶⁵ Farao āmmanyisyāga umwēne polelo. Kyala āmmanyisyaga umwēne. Farao āli ni fyinja malongo mana ukumānyisya umwēne, polelo Kyala ālyēgile ifyīnja malongo mana ukumānyisya mwēne, ukundeka umwēne ībwēge fyōsa ifya ikyēne. Ukumānyisya kwa mùndu; kangi ukumānyisya kwa Kyala.

Farao āmanyisyé u mwanundumiana ukuya ndongosi, umwimilili, kuli gwābwīte, ugwkulwa, kuli uyūngi u Farao gwakwisa uyu ābagile ukukolelela Igupti mu mabuyo gāke agapamwanya, ukubīka pāsi fyōsa ifisu ifingi nu kufipela ifyēne fihōmbège isōngo kwa Farao. Loli Kyala alinkummwegela umwene ku nyuma ya lulangalanga, alinkwēga fyosa ukufuma ku mwene. Kangi alinkunnāngisya umwene, mu maminiti mahano, pa lusingi ulunyeke, ukuti Umwene aali Kyala gwabumi. Kangi alinkwega ulutende losa ukufuma mwa umwene; alinkutendekesyé umwene. Umwene ali kika.

⁶⁶ Kyala ikulonda abandu Bake ukwiputa. Kangi akabalilo kāko Israeli āhōmbīgw'isōngo fiyo, mu kayīlo ka luko, mpaka abēne bakābagile ukubūka pabutalipo, akabalilo kābo kāli kafwānikisigwe, kangi imisigo gyābo gyālāmbalèle pabutalipo ukukīnda mūmo abēne bīnogonelāga, polelo abēne bikwānda ukwiputa. Kangi akabalilo kako abandu bikwanda ukwiputa, polelo Kyala andaga ukupilika. Akene kāli kabalilo ka Lisyu lyā Kyala ukuboneka.

⁶⁷ Kangi polelo, akabalilo kako Amram kangi Yoshebedi bāketile ukuti akene kāli kabalilo ka Lisyu ukufwanikisigwa, abene babukile ku lwiputo, kwa Kyala. Kangi ikyene kyo bwila

bala babo bikwiputa yo yumo uyu ali nu nsigo, uyu yo yūyo ikwegapo i kindukimo. Abēne bo bala aba bikwipútila, aba babīkígwē na Kyala ukubōmba lūlo.

⁶⁸ Uswe twāyobaga ulubunju ulu ku kigemo kya kalembusya akabalilo kāko uswe twābopelàga ukukīndamo mu nkati umbabulano gumo na fyosa bo ifyo, ukuti twīse ku kipānga. Kyālipo kyāyobìgwe isya u nnyāmbàla yumo uyu ālinakyo, ugwkabutali ukufuma kuno, uyu āgomokíle ku ku kukwesa ingambo ukufuma pápo umwene ābumbulusigwe ukufuma ku kansa. Une ndinkuti, “Ko kupelakisa kuki.”

⁶⁹ Popāpo polelo yumo āyobile ukulāta kangi alinkuti, “Ikyo kyo kindu ikibibí ukukīnda-fyōsa ukusōkako, iki kilipo, ukukwēsa i ngambo.”

⁷⁰ Une ndinkuti, “Une mmenye ikyene. Panongwa yakuti, ikyēne kyo mōhēsi.” Kangi une ndinkuti, “Umwene yo—umwene yo setano.” Kangi une ndinkuti, “Kangi ugwe ukabagila ukukileka ikyene pene papo amaka ga Kyala gali pa ugwe.”

Une mmenye isya binitu bibili mbumi bwāngu ubwākwānda, bosa bibili ba abēne bālōndága ukuya banyāmbála ba Kyala.

Yumo mwa bēne, mbimbibi bo une nundōngolìle umwēne kwa Kristi, umwēne alinkwānda ukwāsya i ngāmbo. Umwēne ākwēsàga ifuko ihano pamo ntāndatu pīsiku, itolo ukwītūgàsya kangi itolo ukwāsya yimo ukufuma pa yīngi, ilisiku lyōsa ilitali. Kangi umwene alinkugela ukwāsya iyīngi, kangi i Kindukimo kilinkusita kumwitikisyà umwene ukubomba ikyene. Umwene alinkwenda ukubuka ku bupīyilo, kisita kumanya ukuti a Masimbo gikukemela ifindu fila, nu kwīgùla lōsa ikipīyilo nu kugutila u mfuko mu bupīyilo. Kangi kila kilinkumasya ikyēne.

⁷¹ Kūko, umwinitu uyungi uyu ālōndága ukuya Nkristi, kangi umwēne āgelilé ikinunu-fiyo ikyāke. Umwēne alinkukūta panja kwa Ntwa. Umwēne alinkusileka isyēne, ku milungu mibili pamo mitatu. Kangi akabalilo kāko umwēne ikwīsa ku mwēne, nkayīlo kala, umwēne āsōkilépo pa līnogóno lyāke. Kangi umwene alinkwisa ku mwene, nukwakwaga mwene panja pa lubingilo lwa kumbenu, ukutika pa kayabo ka kitini, ukufuma pa ntu gwake. Ukubopela mu nyūmba, mbibimbibi fiyo, nu kukamata i ngāmbo syāke, kangi alinkukwēsa u mfuko gumogwēne bo akāli umwēne ukusōka nnyūmba a mayolo gala, itolo yimo palapala ukufuma pa innine. Muketile?

⁷² Yumo ākōlelígwe. “Nayumo umundu abagile ukwisa ku Myangu penepapo Tata Gwangu ikunkwaba umwene, kangi bōsa aba Tāta ambele Une bisakwisaga kwa Une.” Ngimba u kusoka kwāsanusya fiki? Ubwene bwali Bumi, kwa yumoywene. Umwene aketile Ikyene. Ugwe ukabagila ukukibona Ikyene pene papo Kyala ikusetula Ikyene. “Ikyene kifisígwe ukufuma ku

maso, abamahala na bakomu, kangi kisetuligwe ku banike ku luko ulu lukumanyilaga.” Uko ko kutalusya.

⁷³ Amram kangi Yoshebedi amenye akene kālī kabalilo. Isala yālī kifuki ku kiboko.

⁷⁴ Kangi une ngulonda ukuyoba iki akabalilo kako une nguyobapo isya ikyene. “Ikyēne kikaya umwēne uyu īganíle, pamo umwēne uyu ikubopa; ikyēne yo Kyala uyu ikunāngisya ikisa.” Uko ko kutalusya. Ikyēne yo Kyala.

⁷⁵ Polelo, umwisyugu... O, unko iki kīngile nubusolofu! Linga, umwisyugu, Kyala akukōlile ugwe, kangi ugwe gwalipāgwile gwimwene ukufuma ku findu fya nkisu, kangi a maka galwimíko ga Kyala gakukemesisyé ugwe ukufuma ku findu fila, ugwe ubagile ukuya mundu unsangaluke ukukinda uyu ali nkisu. Balipo maelifu-elifu aba bābagile ukubōmba ikyēne linga abēne bābagile, lōlī abēne bakabagila. Ikyēne kikaya kya bēne ukuya nakyo ikyēne. Ili lyo lisiku akabalilo kako i Kipanga kikukōlēligwa panja, ukupaguligwa. Ikyene kyo kikindane, iki ikyene kyālisibile ukuya. Ena.

⁷⁶ Akabalilo kako abandu bikwanda ukwiputa, akabalilo kako Israeli andege ukwiputa kuli u nsololi, Kyala áli nu nsololi. Kyala ali nu nsololi, akabalilo kosa, panongwa yakuti Kyala yo akabalilo kosa kunyela kumokwēne pankyen pa bene. Umwēne ālinagwe u nyāmbàla yula atēndekesigwe, lōlī Umwēne āgūlilàga abāndu ukubuka kukwīpūta, a bāndu ukulōnda ikyēne.

⁷⁷ Mumo kifwēnemo une mbagile ukuyoba ukuti ikyo kili umwīsyūgu! Iki uswe tukufūmbwa umwīsyūgu akaya yo mmanya-luyigo, akaya u nyāmbàla uyūngi ku kipāngànio kimo ikikulumba, uyu ukwēga ifibugutila fyōsa ukupāngànio palikimo. Iki uswe tukulondigwa umwisyugu yo nsololi atumigwe ukufuma kwa Kyala, ni Ndumi iyi yisakukemela ikisu. Kyala abagile ukuya nu nnyambala yula, linga abandu bítendekisyé kuli ikyene. Umwe mumenye iki une nguyoba. Umwēne alinayo, lumo ali nu mwēne pabuyobumo nkisu, lōlī abāndu bikufūmbilisigwa ukukilōnda ikyēne. Kyala itolo atikukanyisya ifindu pa mmilo gwako. Ugwe kufūmbilisigwa ukukilonda ikyene. “Basayigwa bo bene aba bikuya ni njala ni kyumilwa kuli ubugolofu, kabuno abene bisakwikutisigwaga.” Uko ko kutalusya.

⁷⁸ Ukufuma pāpo Mōse ālyāganisigwe... Ukufuma pāpo abāndu, ndigi, bāménye ukuti abēne bafūmbílwé ukuya nu ndongosi, abēne balinkwānda ukwiputila. Abene balinkwanda ukwiputa kuli u Kyala ukubatumila abene u ndongosi, pamo umunduyumo ukubatwala abene panja. Kangi Umwene alinkubatumila abene unnyambala, unsololi. Kila kyali kika Kyake. Lilino, linga unnyambala uyu akali nsololi mma, linga umwēne āfyūkile mmwanya, alinkuti, “Une ne gwabwīte

gwāmahala,” u Israeli āli nu bwābūke ukwīlámwa u nnyāmbála yula. Panongwa yakuti, Kyala, nkabalilo kalikosa, kisita kutoligwa, ikutuma unsololi. Yoba akabalilo kamo mwi Bangeli aka kālimo siku. Ikyene kyo kabalilo kosa nsololi uyu Umwene ikutumaga na ISI SYO IKUTI U NTWA.

⁷⁹ Yópe Davidi, mwēne, unkulumba-ukukīnda ugwanahala uyu Israeli ālimo nagwe siku, kangi, pōpe, Davidi āli nsololi. Naloliloli, umwene aali. Umwene aali nsololi, Davidi.

⁸⁰ Umwēne āgulilaga abandu ukuya ni kinyonywo mu ndumbula syabo ukupilika unsololi uyu Umwene ayaga pakutuma.

Ena, kyālipo ikibugutila iki kyāyobile abēne bābōmbile, ikyo kikāli mma. Ikyēne kyāsisimikísye pankyenī ukuti abēne bakāli batalusye. Abēne itolo bānyenyemusīgwe mu kitima. Kangi i Bāngèli lyāyobile, “Ikilündilo ikifuluganike kyābükile na bēne.” Ngimba ikyene kyabombile fiki? Ukutwala ulutamio panja mmatengele. Kangi akabalilo kosa, ifiswigo fikubombigwa. O, une ngunyonywa ukuti une nābagile ukutēndeka iki ikwīngila nkati, kanunu. Akabalilo kalikōsa aka Kyala ikutuma ikindukimo, kikuyapo kimo ikyamatīngo, ikyākwēgelēla kyamumbili kya ikyēne, kikubūka ni kyēne. Akabalilo kalikōsa, bwila ikindukimo, u kwīpela-bwītiki bwa ikyēne; ikyo kikwītūgasya mula itolo kanunu na bāndu.

Loli unsololi ugwanaloliloli ugwa Kyala ikwitugala na ISI SYO IKUTI U NTWA. Umwene atisa kusókamo siku ukufuma mu Lisimbo lila linga umwene atumigwe na Kyala.

⁸¹ Mōse alimile katikati pa Lisimbo. Kyala aatile, “Une ngubatwalaga abene panja.” Umwene alinkuyoba kwa Mose, “Une ndumile ugwe ukubomba imbombo yila.” Kangi Mōse āli nu bwendelemo. Umwene ālyāgéné na Kyala. Umwene āli ni Lisyu lya Ntwa.

⁸² Inongwa iyi Kyala ikutuma abasololi yo nongwa yakuti abene bali ni Lisyu lya Ntwa. I Lisyu lya Ntwa likwisa ku basololi. Kangi linga umwene akaya nalyo i Lisyu lya Ntwa, polelo umwene akaya nsololi.

⁸³ Filipo fi filūndiko fya fyākwēgèla fyamumbili ukugela ukuyoba abēne bo basololi, mōsa ukusuluka ukukīndamo mu ngulilo, loli abene bwila bikusōkako ku Lisyu lya Ntwa. Loli unsololi ugwbawanaloli ikusyāla katikati pa Lisyu. Lilino, komma ukwiibwa ikyākwāndisya kila. U nsololi ugwanaloli ikusyāla na ISI SYO IKUTI U NTWA.

⁸⁴ Yeso ātusokíle uswe mmasiku ga bumalikisyō iki kikubonekaga. Loli u—u gwambombo ugwbawanaloli, u nsololi ugwanaloli, akatoligwamo siku ukuya lulalula na ISI SYO IKUTI U NTWA.

⁸⁵ Mōse alimile na Ntwa. Umwene ali kimanyilo. Umwene ali kika kwa Israeli ukuti ilisiku lya lubango lwabo lyáli kifuki, kangi umwene ali kika ku Igupti, ukuti ilisiku lya bumalikisyo bwabo lyali kifuki. Nongwa, abēne bāmillilwe panja pala mu Nyānja Ìmfwāno, pankyenipo, ababwīte bōsa aba Farao. Abene baali kubumalikisyo bwa maka gābo agābwite, kangi unsololi aali kimanyilo kya bumalikisyo bwakikolo.

⁸⁶ Inogona isya ikyene, mumo u Kyala ayīlile ubukulumba, kangi ubupepe buki Umwene ikubombamo. Naloliloli, linga absitakumanyila babagile ukupilikisyia ikyēne, abamanyili babagile. Ameni. Linga abatumwa mu fibwina fya ndipa fya Igupto bābagile ukupilikisyia ukuti yula āli nsololi ukufuma kwa Kyala, kangi isala yāli pa kiboko, bo bwīngipo buki kabagile akāya ka Farao ukumanya ikyēne? Loli ulo lo luko ulu lutikumanya ikyene, ulo lo luko ulu lukupondwa ikyene, bwila.

⁸⁷ Akabalilo kako Mōse aalimile, ikuketesya ukukinda amadirisha gala, ku bana bala ba Israeli bikukinda, kwa Israeli...kwa Farao, abene baali batumwa kangi imbwa, kwa Mōse, abene baali basaligwa bala ba Kyala. Ilibangeli liyobile, ukuti, “Mose aasalile,” alinkutendeka ulusalolwake mwene, “ukukubilwa ulufuyulo lwa Kristi, ukufyūsyia ulwēne ukuya bukabi bukulumbapo ukukīnda ifyakwīkyēla fya butulwanongwa, kabuno umwēne nu lupyānikisyo mpaka ku kyābupi.” Mōse āménye ukuti abēne bakāli bakanya ndipa mma; abēne bāli bāndu nu lufingo.

⁸⁸ Mwēne, umwēne āménye iki umwēne āli. Umwēne akābagile ukubabūla abēne. Abēne bikufīmbilisīgwa ukukibona ikyēne, bēne. Umwēne āmènye, mwēne, iki imbōmbo yāke yāli, uku-uku bōmbīgwa. Umwene amenye ukuti Kyala ansusisyemmwene pa nongwa iyi, loli umwene alinkutoligwa ukubabula abene. Kangi akabalilo kosa aka abene bāli bafwamaso ku kyene, umwene akāsetulagamo siku mwene pabwelu, mpaka abene bikukyagania ikyene. Polelo, abene bakétile ikimanyilo kila, kangi abene balinkukyagania ikyene.

⁸⁹ Umwene alinkuti, “Une ngumpa Israeli ikimanyilo. Ega ingili iyi; yikusanusya iyene ukuya njoka. Abēne batisakupilika ku ikyo, polelo bīka ikiboko kyāko nkipāmbaga kyāko, kikwābila ikyēne pānja, ibūmbulusya gwīmwēne ukufuma ku bukoma, polelo abēne bisakwītika ikyēne. Kangi polelo, linga abene batisakupilika ikyene, ega a misi ukufuma mwa Nailo pāsi pala, onelela ikyene pa kisu ikyumu, kangi a misi gosa gisakuyaga lilopa.” Kila kyāli kimanyilo kya kīsu. Abāndu bisakwītika ikyēne. Akabalilo kako, abene aba bitendekisyebikufimbulisa ikyene bisakwītika ikyene akabalilo kako abene bikukibona ikimanyilo kya Kyala kikwenda, loli ikisu kikufimbulisigwa ukuya nakyo ikindukimo ikikindane. Popāpo, Umwene ikupa ikyene kyōsa i kimanyilo.

⁹⁰ Kyala ãbõmbile u mündu, u nyãmbala umwîyîsyé, u nsololi, ukuya kimanyilo kya bumalikisyó bwa kayîlo ka kikolo kala pâsi pala. Kyala, tutumila uswe uyûngi yula. Fyusyila mmwanya uswe uyûngi yula. Linga abându ba Kyala bâbagile ukubûka ku kwîputa kuli bo ikyo, Umwêne ãngàli ikumfyûsyá umwêne mmwanya. Ikyene kyo, a bandu bikufimbilisigwa ukufika nu nsigo gula. Abene bikufimbilisigwa ukusumuka. Abene bikufimbilisigwa ukusyagania. Abéne bikufimbilisigwa ukumanya lyo lisiku nki uswe tukwîtûgasyàmo, kangi ko kayîlo kâki ko katusyûngutile uswe, bo bakâli abéne ukusumukamo siku mmwanya.

Ugwe kwisakukîndililâga mulamula nkyéni itolo ngati ugwe bwîla gwâbõmbile. “Mbagisénie ukuyénga i nyûmba imbya ikyinjá iki. Une mbagile ukuya ni ligali ilinunupo ukukînda abâJones. Une mbagile ukubômba *iki*.” O, fîngi fiyo pa *iki!* Akabalilo kako umwe mukusyagania, sikaya ni mbombo... Isyo syo syosa silikanunu. Loli ugwe kufimbilisigwa ukusyagania, nkundwe, ukuti ikindu kyosa iki kisakupyutigwa.

Yeso alinkuti, “Komma ukuntilla umwene uyu abagile ukugoga umbili,” i bomu lya Russia. Komma ukuntilla umwene uyu ãbagile ukusanusya u mbili ugu mu lufumbi lwa butéke bwa kisu, mu maminiti manandi, “lôli ntîla Umwêne uyu abagile ukusanusya umbili injila yila nu kukutâga u môyo gwâko mu gehena.” Ikyo kyo ikyéne.

⁹¹ Mumo une nâyobelâga ku ngânga, panja nkipatala akabalilo kâko u mâma gwângu âli kula, umwêne âyobâga isya mûmo u sayânsi âyîlile ubukulumba, ukubômba pa fîndu ifikîndâne fya mbili, nukubîka u nkota mu gwêne, nukukëta nongwa ya fiki ugwéne gubagile ukugoga akambakasya kamo, nu kupoka ubûmbi bwa luyûngu. Une ndinkuti, “Ikyo kyo kinunu. Ikyo kyo itolo kinoge.” Une ndinkumpilikisa umwene pa kabalilo. Loli une ndinkuti, “Dokotala, ikyo kyo kinunu. Une ngupalisya ikyo. Ikyo kyo kinunu fiyo. Une—une nalolololi ngupalisya kwa Kyala panongwa ya ikyo. Lôli, këta, ugwe kutâga ubûmi bwâko bôsa pa kugela ukukyâga ikindukimo pa kipeligwa. Lôli nongwa ya fiki komma akabalilo kamo kikwînogóna isya Ywâni âpelîle ikyéne, Ywâni âtendíke ikyéne, Ywâni yo Mpeli gwa ikyéne? Kyala yo Ntendekesi gwa ikyéne.”

Bo bukulumbapo bulinga yo Mpeli ukukînda i kipeligwa iki Umwêne âtendike! Nongwa ya fiki uswe tukubîka ulusisimikisyó lwîngi fiyo pa kipeligwa, akabalilo kako uswe tutikwinogonaga isya Mpeli Uyu âpelile kumwanya na pasi, kangi âpelile umbili nu bumi? Umwene abagile ukubongotola ikyene akabalilo kalikosa Umwene ikunyonywaga, panongwa yakuti ikyene kyo Kyake.

⁹² Iki kikwisa ukuya kindu ikinunu fiyo, ukubomba pa mbili gwa bundu. Uswe tukupalisya ikyo. Abéne babagile ukusâmîsya

i kisige, ukufuma ku mündu yumo ukubūka ku nnine; ukwēga utugoye utunini utunāndi tula, kangi ukwēga i kisige ukufuma mu mbako ya mündu nu kubīka ikyēne pamwanya nkati mu mbaka ya mündu uyūngi, kangi u nnyambala yula abagile ukukéta ukufuma ku kisige kila. Ikyo kyo kindu kinunu.

⁹³ Ukwene kwalisibile ukuya, linga u māma, akabalilo kako umwene ayaga pakupāpa u mwāna, kangi u—u mwāna akābagile ukupāpīgwa, umwēne āli—umwēne ātēndīgwa bo lula, ukuti umwāna ākābagile ukupāpīgwa, bōsa-babili, bāfwāga. Uko ko kutalusya. Loli ugwe kipala ukupilikigwāmo siku isya ikyene, ikyene kyāli kikindane, lumo nasiku. Loli umwisyugu abene babagile ukumwega u mama yula ukufuma pápo umwene ali mbwitugasye bwa kuya nu mwana, kangi línga i... akabalilo kāko u māma napōpe akāli kifuki mu—mu kabalilo ka kupona, umwēne... abēne babagile ukwēga u māma yula ku kyūmba nu kumpa umwēne akanini akasililisya, nukusōsyāpo u mwāna yula, ukuya nu bupāpīgwe bwapaliposa, ukwega u mwāna. Uswe tukupālisya ikyo.

⁹⁴ Mbula une ikipāngànio kimokyene. Ugwe kwīmìka u mpopi pānja pala pabuyobumo, pa lupāngànio lwa mīsi ulu nkāya, kangi kētēsyā iki kikuboneka ku mpōpi unnywāmu. Ugwe kupufula ugwēne pānja.

Lōli, pōpe, uswe tubagile ukutumulako i kilündu, ukutumula u lukōngi, kangi, ni kīka kya Kyala, Umwēne isakukilania i lilopa lila injila iyīngi, nkabalilo ka sekondi, nu kubopesya ilyēne ukusyūngutīla injila yimo iyīngi ukupoka ubūmi bwa mundu yula. Ngimba ywani abagile ukubomba ikyo? Mbula une.

⁹⁵ Tumula ilipīpa lya lilopa, tumula ulukīndi ulunywāmu pānja apa pabuyobumo mu mīsi, akabalilo kāko agēne gikutūyanika ukufuma ku mpopi. Ngimba ikyēne kisakubōmba fiki? Gela ikyēne kamokene nukusyāgánia iki kikuboneka. Yikayapo ni njila iyīngi iyakulanisya. Ikyēne gikufūmbilisigwa ukupufula ukugomokela ku mpopi.

Linga Kyala akātēndīke i njila kuli ililopa ili ukukilanisania lyēne, mbimbibi, ukugomekela kumokwēne ku ndūmbùla kangi ugwe uli mfwāno. Akabalilo kalikōsa ugwe kwīngisa ulōbe lwāko, ubwēne bwāli bufwe, mbimbibi. Akabalilo kalikōsa ugwe kutumula pabuyobumo, ikyo kyālīgwile lōsa ilipīpa lya lilopa pamo ikīndukimo, ubwēne bukuyaga bufwe, mbimbibi. Tumula u lōbe lwāko, ugwe kuyaga mfwano. Ikyo kyo kyosa. Ikyēne kikupūtāga itolo ukugomokela mu ndumbula yāko kangi. Ikyēne kikukugogaga ugwe. Lōli Kyala...

⁹⁶ Lilino, uswe tukwinogona ikyene kyo kinunu. Uswe tukwinogona ikyene kyo kinunu. Kangi uswe tukupālisya mūmo sayansi yābōmbile, abēne babagile ukupinya imipīpa gila nukukyūngi igyēne ukufuma ku kusōk’ililopa. Ikyo kyo kyōsa kinunu. Lōli Ywāni āli yo Yula Uyu ātēndekisyē kila?

Muketile? Uswe tukukéta kyōsa pamwanya pa kipeligwa nukwibwa u Mpeli gwa ikyēne. Muketile? Uswe tukukéta ifindu ifyakipeliga, nukwibwa i—i kindu ikyamwambepo. Ikyo kyo iki uswe tukubomba.

⁹⁷ Lilino, abasololi ba Kyala, abene bo... abene bali ni Lisyu Lyake. Iyo yo nongwa abandu bikwitika abene.

Iyo yo nongwa Kyala āyobile kwa Mōse, Umwēne āyobile kunyuma kula mu Bwāndilo, mwīngi, mu Kusōka, injila yōsa ukukīndilila, “Linga alipo yumo pakati pa umwe, uyu gwamwambepo, pamo nsololi...” “Lilino ngimba uswe tukumanyaga bulebule ifindu ifi?” Umwene alinkuti, “Akabalilo kako umwene ikuyoba ikindukimo kangi ikyene kikwisa ukuboneka, ikuyoba ikindukimo ikingi, ikyene kikwisa ukuboneka, polelo itika ikyene.” Muketile? Ikyo kyo kimanyilo.

⁹⁸ Polelo Umwene ikupa i Lisyu Lyake, komma ku balongosi, komma ku balagili-abagāsi, loli ku basololi. Khrushchev akaya kimanyilo ku kīsu. Umma, nkulumba. Hitler akāli kimanyilo ku kīsu. Loli pa buyobumo, kubuyobumo, u Kyala alinayo unsololi ugvakwiyīsa ikugulila pa sala yila. Umwene yo kika. Umwēne yo kimanyilo iki kīsa kukemela i kīsu kangi isakupoka i Kipānga. U nsololi!

⁹⁹ Eliya aali kimanyilo mu lisiku lyake, unsololi Eliya. Ku i...

Umwene aali yo nsolo—... umwene aali kimanyilo kya Lisyu lyā Kyala, bulungi ku Igupti kangi lubāngo kwa Israeli, linga abene baalondaga ukummwitika umwene.

¹⁰⁰ Ilisiku ilyabonangi lila ilya Eliya, akabalilo kako Israeli gwesa abükile nyuma kwa Kyala, abene bagomokile ku butulwanongwa. Abēne bālibwibwe ulubātiko. Abēne bālibwibwe isya kuya balōngosígwe na Kyala, kangi u Yehova unkulumba uyu āligwile i Nyānja Ingeseifu, kangi ābatwèle abēne pānja pa Igupti, kangi u nsololi unkulumba ngati Mōse nkati mmyābo. Abēne bālibwibwe ikyēne.

Uswe tukwibwa ikyene. Umwe baMethodisti mukwibwa Yohani Wesley. Umwe baLuteri mukwibwa Martin Luteri. Umwe baBaptisti mukwibwa John Smith. Bīngi ba uswe tukwibwa Charles Finney, unkīnde gwa bōsa ba bēne.

¹⁰¹ Ikyēne kiyobīgwe ukuti malongo-mahano-na-bahano-na-babili mwa mia ba bapīndūki ba Finney bākolelīle losa. Malongo-mahano-na-mabili-na-bahano-na-babili mwa mia ba baMoody bāgomokile nyuma mu kyīnja kimokyēne. Kangi ikyo Wesley, ikibugutila kya bwikemo, ikyene kyali kingikingi ukugomokela-nyuma. Loli Finney āli na malongo-mahano-na-mana-na-bahano-na-babili mwa mia. Unnini, unnāndi, unsekeli, u miana gwakipala panja pa kigemo nukukéta ukukilania ikilundilo kila, bo lula, kangi abanyambala balinkusilika, panongwa yakuti umwene alitugesye mmatēngèle ilisiku limo mpaka u Mbepo Mwikemo alinkwegwa ukunkolela

umwene. Umwene abombile. Umwene ali kimanyilo ku bumalikisyo, ukufwana ifyinja bamia bibili ifi fikindilepo, ulwa lusasanio lula ulu Wesley na bala bāli nalo, nu bulongi bukwiisa nkyēni.

¹⁰² Umwēne āli kimanyilo, yila ingulilo ya butulanongwa. Kangi mumo Eliya ābagile ukwima pala, gwabukifu nu gwakwiyūla, pa mwene, nayumo nu mwene, loli umwene āli kimanyilo kya Kyala.

Abāngi ba bupūti bōsa bābūkile na Ahabu, mu njila ya bulilino. Abēne bāfikilepo ukuya balilino mu ngulilo yila. Lōli mūmo ugwaiyolo Ahabu, pamo, ugwaiyolo Ahabu, na bōsa bwa bukabi bwāke ubukulumba, kangi ikyēne kyātwēle kyōsa kya kipānga mu Kikatoli- . . . , pamo, komma Kikatolika, lōli kifuki i kindu kilakila, mu bwīputa-fifwāni. Ābatwēle abēne mu buyo būbo abēna bāli mwālwe-mwālwe. Bamo bābagile ukwipūta injila *iyi*, kangi itolo ubwābūke, “Ugwe ubagile ukubōmba kalikōsa ugwe kulonda.” Kangi ukufika mu luko lula ulwa bwitugasye.

¹⁰³ Kangi mumo fikuti u Eliya ālimile pala, nkifu, na ISI SYO IKUTI U NTWA. O Kyala, tupapo uswe abanyambala bo bala. Umwēne akātilāga ukumbula Yesebeli isya kayīlo kāke. Umwēne akantilāga Ahabu mma. Umwēne akātilāga ukuti umwēne āli nsobi. Umwene ālīmīle nu bukifu, nukusegelela kwa Ahabu, nukuti, “Nayimo ni ndungwa yitisakugwa mpaka une njikolelege iyene.” Ameni.

¹⁰⁴ Ngimba umwene aali fiki? Ikimanyilo ku ngulilo iyabutulwanongwa yila. Ngimba Israeli aketile ikyene? Umma. Abene balinsekile umwene, balinkummugila umwene.

Umwēne ālagwīsyé ukuti kula kwisakuyaga u lūmu, ukuti kula āngāli kukuya—kula āngali kukuya lutamio, njala, bususilwa. Kangi umwene āsolwile nubukifu, imile pa mwene, na ISI SYO IKUTI U NTWA. Alinkuti, “Ntwa, abēne babagogile bōsa ababwānalòli mya. Abēne babagogile bala bōsa mya. Une ne mwene ntiga yuu asyele, yuu imile ni Lisyu Lyako.” Ngimba u lutamio lwa fiki? I Lisyu lya Kyala. Eliya ālōndāga ukwitugasya ni Lisyu. Umwene āli nsololi gwanaloliloli.

¹⁰⁵ Abasololi abangi bāyobile, “O, ena, ikyene kitikupela ubukindane ubunywāmu mma. Yehova atikupasya, umwe mumenye.”

Yehova nalōli ikupāsyá. Ikyene kibagisenie ukuya Lisyu Lyake. Kangi Eliya ālimile nubukifu pa Lisyu lila, na ISI SYO IKUTI U NTWA. Kyala ālimpēle umwene isyakubutitu panini, i lisiku limo. Umwene alinkuti, “Une ndinabo maelifu mahano-na-mabili, Eliya, aba ugwe gwe nketi ku bēne, panja apa. Abene bakaya nubukifu ubwakufwana ukwisa panja nukwiyobela ikyene. Abene bikwifisa ukusyungutila mu singi. Loli, palema, mu ndumbula syabo, abene bo babombambombo Bangu. Abene bakafugama ilifundo kwa Baalim. Abene bikutiila ukubomba

ikyene. Loli, une ngukupa ugwe ikimanyilo, kangi ugwe uli kimanyilo. Ima panja pala, kangi ima pa Lisyu Lyangu. Une ngukupakikisyaga ugwe. Bapapo abene ikimanyilo.” Aleluya!

Kyala, tutumilaga uswe ikindukimo bo ikyo, ywani ikuyaga kimanyilo kya Lisyu lya Kyala. Kangi u lufingo lulilōsa Kyala āfingile lwisakutūligwa mu mündu yula, ’nongwa yakuti umwēne yo kimanyilo, i kimanyilo iki kibibigwe.

¹⁰⁶ O, abene binogonaga, panongwa yakuti Ahabu aali mwalafyale unkulumba kangi ifisu fyosa filinkuntila umwene, kila kyali kinunu ukufwāna. Loli Eliya aali kika kya Lisyu. Uyo yo nsololi uwgabwanaloli, ikika kya Lisyu. Polelo akabalilo kako umwene ayege kika kya Lisyu, abene balinkusita ukumwitika umwene. Abene bakalinafyo ifyakumbombela umwene.

¹⁰⁷ Umwene aali kimanyilo ku mfwilwe, akabalilo kako Kyala antumege umwene ukufuma pa Kyamba Karmeli, ukufuma pa...kumwanya ku kisoko Keriti. Alinkutuma umwēne pāsi pala, ukufuma kukulīsigwa na bakihōbe, kangi akasōko kala kalinkūma lōsa. Umwene alinkubuka kula ku nyumba ya nkipulu umfwilwe uyu. Bo buyo buki undumbilili ukubukako! Loli umwene alinkubuka kula panongwa yakuti Kyala ālimbulile umwene ukubuka.

Loli Umwene alinkubuka kula, alinkuti, “Une nundagile umwene ukukulyesy ugwe.”

¹⁰⁸ Umwene abagisenie ukuya kika. Umwene abagisenie ukuya kika. Akabalilo kako, umwene ali panja pala, ali nu bufu ubwakufwana ukutendeka akasyesye kala, kangi umwene nu ndumyana gwake alinkulya akene. Akapake akākufwāna uku... Kangi utufuta twākufwāna nkipake, ukutēndeka akanini akapīmba, ukubūka na kēne. Umwene alinkuti, “Une ndi panja apa ikusala imbabu sibili.”

¹⁰⁹ Pa lula ulwalutēnde, ulupyāno, ulwamūlo ulubūnju akabalilo kāko unkāngāle uwambuha-nkisyo umwīnitu, gwa nywili-syambuha sikusuluka pāsi pa nyuma yāke, alinkwenda panja pala, kangi untu gwake uwakipala gukumulika, akwīgemekésya pa kipata, alinkuti, “Ndwalila une utwisi utunini,” kangi alinkuti, “palubafu, ndwalila une akamomosela ka kākulya nkiboko kyako, akasyesye.”

¹¹⁰ Umwene alinkuti, “Une ngaya nu bufu ubwakufwana. Une ndi panja apa lilino, ukukasala imbabu sibili, ukutendeka akasyesye akanini kuli mwanundumiana gwangu. Une ndinako itolo akākufwāna ukutēndēka kamokene kuli umwēne na une. Uswe twisakulya akēne nu kufwa.”

¹¹¹ Umwene alinkuti, “Komma ukutila, kabuno, ISI SYO IKUTI U NTWA.” Uyo yo nnyambala uyu uswe tukulondigwa. Akāli mma, “Lilino, ikyene *lumo* kikuboneka, kalumbu. Ikyene *kibagile* ukwisa ukuboneka. Une ngamanya.” Umma, umma. Eliya āli nsisimikisyé. “ISI SYO IKUTI U NTWA. Indeko yila

yitisa kumalika, napamo akapake kala ukukamuka mpaka ilisiku ili Kyala ikutumaga ifula pa kisu.” Ameni. Mwaketa lelo umwe. Ikyo kyabagile ukuya kimanyilo kyakufwana nu mwéne.

¹¹² Umwene ikwimilila ikipanga umwisyugu. Bo Eliya asyele nu mwene pa kabailo kanini... Umwene ali nu ndumiana unnini. Umwéne alinkuya mbine. Ububine bwâke bwâli bunyali fiyo mpaka gukâlimo nu mûyi nagumo gwâsyèle mu mwéne. Umwéne alinkufwa. Polelo umwéne alinkubômba fiki? I kipânga kitalile kikêtile ifimanyilo ifyo. Lôli, fiki, mbimbibi lînga ulutamio lukwîsa, mbibimbibi umwéne ikulônda ukuléyèla i kipânga kuli ikyéne. Umwéne âlondâga ukundéyèla Eliya. Umwene alinkuti, “Ugwe nnyâmbâla gwa Kyala, lilino ugwe gwîsile kuno kukukôléla imbibi syângu ku bukumbukílo bwângu nukwéga ubûmi bwa mwanundumiana gwângu.”

¹¹³ Eliya alinkwéga u mwânundumiâna yula, alinkubûka mmwanya mu kyûmba kyammwanya kûko umwéne âgonâga mmwanya mula, alinkundâmbalika pa kitala kyâke mwéne, ukwîbâlula mwene pamwanya pa kène, alinkuti, “Ntwa Kyala!” Aleluya! “Tuma gomokesya u moyo gwa ndumiana uyu.” Kangi u mwana yula alinkusumuka.

¹¹⁴ Umwene alinkukega akene ukugomokela pasi. Unkikulu yula alinkunkéta u mwana, kangi polelo alinkunkéta kwa umwene, polelo umwene âmenye ikindukimo kyâli pala. Umwene alinkuti, “Na iki une mmenye ukuti i Lisyu lyâ Kyala lili nkanwa mwako.” Ameni. Umwene ali kika ku mfwilwe yula. Akabalilo kako umwene aketege a maka ga Kyala, Uyu ikupela ukuya mumi pamo abagile ukungoga, ukufyûsya u mwana gwake ku bumi, umwene alinkuti, “Na iki une mmenye ukuti ugwe gwe nnyâmbâla gwa Kyala.” Umwéne âménye ikyéne.

Ifikolo umwisyugu fikuseka ku kyene, mumo abene bâbombole akabalilo kala. Abene balinkutoligwa ukwitika ikyene. Loli unkikulu yula âmenye mbukindane. Umwéne âli kimanyilo lula, kabuno umwéne âli kimanyilo, ukusyûsya unfwe gwâke ukugomokela ku bufwe. Polelo abasololi bo bwila fimanyilo fya Kyala.

¹¹⁵ Akabalilo kako Eliya polelo akolíle ku bubonesyo, alinkuti, “Linga Kyala yo Kyala, mbombela-imbombo Umwene. Linga Baala yo kyala, mbombela-imbombo umwene.”

Ngimba ikyo kikabagila ukuya lisiku ilinunu kwa Eliya umwisyugu? Linga indyalî yo kyala, mbombela-imbombo ikyene. Ngimba uswe tulinakyo fiki mu ndyâli? Ngimba uswe tubombole fiki? Uswe tukaya nakyo nakimo loli ikibugutila kya bubole. Uswe tukaya nakyo nakimo.

Lôli uswe tutâgile kilikyôsa, kifuki mwînangu aligwësa uswe tuli nabo, ukwisila ifisu. Apa, undungu ugu gukindile, ukutâga i fisu fibili pamo fitatu ukongelelápô ku kikomyunisti. Uswe tukusöngësyisongo a bându nu kwéga i hela syâbo, nu kutuma

iyēne ukukilania kula ukulyēsyā abāndu bala bābo bikusanukila ku kikomyunisti mbimbibi bo abēne bikufikapo ukwīyēngā mōsa. Ikyene kyo busyobi. Uko ko kutalusya.

¹¹⁶ Uswe tukwīköléla ukuya Bakristi. Unko uswe tuyege bo baKristi, polelo, komma ukwisila mu kulyesya abene ifindu bo ulo. Ikyo kili ni kinini fiyo ikyo kyo—ikyo kyo... U mündu gwapalipōsa unnnunu-ndūmbùla isakubōmba ikyo. Ikyo kyo bwīputipúti. Ubo bukaya bupoki.

Abāndu bīngi fiyo bikwēga ubupūtiputi nu bupoki fifuluganikène mōsa. Ubwīpūti ko kulyēsyā abafwīlwē na balondo, na fyōsa bo ifyo. Ubo bo bupūtiputi. Lōli u bupoki ko Kupāpīgwa ukupya, ukuya mpāpīgwe kāngi. Ikyo kyo kikīndáne. Ubwīpūti, Gwamuhamadi ko bwīputipúti. Bulipo ubwīpūti bwīngi.

¹¹⁷ Lilino, pamwanya pa Kyamba Karmeli, ilisiku lila akabalilo kako umwene ikukolela ububonekesyo, kangi umwene alinkunkólela Ahabu na maelifu ga bapūti aba bālingíle ku tempeli ya fipanga-fipāgúke fyābo, umwene alinkubakolela abene pamwanya pa Kyamba Karmeli, alinkuti, “Isaga kuno. Nyagaga une apa. Une ngwimikanaga ni kibugutila kyosa.” Ngimba umwene ábombole fiki? Umwene āli na ISI SYO IKUTI U NTWA. Umwene akātilaga mma. Umwene alinkuti, “Paga ingambako. Bikapo pa Baalim. Unko u Kyala uyu ikwamula nu moto ayege yo Kyala.”

¹¹⁸ Polelo, i lisiku lyosa, mpaka... ukufuma ku lubunju mpaka ifyakulya fyakunamayolo, abene balinkunyela pa kigemo. Abene balinkwikēka bene. Abene balinkuywega. Abene balinkulata. Eliya ālyēndile ukugomokela nu kubūka, alinkuti, “Ywēga pamwanyapo panini. Lumo umwene abukile pa bwendo bwa kuloba iswi, pamo ikindukimo. Umwene yo ali pānja ikufwīma, pamo ikindukimo.”

Namanga, umwēne āli na ISI SYO IKUTI U NTWA. Umwēne ālikutisígwe. Umwēne āli ni Lisyu lya Kyala.

Nkundwe, kalumbu, ngimba kyo kiliku iki unnyambala aligwesa ikufūmbwa ukukinda ulufingo lwa Kyala? Kyala aayobile Umwene ikubombaga ikyene. Umwene yo Abrahamu. Umwene alinkumpela Kyala ukubomba isi Umwene ayobilepo. Umwene aamenye ukuti Kyalaaabagile ukubomba ikyene, panongwa yakuti Kyala aayobile lulo.

¹¹⁹ Polelo umwene—polelo umwene alinkubakolela abene ukwisa kumwanya kula. Kangi polelo abēne balinkwikēka bēne, nu kuywēga nu kukūta ilisiku lyōsa, mpaka ku likemo lyakunamayolo. Polelo, Eliya, ketesya mumo umwene ábombole ikyene. Ikindu kyakwanda iki umwene ábombole ko kubūngulusya mabwe kalongo na mabili palikimo.

Kyala akaya mtapulanie. Fipanga-fipāgúke fikutapulania ifipanga, lōli komma Kyala.

Yumo alinkuti, “Ngimba ugwe gwe Nkristi?”

¹²⁰ “Une ne gwa Baptisti.” Polelo ikyo kyo kikaya kikinda ukuyoba ugwe gwâli ngulube.

¹²¹ Yoba, “Une—une ne gwa Methodisti.” Ena, ikyo kyo kikaya kikindapo ngulube, kangi, kwa Kyala.

¹²² Une nguyoba, “Ngimba ugwe gwe Nkristi?” Ukuya Nkristi, ugwe kufimbilisigwa ukuya ngati-Kristi, kukyûnga u Bwakyala mwa ugwe, na Mbepo Mwikemo, bo aagwiile pa Lisiku lya Pentekosti. Komma ikitima kimo, lôli une ngusanusya u Pentekosti ugwanaloliloli. Muketile? Katalusya.

¹²³ “Une ndi gwa Pentekosti. Une ndi gwa Oneness. Une ndi—une ndi gwa butátu. Une ne . . .” O, mwe! Ikyo kikaya kangi mma ukukînda ukuyoba ugwe gwâli kindukimo ikîngi. Kitikusanusya a kandu kamo kwa Kyala. Ikyo kikupâgulània.

¹²⁴ Ikyo kyo iki kyâboníke pâsi pala nkati mwa bêne bapüti. Lôli Eliya âbûngénie amabwe kalongo na mabili palikimo, ukunângisyá ukuti Kyala yo Kyala yumoywene pamwanya pa bôsa ba abêne, alinkubûngulusya agène lôsa palikimo.

¹²⁵ Popâpo, akabalilo kâko umwène âgatwéle agène palikimo bo lula, umwène alinkugoga i ngâmbâko nu kulâmbalika iyène mmwanya pamwanya pa kigemo, pa mbâbu. Umwène alinkuti, “Lilino, ukuya nsisimikisyi kukayapo nakumo ukusyôba mu iki, bûka kanyégèlè une amapîpa kalongo-na-mabili ga mîsi.” Kangi umwene naloliloli âyubîke mmisi imbabu sila. O, Aleluya! Umwene âlondaga ukunangisyá ukuti Kyala ãli Kyala. Panongwa yakuti, fiki? Umwene ali na ISI SYO IKUTI U NTWA. Umwene ali nsololi. Umwene ali ni Lisyu lya Kyala.

¹²⁶ Polelo momumo abene—abene bâbombole i lisiku lila, linga abene bikuyoba ukuti abene bisakukusanusya ugwe ukufuma ku kipanga, abene bisakubombaga *iki*, *i kingi*, linga ugwe gôsígwe mu Ngamu ya Yeso, kangi fyôsa ifindu ifikîndane bo ifyo: butoyofu. Ikyene yo ISI SYO IKUTI U NTWA.

¹²⁷ Mundu unganigwa, ikilo kimo, alinkuyoba kwa une, ikwîsa ukubika amaboko gabô ukusyungutila une, kangi alinkuti, “Nkundwe Branham,” alinkuti, “Une ngulonda ukukulalusya ugwe ikindukimo.” Alinkuti, “Linga ugwe ubagile itolo ukupepusya panandi, ifindu ifi fifyo ugwe kuyobelapo.”

Une ndinkuti, “Fiki?”

Alinkuti, “Fyôsa ifi ulôsyo.” Alinkuti, “Ifipanga fya Chicago na fyôsa fikukulônda ugwe fiyo ububibi fiyo, lôli abêne bikutîla ugwe kwisa kuyobapo kila.”

¹²⁸ Une ndinkuti, “Naloliloli, une nguyobapo ikyene. Naloliloli, une ngukiyobaga ikyene.”

Alinkuti, “Ena, ikyo kyo kindu kyene iki abene balinakyo ukulwana na ugwe.”

¹²⁹ Une ndinkuti, “Polelo abene bakafika ukukindana na une. Une ngālī Yula uyu āyobile Ikyene. Kyala āyobile Ikyene. Une ngusasania aligwesa gwa bēne ukwisa ukusisimikisyia Ikyēne kisobī.” Muketile?

¹³⁰ Alinkuti, “Ena, ugwe uketile, ugwe—ugwe ubagisenie ukwitikisania nukutendeka ubwinitu.”

Ikyo kyo kindu kilakila iki abene bālondaga umwene ukubomba. Ameni. Kyala atikupepusya. Umma, nkulumba. Umwene atikupepusya.

Umwene alinkuti—umwene alinkuti, “Lilino, Nkundwe Branham, une ngulonda ukukulalusya ugwe i kindukimo. Ngimba u Gwandumi gwa Ntwa...” Alinkuti, “Uswe twesa tukwitika u Gwandumi gwa Ntwa. Ngimba u Gwandumi gwa Ntwa akubulile ugwe Iki?”

¹³¹ Une ndinkuti, “Une ndikupasya iki u Gwandumi gwa Ntwa abagile ukuyoba. Linga Ikyene, u Gwandumi gwa Ntwa, Umwene isakuyoba *Ikyo*. Lōli linga Umwēne āyobile ikindukimo ikikīndáne, Umwēne akāli Gwāndumi gwa Ntwa.” Une ndinkuti, “Kisitakupasya iki u Gwandumi, pamo kilikyosa ikingi kyāyobile, Pauli āyobile, ‘Palema nalinga u Gwāndumi ukufuma ku Mwanya ikulūmbilila i nongwainunu yiliyosa iyingi kwa umwe, ndeke umwēne ayege ngunigwe.’”

¹³² Bāndumi na aligwēsa, kimo ikyamumbili ikindukimo ikyakwītutumula, ukuyoba isya Bāndumi. Joseph Smith, Bringham Young, kangi utubugutila utukindanekindane mosa, utwa ba Adventisti na filifyosa ifingi, abēne bikukēta uluko lōsa lwa findu bo ifyo, lōli ikyēne kyo bwīla kikukīndana ni Lisyu.

¹³³ Lōli, Kyala ikutūla i Lisyu Lyāke. Ilyēne lyo Lisyu Lyāke. Une ndinkuti, “Ilyene lyo Lisyu lya Ntwa. Naloli. Fyosa ifi une mmanyilemo siku kyāmanyisigwe kwa une nu Mwene. Une ngābukilémo siku ku sukulu ya bunyakyala pamo sukulu. Iyene yikufumila ku Mwene.” Lōli une ndinkuti, “Kali ikyēne kyāli kikīndāne... Linga ikyēne kyāli kikikīndāne na Kila, une āngāli ndikwītika Umwēne. Panongwa yakuti, ilyo lyo Lisyu lya Kyala, lyo likwanda. Kilikyosa ikingi kikuyaga butungulu.” I Lisyu lya Kyala, itugasya ni Lyene.

¹³⁴ Popāpo, Eliya, akabalilo kāko umwēne āmalisisye, umwēne alinkubündàsya-na-misi ifisīnga fyōsa fila mōsa mwālwé, na mapīpa ga mīsi kalongo-na-mabili. Alinkōnelela ifyēne pa mwanya pa pala. Umwēne alinkusōkāmo panja pala, itolo ukuya kanunu bo umwēne ābagile ukuya. Fiki? Kyala akabagíla ukusyōba. Kyala ālimbūlile umwēne. Umwene alinkuti, “Ntwa Kyala gwa Abraham, Isaki, na gwa Israeli, unko ikyene kimanyigwege i lisiku ili ukuti Ugwe gwe Kyala, kangi une ne gwambombo Gwako. Kangi une mbombile iki ku bulagili Bwako, panongwa yakuti ikyene yo ISI SYO IKUTI U NTWA. Une mbombile iki panongwa yakuti Ugwe gwaalimbulile une

ukubomba ikyene, panongwa yakuti ikyene kyo kufwana ni Lisyu Lyako. Unko ikyene kimanyigwege lilino ukuti Ugwe gwe Kyala.”

Kangi u Moto gwa Ntwa gulinkúgwa, gulinkulya i likemo, ifisínga ifibündale-na-mísi, gulinkumyánda amalyálàbwé, na filifyósa ifíngi, nu kwéga kilikyósa mya. Polelo Israeli alinkukúta, maelifu mahano-na-mabili, “Unko Kyala ayege Kyala.”

¹³⁵ Eliya, bo bumogi buki ukukéta akanini kala, akakángàle akaboneke-könywa, akasekele umbili mósa gwanginya lôsa, akangili akanini kala nkiboko kyake, akapake ka mafuta katulikigwe pa lubafu lwake, akayabo ka kipapa kya ng'osi kiniembeteligwe ukusyungutila umwene. Fiki, abene ángàli bambikaga umwene mu jela umwisyugu linga umwene ikwenda pa lukindi; loli abene bikubitikisa abakikulu ukufwala ibundu; loli abene naloliloli bakābagile ukubomba ikyo, muketile, bo *ulo*, ukusóka panja.

¹³⁶ Polelo, polelo, loli apa abene biku-...apa umwene alinkwisa, ukukilania pala, ukukilania ikyamba, pa ngili iyi. Lilino, Kyamba Karimeli akaya kanini–kanini akabuyo kasitakandu kitögësyé panja pakatikati pa lulangalanga mma. Ikyéne kyo kyâmba ikinywâmu. Ikyéne kikubopa, mu luko lwa buséndâme bo *ulu*, kangi kikubopa ukufyûka ku bwa pamwanya, kangi kikukéta panja ukukilania i nyânya. Kangi Eliya na Gehazi alinkutumula injila yosa ukufyûka, pa mwanya. Kangi Eliya ágwile pa kisyo kyake pala, nu kwanda ukukúta kwa Kyala, ni nyuma yake yisyumbutusigwe ku Bwingilil'ilisuba, ukubuka ku lisuba. Ifyinja fitatu ni myesi ntândatu, komma nukugwa ni ndungwa nayimo yâgwile. Umwêne alinkuyoba kwa Gehazi, “Buka kakéte nu kubona kalikôsa, i libîngu panja pamwanya pa nyânya.”

Imile pa kyamba iki, ukuketa panja injila *iyo*, alinkuti, “Une ndikukibona ikindu nakimo.”

¹³⁷ Umwene alimile palapala pala. “Kyala, linga abandu aba bapindwike, linga abandu aba bagomokile kwa Ugwe, linga abene bítendekisyé ukusókápo ukufuma ku butoyofu bôsa ubu nukugomokela ku Lisyu Lyâko, polelo Ugwe gwe Kyala, ukwamula i Lisyu Lyako.”

¹³⁸ Unko une njobe ikindu kilakila umwisyugu. Ega ifipângafipâgùke ifi nu kubongotola ifyéne lôsa, íbwa ubukîndâne bwafipângafipâgùke ifi, kangi unko abându bîse ukugomokela ku Lisyu lya Kyala, ku lukîndi bwa bugolosye. Une nisakusisimikisa kwa ugwe aliko Kyala uyu akâli abagile ukwâmùla nu Môto.

¹³⁹ Unko a bându bakôlèle pa Kyala. Unko...?...bakôlèle kuli u mündu. Unko a bându bakôlèle kuli u nsololi. Kyala isakumbika umwene pa buyo. Une ngusasania ifikolo ukubomba

ikyo. Ukugwa pa kisyo kyako nukukolela pa Kyala, ukuntuma u mpoki, kangi ketesya iki kikuboneka. Itolo bōmba ikyēne akabalilo kamo, Kyala isakwāmūla. Kyala akabalilo kōsa ikubōmba.

¹⁴⁰ Alinkugwa pāsi nukuyoba, “Kyala, unko ikyēne kiyegé umwisyúgu. Abāndu aba akabalilo kamo bālwana na Ugwe. Abandu aba babongotwile ukubuka mu luko losa ulwa fipanga-fipaguke panja pala. Loli, umwisyugu, Ugwe usisimikisyé Gwimwene. Ugwe gwe Kyala. Kangi abandu balinkuti, ‘Sopa panja Baalim.’ Kangi une ngogile maelifu ga baputi. Abene bali panja pa njila lilino, Ntwa. Fyōsa ifilwānanafyo fikīndile, utwabānde utunini utu twātupāgulàga uswe.”

U m’Methodisti ikulōnda ukwīsa ukwīpūta nu m’Baptisti; u m’Baptisti ikulōnda ukwīsa nu m’Pentekosto; ababwānalòli mu ndūmbùla pāsi pala, bala abasübiliwgwa maelifu mahano-namibili. Loli abene bakabagila ukubomba ikyene. Linga abene bikubomba, abene bikusosigwamo panja pa fipanga fyabo. Bamo mwa bene batikupasya. Abene bikwīsa, mulimosa. Uko ko kutalusya.

¹⁴¹ Lōli unko abēne bōsa balilatulaga ukusalana kula nu kwīsa palikimo, nukuyoba, “Uswe twisakwībwa fyōsa ifi apa ifimanyisyo na bakatekisimu, na filifyosa uswe tukubala ukufuma. Unko uswe tugomokele ku Lisyu lya Ntwa.” Ketesyá iki kikubonekaga pala. Kyala isakusumusyaga abene nsololi, Umwene naloliloli isakutwalaga, ikyo kisa kutwala Ikyene. Ikyakwanda, abene bikufimbulisigwa ukwiputa. Kyala ikugulila.

¹⁴² Ngimba ikyene kikaya kihesya ukuti Kyala ikulonda abandu ukuya ni kiyabo mu kyene? Akabalilo kako Yeso âketile panja pa mfunjo, Umwene alinkuti, “U mfunjo go gutonile. Abakusukulika bo banandi. Umwe ipūta u Ntwa gwa mfunjo,” yula âli Mwēne. “Umwe ipūta kwa Une, ukuti Une ngutumaga abasukulika nkati ku mfunjo Gwāngu.” Kyo kiyabo kimo ugwe kufimbulisigwa ukubomba. Kyala ikugulila ku Kipanga Kyake ukunkolela Umwene. Umwene bwila abombile ikyene. Kyala ikugulila umwisyugu ku bandu ukunkolela ugwambombo Gwake kukabombo. Kangi u gwambombo akabagila ukwingila mu mbombo mpaka abandu bikwiputa.

¹⁴³ Israeli akābagíle ukufika nkati mwa mbombo pāsi pala, ni fimanyilo ni fiswīgo, mpaka abene balinkugwila pa kisyo kyabo nukwiputila umbāngi. Kyala âli mbāngi Gwake. Kyala ali nu nsololi ituliké pamwanya pala mu lulangalanga, âlinskyüngile umwēne kula kuli ifyinjá malongo mana, ikugūlila kuli abēne ukufikapo mbatalusye, u kwīpūta. Loli akabalilo kako abene bali kanunu nu kwānda ukwiputa, polelo Kyala alinkutuma umpoki.

Kyala ikubombaga ikindu kilakila umwisyugu, linga abandu babagile itolo ukwisa palikimo, ukwisa ku kwiputa. Umma ndaga.

¹⁴⁴ Umwene aali kimanyilo ku basololi abasyobi bala kangi kwa Ahabu, ukuti umwene aali ntumigwa gwa Kyala. Umwene aali nsololi gwa Kyala. Polelo, umwene yope ali kika kwa Israeli, ukuti umwēne ābagile ukwigála kumyānya pamo ukwigúla imyānya, akabalilo kāko umwēne ānyonywága. Umwēne naloli áli.

Mbula une yumo abagile ukwigàla imyānya, nāngisya une yumo uyu abagile ukwigùla imyānya, panja pa Kyala. Kangi i Lisyu lyà Kyala, pamo, i Lisyu lyà Kyala lili na basololi.

¹⁴⁵ Mikaya, i kimanyilo kwa Yehosafat. Mikaya áli kimanyilo kwa Yehosafat, ukuti Kyala ikukyunga u nsololi ugwbawānalòli pa kiboko.

¹⁴⁶ Lilino këtésya. Umwēne áli na basololi bamia bana, Ahabu ábōmbile, kangi umwēne ákōlile pānja basololi bamia bana bala. Kangi nu bwitikisanio bumo abēne bālimbūlile umwēne. Kangi napāpo, pāsi mu ndumbula ya Yehosafati yila, u nnyāmbàla gwa Kyala, umwēne ámènye kyālipo i kīndukimo ikisobi. Umwēne ámènye kyālipo ikindukimo kyāli kisobi. Umwēne alinkuti, "Ngimba ugwe ukaya nayo nayumo uyungi?"

¹⁴⁷ "Ukufuma pa bamia bana bimile pala?" Umwene alinkuti, "Aba bo basololi bosa, basololi ba Yehova." Balipo a—a baMethodisti, abaBaptisti, abaPresbeteri, aba Bumobwène, o, mwe, mwe, Bābutàtu, na lōsa u luko ulukīndàne. "Uswe tulinabo abēne bōsa apa, kangi nu bwitikisanio bumo abēne bikuyoba iki kyo kīsu ikikulumba ukukinda iki kili. Uswe tukaya nako nakamo akakutétemesya." Bo yu ndumiana nnini ikukub'ulufi ku mapumba, umwe mumenye, akabalilo kako umwene ali nu lutende. Komma ugwe ukupasya isya ikyo.

Alinkuti, "Loli ngimba ugwe ukaya nagwe yumoywene kangi?"

Alinkuti, "O, ena, alipo uyungi yumo apa, lolí," alinkuti, "Une numbengile umwene." Muketile? Alinkuti, "Umwene akabalilo kosa ikuyoba imbibi isya kisu iki. Umwene akabalilo kosa ikuyoba ikindukimo ikibibi kisakuboneka kwa uswe."

¹⁴⁸ Yehosafati alinkuti, "Une—une ngulonda ukumpilika umwene." O, ena!

Ngimba umwene ali fiki? Ikimanyilo. Kisitakupasya isya balinga ifibugutila pamo ikipaguko, Kyala akaali ali nu nsololi uyu ikwimila ni Lisyu.

¹⁴⁹ Yehosafati ámènye ukuti Ahabu águnìgwe, panongwa yakuti yula u nsololi gwanaloliloli, Eliya, áfumile pakuya kimanyilo ku fikolo, alinkuti, "Imbwa sisakumyànda ililopa lyako, ukwisa kuno." Uko ko kutalusya. Umwēne ámènye ukuti Yesebeli nu

mwēne bāli ni kyēne ukwīsa ku bēne. Umwēne āmēnye ikyēne kyābōmbile. Muketile?

¹⁵⁰ Kangi Mikaya, Mikaya alinkuti... Abene—abene balinkwisa pala ku mwene nukuti, “Lilino, une ngukubulaga ugwe, linga ugwe kulonda ukubuka ku kibugutila ikikōnge, une ngukubulaga ugwe iki ugwe kubomba. Ugwe itolo itikisyaga ukuti bōsa abalumbilili bangi aba bali batalusye. Muketile? Ugwe umbule umwene, ‘Bukaga mmmwanya.’” Kangi alinkuti, “Ugwe itikisania itolo.” Alinkuti, “Une ngukubulaga ugwe iki uswe tukubombaga. Uswe tukupelaga... Uswe twisakukeeta ukuti ugwe kwīsa mula nkipānganio kyītu, linga ugwe itolo kubōmbāga ikyo, muketile, linga itolo ugwe itolo kwisa kulekako pa finini fya fīndu ifi apa ifi ugwe kuyobelapo. Ugwe itolo nāngīsyā, būka, itikisania na bēne, būkāga nkyēni ba bēne.” Haa-haa! Ngimba umwe mubagile ukwinogonela u nsololi uwgabwanaloli gwa Kyala ikusōkāpo ukufuma ku Lisu lyā Kyala? Ngimba umwe?

“Ena,” abinitu aba bāyobile, “loli, uswe twāyibwéne imboniboni,” abasololi bamia bana aba. “Uswe tumenye. Uswe twe basololi. Uswe tumenye, kabuno uswe twe basololi.”

¹⁵¹ Mikaya alinkuti, “Une ndikwīlamwa lōli iki umwe mwāyibwéne imboniboni. Une ndikwīlāmwa ikyēne napanandi, iki umwe mwākibwene, i mboniboni, lōli ikyēne kikaya kyākufwana ni Lisu lila.” Amen. Alinkuti, “Une nāyibwéne imboniboni, nīne.” Amen. O, kisa! Umwēne āli kimanyilo. Umwēne āli kimanyilo. Umwene alinkuti, “Une nāyibwéne imboniboni, kangi une nālimbwéne Israeli, ngati ng’osi, sibalanile pa kāmba, ukuya nu ntīmi nayumo.”

Kangi uyu unkulumba unkētēsi, bishopu, alinkwēnda kula nu kunkoma umwēne nkanwa. Alinkuti, “Ngimba u Mbepo gwa Kyala abukege kugu akabalilo kako Umwene asokilemo mwa une?”

¹⁵² Umwēne alinkuti, “Ugwe kwisakukēta akabalilo kāko ugwe uli mminyololo. Ugwe kwisakukēta.”

Umwene, Ahabu alinkuti, “Mbika umiana yula mminyololo. Nswila umwene u nkati gwa busulumanie, kangi mpapo umwene amisi ga busulumanie, ukunwa.” Alinkuti, “Akabalilo kāko une ngugomokela ndutēngāno,” alinkuti, “polelo une nisakumpakikisa umwēne.”

¹⁵³ Ugwaiyolo Mikaya aalimile pala na ISI SYO IKUTI U NTWA. Umwene alinkuti, “Linga ugwe kugomokela napanandi, Kyala akāyobile kwa une.” Hum! Ikyo kyo ikyene. Ngimba umwene aali fiki? Umwene aali kimanyilo, ukuti abasololi ba Yehova, abasololi ba Kyala, bikusyala ni Lisu lyā Kyala.

¹⁵⁴ Ugwe uli nayo unsololi uyu ikuyoba ugwe ubagiile ukōsigwa mmapalo ga “Tata, Mwanundumiana, Mbepo Mwikemo,” ikyene kyo nsololi gwabutungulu. Linga ugwe kuyoba aliko

u nsololi pakati pa ugwe, uyu ikuyoba, “Balipo aba Kyala batatu,” umwene yo nsololi gwabutungulu. Likayapo i Lisimbo nalimo ilya ilyene. Uko ko kutalusya. Loli unsololi ugwa Kyala uwabwanaloli isakusyala ni Lisyu lila. Kangi linga imboniboni yake yikulwana ni Lisyu lila, umwene akaya nsololi gwabwanaloli ukufuma kwa Kyala.

¹⁵⁵ Nakumo, mwi Bāngéli, aligwesa alyosigwemo siku mmapalo ga “Tāta, Mwanundumiana, Mbepo Mwikemo.”

¹⁵⁶ Kēta Pauli, pamwanya pala mminyololo, a kanini, akaniongala-mbulo aka Yuda, akākipàla, kalāmbalèlè pamwanya pala ukutāga ifyīnja malongo mabili, mminyololo gwa Roma. Umwēne àśimbile abakalata aba. Lilino, ngimba umwe mukwinogona fiki abakikulu undumbilili inogonaga isya Pauli, akabalilo kako umwene ayobege, “Unko abakikulu bala bikyungege komyemye mfipanga. Une ndikubitikisya abene ukuyoba”? Une ngwinogonela abene bābagile naloliloli ukubomba pa mwene.

Ngimba ugwe kwīnogòna bala ababishopu bīnogonàga fiki, bala ababishopu, akabalilo kāko umwēne àyobile ifindu fyōsa ifikindàne ifi, “Sōkáko ku findu *ifi* apa, kangi *iki* apa, fyōsa *ifi, fila*,” Pauli ukubabūla abēne? “Yo ywāni u miana uyu, mulimōsa, u miana uyu alambalele pamwanya pala mminyololo?” Loli umwene alyaaagene na Yeso. Umwene aamenye ifi umwene aayobaga.

Kangi ukufuma ku kabugutila kalakala kala, ukufuma pa bufwe bwa Pauli, abēne kubumalikisyō bābūmbile, ukufuma ku kipāmbo kila kya babishopu ni fyapamwanya, ku Lukomano lwa Nicene, kangi kila kyabūmbile ni kipanga kya Katolika, ukusōkáko ku Lisyu lya Kyala. Pala alinkwisa nkati ugwāko “Tata, Mwana, Mbepo Mwikemo.” Une ngukānikana aligwesa, paliposa, ikisu kilikyosa, ukutobesya ikyene.

¹⁵⁷ ISI SYO IKUTI U NTWA. Ulosyo ukubōmbéla amapalo ga “Tata, Mwanundumiana, Mbepo Mwikemo” bo butungulu. ISI SYO IKUTI U NTWA. Une ngulagila aligwesa gwa umwe, pamwanya kuno pamo pa tepi, uyu akalyosigwe mu Ngamu ya “Yeso Kristi,” ukōsīgwa kangi mu Ngamu ya Yeso Kristi.

¹⁵⁸ Pauli, mu Imbombo, 5:9, pamo, 19:5, alinkuti, “Ngimba umwe mwāmbilile u Mbepo Mwikemo ukufuma pāpo umwe mwālitiké?”

Abene balinkuti, “Uswe tukamanya mma kali aliko yumo u Mbepo Mwikemo.”

Alinkuti, “Polelo ku fiki umwe mwālyōsígwèko?”

¹⁵⁹ Abene balinkuti, “Uswe tosígwe,” loli komma mu lōsyo lwa Kikristi.

“Tāta, Mwanundumiana, kangi Mbepo Mwikemo” akaya lōsyo lwa Kikristi mma. Nayumo u Nkristi alyosigwemo siku

bo ulo, mwi Bangeli pamo kuli bamia ba fyinja ukufuma mwi Bangeli. Ikyene kyo kimanyisyo kya Katolika, kangi komma i Kimanyisyo kya Kikristi. Nāngisya une mu i Bāngéli. Ikyene kyo—ikyene kyo busyobi. Ikyene kyo kubomba kwa misyétano.

Une ndikusanusya ukuyoba abāndu aba bōsígwe bo ulo bali mu njila yila. Kyala ali nabo a bandu bingi panja pala umwisyugu uyu akamanya kanunupo mma.

¹⁶⁰ Loli, i sala yisile, uswe tukufimbilisigwa ukugomokela ku Lisyu linga uswe tukugulila Kyala ukubomba mu lisiku ili mumo Umweneaabombile akabalilo kala.

¹⁶¹ Une ndinkuyoba kwa mama gwangu akabalilo kako umwene afwaga, bo umwene akafwa. Une ndinkuti, “Māma, akabalilo kako une nāli Nkristi, ukuya ndumiana, une ngwanda ukulondalonda nukusyagania. Une nāmēnye āliko Kyala, ukufuma ku mboniboni isi umwe mumenye, ni fīndu ifi fyābonike mōsa ukusuluka ubūmi.” Une ndinkuti, “Polelo une ndinkusyagania i kipanga kya Katolika kyātīle, ‘Uswe twe kipanga. Kitikupela ukukindana kulikosa iki i Bangeli likuyoba. Uswe tukwitika Ikyo ukuya kanunu mosa, loli, uswe twe kipanga. Iki uswe tukuyoba, Kyala ikupinya ku Mwanya.’ Kangi popāpo, polelo, abēne bikubōmba ikyēne injila *iyyi*. Ugo go mbili gumogwene. Abaluteri bāybōle, ‘Abēne bo basōbi. Uswe tukwītīka ikyēne injila *iyyi*.’ Aba Baptisti bikuti, ‘Abene bo bosa basobi. Uswe tukwitika ikyene injila *iyyi*.’ Kangi balipo abamia ba mibili igyo.”

Fiki, ugwe gwābagíle bulebule ukuya nu lwītīko? Kyo kiliku kya bēne kyo kitalusye? Kilipo i Kindu kimokyene ikitalusye. Une ngākimenye Ikyene akabalilo kala.

¹⁶² Une ndinkuti, “Māma, une nāgomokíle ku i Bāngéli nukusyāgānia mūmo bala abatumigwa bākwānda, lo luko lukí ulwa kipanga abēne bāli nalo, mūmo abēne bāmanyisyāga, kangi ifīndu ifi abēne bābōmbile. Une nābōmbile itolo katikati i njila abēne bābōmbile ikyēne, i njila i Bāngéli lyāybōle, kangi une ndinkufyāga ifyakukōnga filafila.” Amen. Nhobokela ubuyobel, lōli i-i busimikisye bwa litapa ko kulya kula. Ikyo kyo kyabwanaloli. Ndikuya ni fyakukōnga filafila abēne bālinafyo. Ena.

¹⁶³ Popāpo, ugwe ukabagīla ukuyēngā ulwītūfyo mu kindukimo silipo i njila bamia bahano-na-bana ingīndāne, iya kubūka injila *iyyi* kangí injila *yila*.

Polelo une ngusyagania, kula mwi Bangeli, ukuti Yeso āyobile, Mwene, “Linga u mündu aligwesa isakwēga i Lisyu limolyene, pamo ukwāndúla Ilyēne, mwa Büku uyu; aligwesa uyu isakukōngeléla kalikōsa ku Lyēne, pamo ukwēga kalikōsa ukufuma mu Lyēne; kilakila kisakwēgīgwa, ikya kiyabo kyāke ikya Büku gwa Bümi.” Ānāngísye umwēne āli ni ngamu yāke pala, umma ndaga, lōli yisakwēgīgwaga mōsa. O!

¹⁶⁴ Uswe tukufimbilisígwa ukugomokela ku Lisyu ili. “Kumwanya na pāsi fisakumalikaga, lōli i Lisyu Lyāngu litisakutoligwamo siku.” Ena, nkulumba. “Unko ilisyu lyā mündu aligwesa liyege busýobi. Lyāngu liyege bwānalóli,” alinkuyoba Yeso. Unko uswe tusyále ni Lisyu. Ena. O, mwe! Ena.

¹⁶⁵ Yehosafati amenye ukuti Kyala ikwima nu gwanalolilolí, unsololi gwabwanaloli uyu ikwimila ni Lisyu Lyake kangi atisakuleka Ilyene. Umma, nkulumba.

¹⁶⁶ Umwene alimile palapala ni Kyene. Abamia bana abakulumba ukulwana nu mwene, nisololi syabo, bope. Lōli ikyāke kya Lisyu lyā Kyala, ni kimanyilo kilakila ni fīndu.

Kangi une nguyoba, umwisyugu, iki uswe tukulondigwa umwisyugu yo nnyambala, u nsololi, sumuka mmwanya pakati pitu, uyu isakusyāla ni Lisyu lyā Kyala kisitakupāsyā iki aligwēsa uyungi ikuyoba, pamo kilikyōsa ikipānga-kipāgúke kiyobíle.

¹⁶⁷ Mikaya akāli nu lwítikisanio nalumo. Mōse akāli nu lwítikisanio nalumo. Noa akāli nu lwítikisanio nalumo. Nayumo gwa bēne, itolo, ālimo siki nu lwítikisanio. Ikyēne kyo kyōsa ukulwāna na bēne. Loli abene bo fimanyilo mmasiku amabibi pankyeni pa Kyala ikutuma u bulongi. Kangi Kyala ikwima ni Lisyu Lyake kangi ikulonda i Lisyu Lyake likyungigwe na bandu Bake. Ntufye u Ntwa.

Lilino, ukwisa ku kwīgalá, ku maminiti manandi itolo lilino. Lilino pilikisyá kifuki.

¹⁶⁸ “Aalipo unnyambala uyu atumiigwe ukufuma kwa Kyala uyu ingamu yo aali Yohani,” ikimanyilo-nsololi. Bo Yeso akāli ukwisa ku kīsu, ukwifumusya Mwene, Umwene ātumile u nsololi pankyeni pa Umwene. Ngimba Umwene ābombile ikyene? Umwene alinkutuma unsololi, u Eliya ugwa Ndwitikano Ulukulu, āsololigwe ukwisa mmaka ga Eliya ugwa Ndwitikano Ulukulu. Umwene ayaga pakuya kimanyilo-nsololi ukuti Yeso isaga, ukuti kukuyangapo u Mesiya ikwisa.

¹⁶⁹ Kangi Yohani alinkusooka ukufuma ku matengele, umwene ali kika ukuti Mesiya ali pa nsebwe Gwake. Akabalilo kako Yohani ābonekile, Israeli abagiile ukumanya, na basololi babo.

Kula ko kūko abāndu bikupōndwa ikyēne. Abēne batikwitika abasololi kābo. Abēne batikwitika. “Uswe tutikwitika iki Peteri āyobíle kyāli kanunu mōsa, pa Lisiku lyā Pentekosti.” Abene batikwitika ikyo kyo kitalusye. Abene batikwitika iki Pauli āyobíle, ikindu kilakila iki Peteri ābombie. Alinkuti, “Linga u Gwandumi ukufuma ku Mwanya ikulumbilila ilisyu liliyosa ilingi, ndeke umwene ayege ngunígwé.” Abene batikwitika ikyo. Muketile? Abene batikwitika ikyene.

Kangi abēne bakālīke abasololi bābo. Linga abēne bābagíle ukumanya, abēne angali bamenye ukuti Yesaya āyobíle, "Lisakuyapo ilisyu lya yumo likukúta ndulangalanga, ili lisakutendekesyia injila pankyen i pa Ntwa." Abēne bābagíle ukumanya ikyēne. Umwēne āli nsololi, u nsōka gwa basololi. Umwene ababulile abene, lolí abene balinkusita kwitika ikyene. Umma, umma. Umwene alinkuti, "Aliko u Mesiya ikwisa."

¹⁷⁰ U nnyāmbála uyu āli nnyāmbála átumígwé ukufuma kwa Kyala. O, bakundwe! Umwēne akāli nabumo ubukōngésigwe. Kyala ālímpele umwe u bukōngésigwe, akatimo akanini, itolo mūmo Umwēne ābōmbile Eliya. Kyala ampéle umwēne ubukōngésigwe bwāke. Umwēne akakabile ubwēne ukufuma ku kipāngānio kyandyāli kimo. Umwēne ālūmbilíle i Lisyu, āsyéle pa Lisyu lya Kyala, kangi Kyala ālímpele umwēne akatimo kanini. Eliya āsyéle pa Lisyu lya Kyala. Kyala ālímpele umwene akatimo kanini.

¹⁷¹ Unnyambala uyu akaali nu lwitikisanio mma. Umwēne akāli nu bukōngésigwe nabumo, nalumo ulwítikisanio, akālíngile nakimo ikipāngā-ikipāgùke, akasūmíle kuli nakimo kangi akātlàga nakimo. Yula āli Yohani. Nongwa ya fiki? Umwēne āli nnyāmbála átumígwé ukufuma kwa Kyala. Iyo yo nongwa umwēne ālímíle. Umwene aali yo Eliya imile pala, ukusisisimikisyia ku bandu ukuti u Mesiya isaga. Umwene alinkuti, "Une ne masyu ga umwene aga gikukuta mmatengèle, mumo āyobile u nsololi Yesaya. Tendekesyia ukwagana nu Ntwa."

¹⁷² Bala aba Farisai na baSaduki baliimile panja pala nu kutatikana isya jāsi syaabó ni findu. Palapala bo abēne bātatanàga nu kūmana isya ikyēne, palapala mu kati mwa bēne ikwīsa Mesiya, ikwēnda.

¹⁷³ Yohani alinkuti, "Kéta, pala Umwene alipo." Aleluya! Nketesyia umwene. Umwene ālinnangisyé Umwene. "Pala Umwene alipo. Umwene imile palapala pakati pa umwe lilino."

Kifuki akabalilo kala, kumwanya kulinkulündùma. Yeso alinkwenda ukubuka mmisi. Kangi Yohani alinkusisisimikisyia ubuketi, ukumbona Mbepo gwa Kyala, bo yi ngungubiya, ikusuluka. A Masyu gikukuta, "Uyu yo Mwanundumiana Gwangu unganigwa mumo Une ngwikyela ukwitugala mumo." O, mwe, mwe!

¹⁷⁴ Yohani alinkuti, "Lilino une mbagisenie ukusuluka. Umwene isakufyūkaga." O, yo nsololinki, ikimanyilo kwa Israeli! Ena, nkulumba.

¹⁷⁵ Umwene āli nnyambala átumigwe ukufuma kwa Kyala, palema nalinga ugwise āli mputi. O, ena. U gwise, Sakariya, āli mputi. Ngimba umwe mwāsyāgènie? Kyala akālítikisyia u nsololi yula ukuya mfuluganike mya na fila ifipāngānio. Ugwise angali ammwiegile umwene kula ku sukulu ya bubalakyala, ku *Kyakuti-*

na-kyakuti kipanga-kipágúke ikikulumba, ukumpela umwène undumbilili unkulumba, umwe mumenye, nu kumanyisya umwène mōsa lōsa, kangi ukumpa umwène ikilündiko kyōsa kya fíndu umwène ābagile ukuyanafyo. Lōli Kyala akābagile ukundeka umoyo gwâke abwâpulígwe. Ngimba umwe mukupilikisa? Umwène akābagile ukundeka u nyâmbàla yula ukuya mfuluganikane lōsa ni fipângànio. Umwène akâlîngile ku kimo kya fyène, nakimo ikiyabo, Farisai, Sadukai, pamo abaHerodi, pamo kilikyōsa ikyène kibagile ukuya. Kyala akābagile ukwítikísa ikyène.

¹⁷⁶ Umwene ali nu bupapigwe ubuhesya. Umwene ali mwana unswigisyé. Umwene ali nsololi. U bâba gwâke âli mpûti, lôli Umwène akâbagile ukwítikísa umwène ukuya mfuluganikano na fyôsa ifya basyôbi bâbo, ubwîpùti bwa kiFarisai ni fíndu. Ngimba Umwene aabomble fiki? Umwene alinkummwega umwene panja mmatengele nukummanyisya umwene ndulangalanga.

¹⁷⁷ Ko kumanyisyanki! Ameni. Umwene alinkummanyisya umwene ukwisila mu kwendelamo. Ikyo kyo kinunu ukukindafyosa, ukummany Kyala. Akabalilo kako umwene âsôkaga panja, umwene âmenye katikati iki ubutumigwe bwake bwâli. Kyala âsisimikísyé ubutumigwe bula.

Ngimba Umwene ko kugu kûko âsisimikísyé ikyene? Pa kisoko. Lilino, linga ugwe ubagile ukutendeka kibili na kibili. Muketile? Pa kisôko!

Alinkuti, “Une ne lisyu lyu yumo ili likukúta ndulangalanga, ‘Tendekesyá injila ya Ntwa, golosya injila Yake.’”

¹⁷⁸ Yohani, u nnyâmbâla âtumígwé ukufuma kwa Kyala. Kyala akabagile ukundeka umwène abwâpulígwe ni kyène. Umwene amanyisigwe umwene mmatengele, ukwisila mwa Kyala. Umwene alinkummanyisya umwene komma mmasukulu gabó, komma mbufundakyala bwabo. Linga Umwène ābagile, umwène ângâli ikumanyisigwa lôsa ni fíndu ngati ugwe kwîsa ukufuma ku sukulu umwîsyûgu, u luko lôsa lwa masukulu. Komma itolo u m’Presbeteri, m’Baptisti na m’Methodisti, loli i sukulu sya kiPentekosti, itolo nububibi, silisyôsa sya sila isukulu sya bufundakyala, sikubatwala abêne pânja pa pala. O!

¹⁷⁹ Ukwisa Kwake, ukumbula u Mbepo, gwa Yesaya. Ukwisa, ukwîsa kwa Yohani, kwâsololigwe mu Lisimbo. Yesaya 40:3 âyobile, “Une nisakutuma untumigwa Gwângu pankyeni pa Une, tendekesyá injila,” pamo, yula âli Malaki 3. Alinkuti... Malaki 3 âyobile Umwene ikutumaga u ntumigwa Gwake pankyeni pa Umwene. U nsololi, u nsololi gwabumalikisyo, âyobile isya umwène. Ikindu ikyâbumalikisyo iki kyâybogígwé isya umwène. Kumbukilaga, Buku gwa bumalikisyo ugwa Lwitikano Ulukülu âyobile ukuti Eliya ikwisaga ku bana ba Israeli bo kukâli ukuboneka kwa Mesiya.

¹⁸⁰ Ngimba umwe mwitendekisyé? U Būku gwa bumalikisyó mu i Bāngéli, u Busetuli, ikutunāngísyá uswe ukuti kwisa kuyāngako ukugomokelága kwa umwène mu lisiku lyābumalikisyó, ku kipanga kya Bāpanja, ikimanyilo. Mūmo abene bikupöndwa ikyene! Umwene asololigwe ukwisa kangi, bo fikáli ukwisa ubukulumba kangi Ukwisa kwakibili kwa Ntwa. Mu Kapatu-...Mwa Malaki untu gwa 4, mu Busetuli yope, untu gwa 3, ikutubula uswe ukuti umwene isakuyaga apa mmasiku gabumalikisyó. Yula yulayula, uyu ikwimágá pakati pa bāndu, nu ntimo unníni ugu Kyala isakumpa umwène, umwene ikwisaga mmasiku ga bumalikisyó. Kyala ayobile mumo. Umwène isakuyaga kimanyilo ku kikolo kya Bāpanja iki, ukuti akabalilo kâke kakayapo kângi mma.

¹⁸¹ Kangi, kumbukilaga, akabalilo kako umwene ikuboneka pa buyo, akabalilo kali kifuki. Unko uswe twipute kuli Kyala ukuntuma umwene. Akabalilo kali ku kiboko.

¹⁸² Mbimbibi itolo bo ubutumigwe bwake bwamalike, Mesiya ālibonisye Mwene. Mbimbibi itolo bo uyu unkulumba yumo isakwîsa mmasiku gabumalikisyó, isakumalisya ubutumigwe bwâke, u Mesiya isakwibonesya Mwene. Ikyene kikuyaga lululo. Akabalilo kali kifuki, polelo uswe kinunupo tukusumaga. Ugwe kinunupo inputa.

¹⁸³ Ikimanyilo Kyâke ikipegígwe-na-Kyala ku ngulilo iyi kisakusimikisyága ku iki umwène ali. Aligwësa isakumanya ikyéne. Kyala isakusimikisyá ikyéne. Umwène isakutüligwágá ni Lisyu lya Kyala, bo unnyambala uyu áli. Fiki? Umwene asololigwe ukwisa, mwa Malaki 4 nu Busetuli 3, polelo umwene ikwisaga. Kakayapo nakamo aka kisa kummwimika umwene; umwene ikwisa. Ameni. Umwene isakuyaga apa. Ameni. Unko abându bagwile pa kisyo kyâbo umwîsyúgu nukwanda ukukúta kwa Kyala, kangi kêtésya iki kikuboneka. Umwe mwisakumbona umwène ikunângísyá mmaka. Ena, nkulumba.

¹⁸⁴ Ukufwana ni Lisimbo, i Ndumi-kimamnyilo yake yisakuyaga “ukusanuka.” Ngimba ikyâke kisakuyaga fiki... Ngimba fyo fiki uswe twisa kumanya umwène ukuya? Ngimba bo bulebule uswe twisa kumanya ikyéne yo ntalusye yula?

¹⁸⁵ Umwe mumenye, Israeli āalusísye kila akabalilo kamo, kula mu Kukumbusya-indagilo, untu gwa 20... ilinandi lya 20, une ngwitika ikyene kili. Umwene alinkuti, “Ngimba uswe twisakumanya bulebule ukuti uyu ikuyaga yumo ntalusye?”

Ngimba uswe tukumanya bulebule? Kyala ikutubula uswe twisakummnya umwene. Ngimba umwene ikubombaga fiki? “Umwene isakusanusya indumbula sya bâna ukugomokela ku Ndumi yapentekosti iyapabwandilo ku bwandilo.” O, mwe!

¹⁸⁶ Ikimanyilo iki kikubebeligmwa, ikimanyilo ikyanaloliloli, kangi abene bikukipondwa ikyene. Abene akabalilo kosa bikubomba.

¹⁸⁷ Ukugomokela ku Kipanga ikyabwanaloli, i Ndumi iyabwanaloli! Umwene isakwimaga pamwène ukulwana ni kipanga-kipágúke, nubukifu kangi kisitalutende, na ISI SYO IKUTI U NTWA. Umwène atisakulekako ni kipângâ-kipágùke nakimo. Umwène isakuya nakimo ikyâkubombâ na kilikyôsa; ukukwâba ni ngoye nasimo kuli nakimo. Umwene isakutakulâga panja pa Lisyu, ISI SYO IKUTI U NTWA. Kyala ikusisimikisyaga ubutumigwe bwake ni fika ni fiswigo, ukukulumba ukusetula kwa Lisyu, kangi ukutwala panja ku bandu. Lyo lisiku liki lili kifuki! Ngati... Umwene isakwimaga bo yu Peteri na Yohani alinkubomba, panyuma, pa Lisiku lya Pentekosti.

Ukufuma pa Pentekosti, ukuti abene balisusigwe nu Mbepo Mwikemo, bosigwe pala, abene balinkwima mu mbulongelanongwa bwa Sanhedrini. Abène bâlimile pala nu bukifu bôsa ubu bwâbagile ukwîmigwa. Akabalilo kâko, abène balinkuti, “Uswe tukukânisyâga umwe ukumanyisya mu Ngamu ya Yeso, kangi mma.”

¹⁸⁸ Umwene alinkuti, “Ngimba isyene ndalusye kwa uswe ukupilikisya kwa ugwe, pamo Kyala? Lônga umwe pakati pamwibene.” Basitakumanya, basitakumanyila. Ameni. Abène bâli basololi. Abène bâli basololi bapakîgwe na Kyala. Abène bâli fimanyilo fya Mbepo Mwikemo. Abène bâli basololi. Abène bâménye.

¹⁸⁹ Abene bâli itolo bo yu Yohani. Abene bâli pamwanya pala ku Pentekosti kangi abene bâkyagile ikindukimo.

Abène bakâli ngati babîngi ba balumbilili bîtu umwîsyûgu, abakwibona-pabêne, ukwitüfyâ isya kyo kipângânio kikulumba nkî uswe tulinakyo, balinga uswe tulinabo mu fibugutila fyîtu. “Uswe twimile ukuya kipanganio ikikulumba. Uswe tukubomba imbombo ingulumba isya ntumigwa.” O, kisa! “O, uswe tuli ni filundilo ifinyâmupo ukukinda fyosa ifya ifyene.” Ngimba ikyêne kyâli fiki? Ikyêne kyo bukwâbe bwândyâli. Une ngulönda ukupilikisya kifuki, amakõnge mabili, maminiti matatu. U bukwâbe bwândyâli.

¹⁹⁰ Naloliloli une njobile ikindukimo, amaminiti manini aga gakindilepo, umwe mumenyi iki une nguyoba. Ikimanyilo iki kisololigwe. Une nkileke kyene ikyene, ukukilambalika ikyene mbupagato bwako. Muketile? Ena, komma mwebene apa, lolî bala babo bisakupilikaga. Ikyene kili mu bupagato bwako. Bomba ni kyene kilikyosa iki ugwe kulonda. Ugwe iputa, kangi ketesya Kyala ikwendaga pa buyo. Nketesyâ Umwene ikufwanikisya i Lisyu Lyake. Umwene ikugulila.

¹⁹¹ Akabalilo kako ama bomu ga atomiki, kangi abandu bikulutila; kangi aba ku Pentagoni, abene batikumanya

isyakubomba; ni fimanyilo fyakubutitu mmyanya, ifya nyāngàbya isi sikubebeluka, na filifyosa ifi Kyala asakikisye: Akene ko kabalilo ka Eliya, (umwene ali ku buyo bumo), ukufyuka pa buyo.

¹⁹² Unko a bāndu, unko akatīmo akanini kala, bala abanini abasyāle aba Kyala isakumpa umwēne, unko abasyale abanini bala babükége ukubilikila panja kwa Kyala, kangi kētésya iki kikuboneka. Pisakuyapo ukubonekela pabwelu kwa kikolo. Bisakuyapo a maka aga abēne bakakétámo siku pabutasi. Ulutamio lwa ikyēne lo, kabalilo aka, ukwēne kukuyaga kwilile fiyo ku bēne akabalilo kala. Ififigo fisakuyaga figaligwe. Polelo, kumbukilaga, uswe tuli ku kabalilo kabumalikisyo. Iputa.

¹⁹³ Kéta umwisyugu iki uswe tukuköléla ubutumigwe. Ngimba uswe tuli nafyo fiki? Lilino, bo tukwigala, une ngulonda ukuyoba iki. Ngimba uswe tulinakyō fiki? Uswe tukaya nakyo nakimo. Bamo mwa balōngòsi bītu abakulumba ukukinda, abalūmbilili bītu abakulumba ukukinda; yumo mwa bītu abalūmbilili abakulumba ãyobile, “Linga une mbagile ukubāga malongo mwa mia ba abapinduke bangu aba bibānilile lōsa, ikyinja kimokyene, une nguyaga gwakupalisyā fiyo.” Akabalilo kāko, pôpe kubutali kunyuma ukukinda Finney, āli na malongo-mahano-na-mana-na-bibili mwa mia ba bēne.

Pauli āli na mia-yumo-ukōngelelápō bamia, abamia ukōngelelápō bamia. Yumo apokigwe, kangi, umwene aalisusigwe fiyo, nkundwe, umwene aabukile nukumbula umunduyumo uyungi; umwene aalimbulile umunduyumo uyungi; kangi umwene aalimbulile umunduyumo uyungi; kilinkubuka mma maelfu-elifu. Fiki? Abēne bāli nakyo ikindukimo. Abēne bāli pa Lisyu.

¹⁹⁴ Umwisyugu, uswe itolo tukwinogona isya filundilo ifinywamu. Ngimba ikyene kyo fiki? Ikyene kyo kipanganiō kya ndyali. Linga uswe tukwisa, undumbilili yumo unkulumba uyu isaga nkaya, fiki kikwisa pakwanda? Ikibugutila kya bandu. Linga bosa aba Methodisti, Baptisti, Presbeteri, bosa abene, abēne bikwāta akalāndikō akanini ako, abēne, “Aba babagile itolo ukulūmbilila iki, kangi umwēne akabagila ukulūmbilila kila, kangi umwene akabagila ukulumbilila iki, loli umwene abagile ukulumbilila kila,” ngimba ugwe uli nakyo fiki?

¹⁹⁵ Kangi abēne bikufyūka kula, abakikúlu. Une nguyoba isya baPentekosti. Abakikulu bikubuka nkati mula, ku kigemo, abene bikumilisyā ukupepeka.

¹⁹⁶ Une bwila ngulwana nu kukólela kwa kukigemo. Mbagile itolo ukuyoba ikyene. Une ndikwitika mu fyēne. Nakimo ikīndu bo iki mwi Bāngèli. Ngimba u mündu aligwēsa abagile bulebule ukwīsa pēne pāpo Kyala ikunkölèla umwēne? Ugwe ukābagila ukunkyüngā umwēne kubutali. Ugwe utikufimbilisigwa ukukolela kalikosa. Kyala ankolile umwene. Ukukólela kwa

pakigemo yo bwinogonelo bwa Methodisti. Uko ko katalusya. Urukolela kwa pakigemo, abene bikolaga abene, bikuti, "Yohani, ugwe umenye, u mama gwako ãfwile akabalilo katali aka kakindilepo."

¹⁹⁷ "Oo-oo-oo, ena, nkündwe, oo-oo!" Ulo lukaya lupinduko.

¹⁹⁸ Apa, ikilo inändi isi sikindilèpo, uswe twäli ni kibonesyo mu Louisville, ukufwâna nu nkikulu ätwâligwe nkati mu bokosi, alinkulambalala pala pa kigemo kya busikali. "Abamia ba bându," alinkuti, "bopaga ku kigemo." I Nongwainunu yikaya kyâkutîlisya. Iyène yikaga kwipilika ukwakupelelèla-kisa. Iyène yo lupinduko lwa butobesigwe.

¹⁹⁹ Kêtësyä ingomano isi, aba abalumbilili bakulumba, kangi namöpe mu butumigwe bwângu ubwakwiyisya, komma ukusôsyàpo une. Utubalilo tumo une ngwipilika ukuya gwasoni, ukusôka panja. Uko ko katalusya. Ngimba uswe tukubombaga fiki? Ima nu kutendeka ukukolela kwa pakigemo nukubapepeka abëne. Ukubaleka abalindwâna pamwanya pala, kangi bôsa bikutafunya imipulya-gyâkutafunya, bikuyoba, "Muketile? Muketile? Une ngubüka. Uu-huu." Abakikulu aba bikwisa pala, ni nywili insengigwe ni fisyo ifipakigwe, Abapentekostî, nukubuka nkati, nukwisa panja, nukuyoba abene bayobile mu ndimi. Kangi nasiku ukuleka inywili syâbo ukukula, kangi pôpe ukubömba ikindu kilakila abëne bâbömbile. Ugwe kumbüla une ulo lo lupinduko? Ikyo kyo kyûgila kwa Kyala. Bängeli lyâyobile, "Ubwêne bo butulwanongwa kangi bukuywêlula kuli abëne ukutumula inywili syâbo." Ngimba unkikulu abagile bulebule ni nywili insengigwe ukuntobesya unkikulu uyu ali ni langi pa kisyo kyake? Kifwêne itolo kipilike ikyène. I sala yikwîsa, mpaka i ndwânga yilâmbalikigwe ku misisi gya mpiki. Kangi u mpiki guligôsa ugu gukutwala pâンka komma ikipaso ikinunu go gukutumuligwa pâsi.

²⁰⁰ Ngimba kitamisyé fiki? Ikyène kyâli kisobi, nongwa yakuti abitu abalilino, abakôlelîgwa-lûlo balumbilili panja apa, ikilündilo ikinywâmu kangi bakwítüfya, ifibugutila bamenye nakamo akakufwana na Kyala ukukinda u Hottentot ikubomba isya kilo kya ku Igupti, akabalilo kako ikyene kikwisa. Abene bikubuka pamwanya pala . . .

²⁰¹ Bule linga abandu bala pa Pentekostî bâbagile ukubüka mmwanya pala nukuti, "Lilino, Yeso ätulagile uswe ukuti uswe tukufimbilisigwa ukubuka kumwanya kuno nukwitugasya mpaka uswe tukwambilila a maka ukufuma pa Mwanya. Lilino, bakundwe, uswe twäli apa amasiku lwele na limo, tutalile. Unko uswe twitikisyé ikyene, nu lwitiko. Lilino, uswe tulinagwe Mbepo Mwikemo. Uswe tukusôka panja, panongwa yakuti uswe tufumile ukuya apa. Uswe tubömbile iki Yeso ätubülide uswe ukubömba?" Bukâlîmo siku nu bwendelo nabumo.

²⁰² Unko une mbabûle umwe ikindukimo. Une mmenye iki kili pa tepi, lôli apa ikyéne kikwîsa, mulimosa. Pilikisya. Une ngukubulaga ugwe ikindukimo. Ikyene kyo soni. Abandu ukugela uku... Une ngâltikèmo siku ukuti u Mbepo Mwikemo áli “kuyugània.” Une ngitikagamo siku ukuti u Mbepo Mwikemo áli “ubuketi bwa kuyoba mu ndimi, pamo ikukuta, pamo ukulalata.” Fila fyo fyakitimia fyakunyenyesusya. Une ngwîтика u Mbepo Mwikèmo abagile ukubômba ikyo. Lôli u Mbepo Mwîkèmo yo Bwâkyala ubwítugàsyé. Une ngwitika ikibugutila ikikulumba ikya bandu aba bikwiyobela ukuya na Mbepo Mwikemo, bakamanya ikindu kimokyene ikya Umwene. Ugwe kwagana na Kyala.

²⁰³ Bulebule, i Lisiku lyá Pentekosti, abene balinkuti... Lilino, bo ba Baptisti umwisyugu, aba Presbeteri na Methodisti, Une ngusuma, “Ngimba ugwe kwitika ugwe uli ni...?”

²⁰⁴ “O, ena, uswe tukwitikisa Ikyene, nu lwitiko.” Nu lwitiko, nakimo. Ikyo kikaya Ikyene mma.

²⁰⁵ Ukwene ko kupalamasígwá, ugwe gwiganîle ukukëta ilisuba, ugwe kwîma nukukëtésya ilisuba likusuluka pâsi, nukukuuta, kangi amasosi gikusuluka pâsi, uyu akaya Kyala, ikyo kyo kitima, ukufuma ku kindukimo iki kili mwa ugwe. Ugwe kupilika isya mundu yumo ukuya mbine, pamo umundu yumo ikufwa, ugwe kukuuta nu kûlila. Ikyo kikaya Kyala mma. Ikyo kyo bwipilike bwa bundu. Mûmo Kyala...

²⁰⁶ Une mbabwene abandu pa lukino lwa mpila, ukuya bahobofu fiyo abene bakutabula imilomo gyabo, kilikyosa ikingi. Komma ukumbula une.

Uswe tuli mu lufûmbwo lwa luyigo, ubupoki. Kangi aba kiPentekosti bikwîsa ukusyûngutîla, bikwêga abându ukusasanîgwá, nu kubabûla abène, “Akabalilo kako abene bikuyoba mu ndimi, abene balinagwe u Mbepo Mwikemo.” Kangi bambo mwa bëne bikwitûgásya uluko lôsa ulwa bûmi, ukufuma pala.

Pilikisya, nkundwe. Pa Lisiku lyá Pentekosti, ikyene kikâli lûlo mma. Abene bakâsûbîlémo siku pa ndimi yiliyosa pamo kalikosa. Bo abène bâli kula, bikwîma mbuyo bumobwêne, mu bwitikisano bumo, Kyala alinkusuluka pâsi, naloli, pakati pa bëne. Abène balinkukëta, pa aligwësa gwa bëne, indapi sya Moto, kifuki ngati ulo, sítulike pamwanya pa ntu gyâbo. Kyala áli pala. Ikyéne kikâli, “Itikisya ikyéne nu lwítiko, pamo ikitima kimo.” Abene baalisusigwe na Mbepo Mwikemo, kangi polelo baasookile panja nukwanda ukuyoba mu ndimi. Loli, ikyakwanda, abene baalyagene na Kyala.

Ikyo kyo iki kyo lutamio umwîsyûgu. Abându bikunyenyesigwe kangi bikusasanîgwá, ikitima, kangi ikyéne kikaya Mbepo Mwikèmo. U Mbepo Mwikemo yo Bwâkyala ubwakwitugasyamo. Amasyu gâko go Masyu Gâke.

Ngubabūla umwe, iki uswe tukufūmbwa umwīsyúgu, ko kükölélígwa.

²⁰⁷ Abandu bikubuka nkati, abakikulu bo bala, bukaga nkati, ukuyobelá mu ndimi, ukugomokela panja. Kangi ugwe kubuka ku mabuyo gabó kuko abene bāli ni fipanga fyabo...

²⁰⁸ Une ngunyonywa Billy ālitugesye apa. Une itolo nālyambilíle kalata ukufuma pásí kubuyobumo, ilisiku ilingi, kūko u nkikulu yumo āyobíle, “Une ndi gwa kimo, ikikulumba...” ikibugutila ikinywamu ukukinda fyosa ifya kiPentekosti, ikibugutila kya Butatu. Abene balinkuti, “Bosa abakikulu bitu, Nkundwe Branham, bosa bikutumula inywili syabo. Une nali ni nywili indali indítu.” Umwene alinkuti, “Une akabalilo kosa nāsiganile isyene, panongwa yakuti une ngwitika ikyene kyáli kya Ntwa.” Alinkuti, “Une ngafwalamo siku ifyakupakapaka. I kipanga kyitu kikumanyisya ukuti ikyo kyo bubombelo bwaiyolo.” Alinkuti, “Abēne bikumbūla une, akabalilo kāko une nāli ni nywili syāngu syaniēngìgwe mu kitumbugwa, ku nyuma, balinkuti, ‘Kētésya, ugwe uli ni tāyāla ilyōke pa nyuma,’ kangi fyōsa bo ifyo. Balinkuti, ‘Ugwe upīmbile ilyōke—ilyōke ilitāyāla pa nyuma ya mutu gwāko.’” Kangi alinkuti, “Kubumalikisyo, undume gwangu alinkuti, ‘Nongwa ya fiki ugwe utikutumula inywili syako nukuya bo aligwesa gwa bene?’”

Lilino une ndinagwe u kalata ikugomokela ku mwēne.

Umwene alinkuti, “Ngimba ikyene kili momomo? Une mbilike yimo mwa matepi gako, u losyo lwa Kikristi lula luli mu Ngamu ya Yeso Kristi.” Lilino, umwe mumenye iki umwene ikuyaga pakubuka. Bule umwe? Umwene alinkuti, “Mbula une, Nkundwe Branham. Une ngwil’njala. Une ngulonda ukumanya iki une mbōmbíle.”

²⁰⁹ Une nguyaga pakuyoba, “Isoni pa yula ungomokela-nyuma undume gwa ugwe. Na kila ikibugutila ikisita-Kyala iki ugwe kwíputa nakyo, sōkamo pakati pa bēne.” Katalusya. Kyala akabagila ukwanduka. Akabalilo kako Kyala ikuyoba kalikosa, Umwene ikusanusya ikyene. Une ndikupāsyá balūmbilili balinga abagomokela-nyuma aba bikulōnda ukulekako, ukuya ni kipāngānjo ikinywāmu pamo i ikibugutila. Uswe tukulondigwa ababupoki. Abanyambala aba bisakwíma nukuleka abakasi bābo ukubōmba bo ulo, Une ndinako akasūbilo kanini mu fyakumbonekela fyako ifya kuya Nkristi. Katalusya. Pinduka, pamo pyūtigwàga! Mwe, bununu!

²¹⁰ Buka nkati bo lula, ingila ifipānga, ifipānga fyá kiPentekosti, gomokela panja kangi nasiku ukwānduka na panandi; syála i kindu kilakila, nasiku ukusōkapo pa kayabo. O, kisa! Ngimba ikyene kyo fiki? Balilino baYesebeli. Alipo itolo u nkikulu yumoywéne mwi Bāngèli uyu āpakil’ilangi i kisyo kyāke, kangi Kyala ālindésisyé umwēne ku mbwa. Balilino baYesebeli bikukwāba abaAhabu bābo ukusyūngutila

pa kolala, aligwësa unnini unnyāmbàla ugvakikikùlu uyu isakundeka unkasi gwâke ukubômba ngati ulo, bikufwala ibundi ni findu, kangi bikusooka panja apa pa lukindi nu kufwala i diresi ikuboneka ngati umwène yo mfinyisigwe nkipapa ngati mäla kibikigwe-nkipapa bo lula. Nu kubûka... Une ndikuyoba ukuti ngusunga'mma. Ubu bukaya buyo nabumo ukupul'isunga. Ili lyo Lisyu lya Kyala. Ilyène lyo lyâbwanaloli. Katalusya. Ukwënda ukukîndàmo mu lukîndi, ni diresi ilifyênye fiyo, afwéle, mpaka umwène ikutoligwa ukwënda. Polelo, u nyâmbàla yumo ukutêndèka ubuyobelô isya umwène, kangi ugwe kulônda ukulwâna nu mwène. Ugwe kulondìgwa ukufümbwa ulugego lwâko ukukomigwa-na-mapi, uko ko katalusya, panongwa ya kundeka umwène ukubômba ikyène. Ikyene kikubonesya iki ugwe upeligwe nakyo. Uko ko katikati katalusya.

²¹¹ Iki uswe tukufümbwa yo Nongwainunu. Kyala, fyûsya yumo pa buyo uyu yo ali kulakula ukugomokela ku Lisyu. Kyala âyobile ikyène kikaya nukuya kîndu ikîfyûsi kuli u nkikulu nukwîsa ku kipângâ nu kwipûta ni nywili syâke situmuligwe. Kangi u nkikulu uyu ikutumula inywili syâke, yo... unnyambala ali nu bwabuke ubupelelesye ukwisa ku kusôka-pabwëgi ukufuma ku mwene. Umwene yo nkikulu nsitalugindiko. Ili Bangeli liyobile lulalula. Umwene yo nkosyasoni ku ndume gwake. Umwene lumo akasimanya isyene. Unkikulu aligwesa uyu isakufwala i bundu yo nkosyasoni. Umwene lumo akaamenye ikyene. Nkikulu, une ndikugela ukufulasya ugwe. Une ngugela ukubapoka umwe ukufuma ku nyanja ya moto, kangi gehena. Pinduka!

²¹² “Ena,” ugwe kuyoba, “Une ndinagwe Mbepo Mwikemo.” Polelo kubômba bo ulo, na Kyala itugasigwe nkati mwa ugwe, u Kyala yulayula uyu âyobile kuli ugwe komma ukubômba ikyène?

²¹³ “Ena,” ugwe kuyoba, “Une njobile mu ndimi.” Une ngetile imisyétano gikuyoba mu ndimi. Une ngëtîle, mu Africa, kikunwa ililopa ukufuma ku mutu gwa mundu umfwano, nu kuyoba mu ndimi nu kukôléla pa möhési. Une mbukilemo ku bugonelo bwa balosi-bakikikulu na balosi-bakinyambala, kuko abene bayobela mu ndimi nukusanusya ikyene. Une nakibwene ikisimbilo kili pa kigemo nukusimba mu ndimi inhesya, kangi unnyambala ikwisa ukusyungutila, ukusanusya ikyene. Ikyene kyâli kyabwanaloli. Komma ukumbula une isya ndimi. Uswe tuli nafyo finci ikyene lilino.

Lôli, une ngwitika ukuti Kyala ali nu lulimi ulusitakumanyigwa. Une ngwitíka ukuti Kyala ikuyoba mu ndimi inhesya, lôli komma ukusübíla pa ikyo. Pauli âyobile, “Palema nalinga une nguyoba nu lulimi lwa bandu na Bandumi, kangi ngaya nayo u Mbepo Mwikemo, une ngaya nakimo tâsi. Palema nalinga une mbagile ukuguta ifyâmba...”

²¹⁴ Abandu bingi bikugela ukuyoba, “O, *uyu* yo nnyambala unkulumba gwa Kyala. Ugwe kufimbilisigwa ukuketa ifika ifikulumba.” Fiki, imisyétano gikubumbulusya . . .

Imisyétano gikusōka panja nukubōmba ifindu bo ifyo. Une mmenye abalosi aba bikubūka pānja, ni fīndu bo fila, ali na epuloni ukusyūngutīla umwēne bo *lula*. Abēne bikubīka i hela nkati. Umwēne ikwēga inywili syāke ukufuma ku nyuma ya ntū gwāke, ukunièmba isyēne mu lilopa nu kusopa nkati. Kangi abandu bala bo bandu banaloli-ndumbula, bikwitika. Ikyene kikaya nnyambala yula mma. Ikyēne kyo bāndu bala bikwitika abēne bikusegeléla kwa Kyala, ukwisila mu ndosí yula.

²¹⁵ Ngimba Yeso akāyobile, “Bingi bisakwisa kwa Une mu lisiku lila, nukuyoba, ‘Une nāli ni sasanio sya bubūmbulúsyo’”? Ikyo kikaya kimanyilo mma. Ikyene kyo kimanyilo ukuti uswe tuli ku bumalikisyo. Ngimba Yeso akāyobile, mwa Matai untu gwa 24, ukufwana ilinandi lya 24, lyópe, 24:24? Kangi Umwene alinkuti, “Abasololi abasyóbi bisakufyūka mmasiku gabumalikisyo nukunāngísa ifimanyilo ifikulumba fiyo mpaka fikuti abēne bābagile ukusyoba a Basaligwa balabala linga ikyēne kyāli kyakubōmbígwa.” Loli a Basaligwa bimile pa Lisyu. Abene bamenye iki ikika ikyabwananaloli kili.

²¹⁶ Ngimba abagile bulebule u nnyambala, uyu ikubomba ifindu ifi, uyu ikupiķa u Lwitiko lwa Kyala, ukuyoba ukuti umwene yo nsololi ukufuma kwa Ntwa? Bulebule nkisu abagile u nnyambala?

Umwene abagile ukuya nsololi, mumo bala bayilile kula ntubalilo twa Ahabu na Yehosafati, akabalilo kako Mikaya aalimile pala. Lōli abēne bāli nagwe yumo pāsi pala uyu ālímile pa Lisyu, Eliya. I Lisyu lya Ntwa lyāsimbígwe, ukuti Ahabu ikwisaga ku bumalikisyo bwāke, kangi imboniboni ya Eliya yāli na kila.

²¹⁷ Kangi unnyambala aligwesa, unnyambala aligwesa uyu ikwikolela mwene gwāmwāmbèpo pamo nsololi, ikufumusya ukuti Ilisyu lililyosa ilya *Iki* lyo lyabwananaloli. Abagile bulebule umwēne ukuya gwa Butatu? Ngimba umwene abagile bulebule ukōsyā mu ngamu ya “Tāta, Mwanundumiana, kangi Mbepo Mwikemo,” nukuyoba ukuti umwene apakígwe na Mbepo? Abagile bulebule umwēne ukumanyisya abāndu ubusobi bula, kangi pōpe ukuya mpakígwe na Mbepo? Ikyēne kikabagila ukubōmbígwa. Ikyēne kyo kimo ikisitakubagila.

²¹⁸ Une ngusyagania ukuti ikyo kikaya kifumuke. Loli uswe tutikulonda ukuya mfumuke. Ugwe kulonda ukuya gwabwananaloli.

Lilino, Yezebeli na bāAhabu. Ena, nkulumba.

²¹⁹ Fiki, nongwa yafiki abene bikubomba ikyene? Nongwa ya fiki abakikulu bikubomba, bikukyūnga inywili syabo sisengigwe, kangi bikufwala ifyakupaka-paka, nukusoka panja

nukufwala ibundu akabalilo kako abanyambala bikukinda, ni findu bo ifyo, abanyambala babo bikubombela ikyene? Panongwa yakuti abene bakaya nayo unsololi gwabwanaloli pa kigemo kyabo, ukubabula abene u Bwanaloli. Abene bikubabula abene, “Ena, ikyo kikaya kikindane. Ikyo kyo kili kanunu. Ugwe utikufimbulisigwa ukubomba na *ikyo*.” Ugwe!

²²⁰ Ilyene lyo Lisyu lya Ntwa. Ili Bangeli lyāyobile, “Unkikulu aligwesa uyu isakufwala umwenda ugu gubagilile unnyambala yo mwiko pankyenī pa Kyala.” Kyala atikusanuka. Umwene abagile bulebule ukusanuka nukuya Kyala? Umwene yo nsitampaka.

²²¹ Abene bikulondigwa unsololi gwabwanaloli uyu ikubabula abene ukuti ikyo kyo kimanyilo kya bumalikisyō. Ilibangeli liyobile ukuti abene bikubombaga isyene. Yesaya, unto gwa 5, ãyobile abakikūlu babagile ukubombā ikyo mmasiku ga bumalikisyō. Katikati. Popāpo, pala abēne balipo.

²²² Loli abene bikuyoba ukuti abene balinagwe unsololi pa kigemo, ukutila Ilisyu lya Kyala. Komma... Umwene ikutila ikilundilo.

Unko uswe twīpúte Kyala ukututumila uswe u Lumuli ulwabumalikisyō lula, sila u Lumuli lwa kunamayolo, ukututumila uswe yula yūyo Umwēne āfingile ukubombā, ku Kipānga ikisaligwa, uyu ikubabulaga abene iki kyo Bwanaloli, ukwīma pa Lisyu lya Kyala. Unko a baYezebeli na baAhabu, polelo abēne bisakubapāgulania abēne. Uko ko katikati.

²²³ Kumbukilaga akabalilo kako abakikulu bikwanda ukubomba bo lula. Lilino itolo gomokela kunyuma akayabo kanini, akabalilo kāko abēne bālyāndile ukutumula inywili syābo nu kubombēla bo ulo. Akabalilo kako abakikulu bikwanda ukubomba bo ulo, ukwene ko kabalilo kala kangi tubalilo tula ukuti Eliya mmasiku ga bumalikisyō isakuboneka pa buyo ni kimanyilo kya kabalilo-kabumalikisyō, ni kimanyilo kya kabalilo-kabumalikisyō mumo ukwene kwayilile mmasiku ga Loti. Muketile? Ikimanyilo kya kabalilo-kabumalikisyō; akabalilo kāko abakikulu bikwānda ukubombā bo lula. Abēne bikubombēla bo ulo lilino. Akēne ko kabalilo kala aka u Eliya ikugūliliga ukubonekela pa buyo, ukusānjūla nu kukolēla, ukukemela nu kuswānyūlānia pāsi, kutalusya, ni kimanyilo kya Kyala kunyuma yake, kikwenda nkyeni. Umwene atikukoleлага nakimo i kipambo ikinywamu lilino. Ili Bangeli lyāyobile, “Ulutende mma, katimo kanini, ubwene bo bununu bwa Tāta gwinu ukubapaga umwe i Kitangalala.” Uko ko kutalusya. Uko ko katikati kutalusya.

²²⁴ Umwēne ikufimbulisigwa ukuya mpīkigwe na bōsa lōli ka katimo akanini, namanga umwēne yo ngati Eliya na ba mia bahano-na-babili bāke, kangi Yohani nu ntimo gwāke unnini. Ena.

²²⁵ Umwe mukukēta kūko uswe twimile umwisyúgu? Uswe tukufimbilisígwa ukugomokela ku Pentekosti ugwapabwāndílo. Uswe tukufimbilisígwa ukugomokela ku fīndu fya Kyala. Uswe tukufimbilisígwa ukugomokela. Nkundwe, kalumbu, komma ukusyōbígwa mu fyakubonekela fyīnu. Uswe tuli—uswe tukugūlila isala yila.

²²⁶ Komma ugwe ukwega itolo, “Une—une ngusubila-mumo. Une ngwitika, nu lwitiko une ngwitika Ikyene.” Komma ugwe ukubomba ikyo. Umwe mukwagana na Kyala, kisyo ku kisyo, kangi umwe mwisisusigwe na Mbepo, kangi polelo umwe ketesya iki kikuboneka. Kangi linga imbepo yila mwa ugwe yikulwana ni Lisyu ili, polelo ugwe leka imbepo yila payene. Buka ukēge i... Īputila Kyala ukupa ugwe u Mbepo Gwāke, polelo.

²²⁷ Akabalilo kāko u Mbepo uyu ikufyūka mu lisiku lwabumalikisyo, Ikyēne kisakuya busóke ukulwāna na bēne, bala bābo bo basyōbi. Muketile? Panongwa yakuti, Yohani alinkuti, “Komma ukwinogona ukuyoba nkati mmyitu ukuti uswe... ukuti umwe ‘tulinagwe Abraham ukuya tāta gwitu.’” Uswe tulinakyo i... Uswe twe... .

“Uswe, abatāta bitu bāli baMethodisti, baBaptisti, baPresibeteri, pamo baPentekosti.” Komma ukwinogona ukuyoba, umwe, “Kyala,” kangi umwe uli bāna kwa Abraham, kabuno Kyala abagile ukufuma ku mabwe aga ukufyūsyā abāna kwa Abraham. Komma ukwīnogona pakuti ugwe gwe m’Pentekosti, ukuti ugwe kuyaga pakuya gwākuléyigwa. Nakamo napanandi. Kyala yo gwākubagila ukufuma ku mabwe aga ukufyūsyā abāna kwa Abraham. Uko ko katikati kutalusya. Ena, nkulumba.

²²⁸ Yoba itolo i Lisyu lya Kyala, mu bwānalòli bwa lisiku lyabumalikisyo. Ubusololi bwake bo... .

²²⁹ Linga umwe mukubombaga, unko une itolo ngomokele kunyuma apa itolo i miniti, unko une mbanangisye umwe mumo uswe tubagile ukusyagania. Une ndinago a Masimbo mingi gasimbigwe pāsi apa. Une nagomokelaga ku Gene. Une ngulonda ukubala limo kwa umwe. Ukufuma, unko uswe, ukwanda, unko uswe twege... Unko uswe twēge Kukūmbúsya, unto gwa 18, kangi uswe twisakusyāgánia, itolo i miniti. Itolo ukuti, bo uswe tukāli ukwigála apa, ukuti une mbagile ukubala i Lisimbo ili kwa ugwe. Mwa Kukumbusy’indagilo, untu gwa 18, syosa silikanunu, kangi unko uswe tukete lilino. Ilinandi lya 20 lya ntu gwa 18, Kukumbusya, 20:

Lōli u nsololi, uyu isakusakikisya ukuyoba i lisyu mu ngamu yāngu, ili une ngālindagile umwēne ukuyoba, pamo ikyo kisa kuyobaga mu ngamu ya bakyala abangi (bīngi), yópe nu nsololi yula isakufwaga.

Uko ko kutalusya. Mwambepo abükile. Umma ndaga. “U moyo ugu gukōnāngā, ugwēne gwisakufwa.” Uswe tuli nagwe Kyala yumoywene, komma “Bākyāla.”

Kangi linga ugwe kuyoba mu ndumbula yako, Ngimba uswe twisakumanyaga bulebule i lisyu ili u Ntwa a... litalile likayoba?

“Twisa kumanya uswe bulebule? Bisakuyapo bīngi fīyo ba bēne, uswe twisa kumanya bulebule? Uyu yumo ikuyoba *ikyo*, uyūngi ikuyoba *iki-ngati*. Ena, yumo ikuyoba *iki*, kangi uyungi yula āyobíle *kila*, na fyosa bo ifyo.” Lilino kētésya. Uswe tumenye.

Akabalilo kako unsololi ikuyoba mu ngamu ya Ntwa, linga ikindu kila kitikukōnga, pamo ukwisa kukuboneka, ikyo kyo kindu iki u Ntwa akayóba, lōli u nsololi yula ayobile mwakusakikisyá: ugwe utīsa kuya gwākuntíla umwēne mma.

²³⁰ Linga Kyala akāyobíle ikyēne, polelo komma ukutíla isya ikyēne. Ikyene—ikyēne kyo kili kanunu mōsa, itolo kindililágā nukwibwa isya ikyēne. Muketile?

²³¹ Lilino keta iki uswe tukupilika umwisyugu. Ikimanyisyo kya Batumigwa, ikimanyisyo kya Methodisti, ikimanyisyo kya kiBaptisti, ikimanyisyo kya baPentekosti, i kimanyisyo, kimanyisyo, kimanyisyo. Ngimba ikimanyisyo kyo kimanyisyo kiliku? Ngimba ko kugu ugwe kukyēga ikyene? Une ngukanikana aligwesa ukunsosolela une Ikimanyilo kya Bafundigwa mwi Bangeli. Une ngwitika kikayako ni kindu bo ikyo.

Linga abatumigwa bāli ni kimanyisyo kilikyosa abene bātulikigwémo siku, apa ikyene kili: “Pinduka aligwesa gwa umwe, kangi yaga mōsigwe mu Ngamu ya Yeso Kristi ku busyüle bwa mbībi syīnu, kangi umwe mwisakwambilaga ikikungilwa kya Mbepo Mwikemo. Kabuno ulufingo luli kwa umwe.”

Ngimba umwe mutukukibona kuko uswe tuliko, binangu? Uswe tuli mbwitugasye ububibi. Ngimba ikyene kyo fiki? Ikimanyilo ikyabwanaloli iki kikubebeliga.

²³² Lilino, umwe mwe banyambala na bakikulu, mwe bingi ba umwe, kangi umwe mwe bana ba Kyala. Komma ukukibebela ikyene. Kumbukilaga ukuti uswe tubagisenie ukuya nafyo ifindu ifi. Ifyene fibagisenie ukuboneka mu lisiku ili, mu sala iyi iyi uswe tulimo nu bumi. Iyi yo sala, bo itolo u Kwisa kwa Mesiya, kubagile ukuyapo ukufumusya kukwīsa ukufuma kwa Kyala.

Unko une mbale ikyo panongwa ya umwe. Unko uswe tugomokele kwa Malaki. Ukwene ko kwabumalikisyó bwa Lwitikano Ulukūlu, kangu pilikisyá iki Umwene ikuyoba mwa Malaki. Polelo uswe twe... Pilikisyá iki itolo pa kabalilo.

Lilino, linga umwe mukukêtésya, Malaki 3, ikuyoba ukuti Yeso ãyobíle isya Yohani ikwisa:

Kéta, une nisakutuma untumigwa gwāngu, kangi umwēne isakutendekesyia injila pankyenpa une: kangi u Ntwa, yūyo umwe mukundōnda, mbimbibi isakwīsa ku tempeli yāke, yōpe untumigwa gwa lwitikāno, yūyo umwe mukwīkyēlamo: kéta, umwene isakwisaga, ikuti u Ntwa gwa kilundilo.

²³³ Uyo aali Yohani, ikufumusya ukwisa kwa Yeso. Kangi Umwene ālisile ku tempeli, katikati iki Umwene ãyobíle, u Ntumigwa gwa lwitikāno, u Gwāndumi uyu āli na... ndulangalanga na ba—na bafündígwa, pamo na Israeli. Ngimba umwe mukwitika Umwene aali Ntumigwa yula? Ena Umwene alinkuti, “Une nisile ukufuma kwa Kyala, kangi une ngubuka kwa Kyala.”

²³⁴ Lilino, nongwa ya fiki Pauli ãpegígwe u bubine? Ukunkolelela umwene pāsi.

Ukufuma pāpo Yeso ãfwíle, nukusyilígwa, nukusyüka kangi; ukufuma pa kabailo katali, Pauli ãlyágéne nu Mwēne, kisyo ku kisyo, pa nsebwe ukubüka ku Damasko. (Umwene alinkuti, “Une nisile ukufuma kwa Kyala, kangi nukubuka kwa Kyala.”) Pauli alinkukéta mmwanya. Lwālípo u Lumuli ulunywamu pala, yilayila i Mbanda ya Moto. Ngimba umwe mumenye iki une nguyobapo? Yilayila i Mbanda ya Moto. Kangi Pauli alinkuyoba ku Mwene, kangi Umwene alinkuyoba kwa Pauli. Abandu balinkusita kumpilikä Umwene. Abene balinkusita kumpilikä Umwene. Loli Pauli alimpilike Umwene. Umwene alinkuti, “Sauli, Sauli, fiki ugwe kumfwīma Une?”

Umwene alinkuti, “Yogwe ani Ugwe, Ntwa?”

²³⁵ Umwene alinkuti, “Une ne Yeso. Lilino sumuka kangi bukaga mu lukindi lukukooleligwa Ukutalula. Ikyene kisakubüligwága kwa ugwe ukufuma pala ukubüka nkyēni. Une ndinayo unsololi ikwisa apo ukukubula ugwe ikyakubomba, ugwe uketile. Kangi mumo ku...”

²³⁶ Pauli ãsulwíke pāsi, ãlyōsigwe, nukukölelígwa pa Ntwa, ãlyāmbilile u Mbepo Mwikemo.

Kangi Pauli alinkuti, “Une nāli na kanini akabonywafu ka mbili, aka kāpígwe kwa une, u mōhési, u ntumigwa gwa mōhési, uyu *ikumbūsania* une,” ikyo kyo ngati, “ulupūlo ukufuma ulupūlo.” Umwene ãyāngako kanunupo, kangi polelo ukukyēga ikyēne, ukuntika umwene kāngi. Alinkuti, “Une nalālwisyémo u Ntwa katutu kosa, ukukéga akēne kubutali na une, lōli u Ntwa alinkuti, ‘Pauli, ilipyana Lyangu lifwene.’” Polelo alinkuti, “Pene papo une ngufyusyigwa pamwanya... pa bwisule bwa busetuli.”

Umwene āli nafyo fingipo, ukwisila mu busetuli, ukukindä Peteri, Yākóbo, Yohani, pamo aligwesa gwa bēne. Umwene

alimbwene Umwene ukufuma pápo Umwene asokilepo ukuya lumo ifyinja fibili, pamo ukongeləapo, imile mu Mbanda ya Moto, ikuyoba ku mwene. Bo bunywamupo buki umwīsyúgu, ifyinja maelifu mabili, kangi Umwēne akāli mūmi! Ameni.

²³⁷ Alinkuti, "Kwapēgigwe kwa une, ukupāgulako une āngali ngufyūsigwa pamwanya, nguyoba, 'Lilino, nkundwe, une ndi pamwanya pa umwe mwesa. Muketile? Une—une numbwene Umwene ukufuma pápo Umwene asyusigwe ukufuma ku bafwe, kangi une nāyobile ku Mwene. Une ne . . .' Ukupāgulako une njege fyūsigwe pamwanya pala, kyālipo ikindukimo kipīgwe kwa une, ukungyūnga une gwakwīysya." Ena.

²³⁸ Umwene yo yuyo ababulile abene ukōsigwa-kangi, kangi, mu Ngamu ya Yeso. Alinkuti, "Linga u Gwandumi ukufuma ku Mwanya . . ."

²³⁹ Umwene alinkuti, "Une ngābukile kula ku sukulu syabo, kulikosa kuko abene baaliko." Alinkuti, "Une ngābükile kula ku Yerusalemu mbimbibi itolo, kangi komma ku fyīnja kalongo na fina." Alinkuti, "Une nāsulukile ku Igupto, kula ku Asia kula." Kangi umwene alinkuyobesania nu Ntwa, áli pási pala ukufwana ifyinja fitatu, ukubala u Lwitikano Ülukūlu, ukuketa ikyene kyosa kikufwanikisania. Akabalilo kāko umwēne ikugomokela, mu fyīnja kalongo-na-fina pankyēni pāke, alinkwāgana na Peteri na bala, kangi áli ni Nongwainunu yilayila, õsyaga injila yilayila, kangi ukubōmba ikindu kilakila. Ameni. Umwene āmenye ikyene kyāli kitalusye. Ena, nkulumba.

²⁴⁰ Pilikisia kwa Malaki lilino, ukukilania apa, Malaki 3. Lilino, linga umwe mubagile, nyitikisyaga une itolo mbelelesye iki panongwa ya umwe. Une ngwitika . . . unko uswe tusanukile nubupepe fiyo lilino kwa Matai untu gwa 11, kangi kēta linga une . . . Une mbagile ukuya nu busobi ubu, une ngwinogona une ndinakyo ikyēne, Une mbagile ukukēta ikyākwānda ukukibona ikyēne. Matai 11. Unko uswe tukēte. Ukwānda pa:

Kangi ikyēne kyālisile ukuboneka, akabalilo kāko Yeso átēndekigwe u bumalikisyō bwa bulagili bwāke bwa bafündigwa bāke kalongo na babili, umwēne alinkusōkapo ukufuma pala ukumanyisya nu külumbilila ntwāya twābo.

Kangi . . . Lilino akabalilo kako Yohani . . . ápilike ukuti umwene áli . . . mu minyololo imbombo sya Kristi, áli . . . minyololo i mbōmbo sya Kristi, umwēne alinkutuma babili ba bafündigwa bāke,

Kangi alinkuyoba ku mwene, Ngimba ugwe gwe umwene uyu abagile ukwisa, pamo ngimba uswe tukulondesyaga kuli unnine?

Ikisige kya Yohani ikya ngwāsi kilinkukīngīwa pamwanya, ukusuluka mula mu minyololo. Muketile?

Yeso ālyāmwile kangi alinkuyoba ku mwene, Buka . . . nangisya Yohani kangi i findu ifi fifyo umwe . . . mukupilika kangi muketile:

“Yohani yo nsololi. Kangi linga umwene isaku—umwene isakupilikaga iki, ifya ifi fikubombigwa, umwene isakumanya? Uyu une ndi.” Muketile? Umwene āyobile:

Abafwamaso bikwāmbilila ubukētelo bwābo, . . . abalemale bikwēnda, abābukòma bikusukigwa, . . . a bāmapùli bikupilika, kangi a bafwe bikusyūsigwa mmwanya, . . .

“Kangi ifipanga-fipāgúke fyosa fili palikimo”? Ikyene kitikuyoba bo ulo, bule ikyene? Umma. Ikyene kitibomba. Ilyene kilinkuyoba:

. . . a balemale bikwēnda, a bābukòma bikusukigwa, . . . a bāmapùli bikupilika, kangi abafwe bikusyūsigwa mmwanya, kangi abalōndo bali ni nongwainunu yikulumbilīligwa ku bene.

Pala kilipo ikimanyilo. Ketesyá:

Kangi bo abēne balinkusōkàpo . . .

Kangi nsayigwa yo umwēne, uyu yo akaya . . . gwakusobeligwa mwa une.

Lilino ketesyá: “Nsayigwa yo uyu akaya *gwakusobeligwa* mwa Une,” mmasyu agangi, pamo, “*gwāsònì* na Une. Asayigwege uyu atisakuya ni soni na Une.” Muketile?

. . . bo abene bikulaga, Yeso alinkwanda ukuyoba ku filundilo ukufwana na Yohani, Fyo fiki mwābūkile umwe pānja mu lulangalanga ukukēta?

Ketesya unsololi uyu lilino:

. . . Fyo fiki mwābūkile umwe pānja nkati mu lulangalanga ukukēta? U lutete luyūganìgwe nu mbelo?

Komma Yohani. O, umma. “Umwe ngulilo ya njoka mu līsu,” umwene alinkuyoba ku fipanga-fipāgúke fila, “ywani abasokile umwe ukubopa ukufuma ku bugāsi ubu bukwisa? Komma ukwanda ukuyoba, ‘Uswe tuli’ ku *iki* kangi *kila*, panongwa yakuti Kyala abagíle ukufuma ku mabwe aga uku fyusya abana.” O, nkundwe ikyēne kikāli lutete luyūganìgwe nu mbelo, nu mwēne.

. . . U lutete luyūganìgwe nu mbelo?

Pamo *kyo fiki mwābūkile umwe pānja ukwa kukēta? U nyāmbàla afwìkigwe mu myēnda imitōfu?* (Ikufimbilisigwa ukusanusya imyenda gyake kabilo pamo katatu akabalilo kosa umwene ikulumbilila?) *kēta, abēne aba bikufwāla imyēnda imitōfu, igyākufwāla bali mu nyūmba sya banyafyāle.*

Abene bo balumbilili aba bikusōka panja nu kufipa u bāna, umwe mumenye, kangi—kangi bikwegesya abakeke, kangi—kangi bikubūka ku sukulu nukutēndéka ubuyobi bwaminogono, kangi, umwe mumenye, fyōsa ifindu ifyākikikūlu ifi. Muketile? Muketile? Umwēne atikusyūgusya ulūbo lwa fiboko-fibili pānja apa pa lukīndi lwa kunkyēni. “Ngimba ugwe kubukaga panja ukukēta, u miana yumo bo yula?” Umwene āli... Umwene ikubasuma abene.

Loli ngimba fiki ifi mwābūkile umwe panja... ukuketa? Unsololi? (Pilikisy.) ena, kangi Une nguyoba kwa ugwe, kangi ukukinda unsololi.

Ena, nkulumba. Ngimba umwene āli fiki? Yoba, “Umwene ali nkinda nsololi?” Umwene āli nsololi, *ukongelelapo*. Umwene āli ntumigwa gwa ngulilo yila.

...ngimba fiki umwe mwābūkile panja... uku kēta? Unsololi? ena, une nguyoba kwa umwe, kangi ukukinda u nsololi.

Kabuno uyu yo umwene, ... yuyo ikyene kisimbige, Keta, une ngutuma untumigwa gwangu pa kisyō kyangu,... uku tendekesyā i njila pankyenī pa une.

Keta ukukilania kuno mwa Malaki 3. “Keta, Une ngutuma untumigwa Gwangu pa kisyō Kyangu.”

²⁴¹ Kētésya. Lilino, Malaki 4, unko une mbale iki. Umwene isakwisaga kangi.

...kēta, i lisiku likwīsa, ili lisakupya bo ng'ānjo; kangi bōsa abītūfye, ena, ...

²⁴² Ikyo kyo umwīsyūgu. Une ngwēnda pāsi pa lukīndi nukukēta abāndu aba. Ugwe ubagile ukuyoba ku bene, kangi abene bikukuseka ugwe, ukukūgila ugwe. Une ngwinogona, “Ngimba ikyene kyo fiki?”

I lisiku ilīngi, une nēndāga mula, ukusuluka, ulubafu lwa lubīngilo ukusuluka apa. Une nayobaga ku bandu bamō, kangi abene itolo balinkuti, “O,” ndinkukīndilila ukwēnda.

Kindukimo itolo kilinkuyoba kwa une, “Abēne bo mīndu gya atomiki, lululu ukuya malīto gabalanisīgwe pa mfu. Baleka abēne pabēne. Ugwe uyobile u lutengano lwako. Itendekesyaga nukusōka panja pa apa.” Aleluya! Une āngali ngālōndigwāga ukuyoba ikyo, une ngusakikisyā. “Iyēgāga gwīmwēne ukwītēndekēsyā. Funga u nsana gwāko. Une ngukukōlēla ugwe.” Iyo yo nōngwa une ngugūlīla.

Namanga, kēta, i lisiku likwīsa, ili līsa kupya bo yi ng'ānjo; ena, bōsa a bākwītūfye, ... kangi bōsa aba bikubōmba mbubībi, bisakuyaga bo fikōngōti: ...

Ikyo kyo katikati iki kisakuyaga. Ngimba kikiboneka fiki akabalilo kākō i kikulumba... bamō mwa umwe balimi;

akabalilo kāko u mōto unsito gukutika u ngūnda gwa ngano, akabalilo kāko umwēne ali itolo kikōngōti? Umwene itolo ikulambalikaga umwene ukuya bukupame, ni lyoto kunyuma. Ikyo kyo iki kisakubombaga, akabalilo kāko kila, akabalilo kāko umwene ikutika.

...i lisiku likwīsa ili līsa kubōkya abēne mōsa, ikuti u Ntwa gwa filündilo, ukuti ilyēne lisa kuleka abēne nagumo unsisi pamo ulusāmba.

Patisakuyapo nakimo kisyēle kya bēne.

Lōli kwa umwe mwe mukutila i ngamu yāngu i Lisibu lya bugolofu likupānda nu bubūmbulusyo mu mapiko gāke; ...umwe mwīsa kubūka pānja, nu kukula ukuya bo ngwāta mu kibaga. (Uyo yo Fyinj'elifu.)

Kangi umwe mwisa kukanyangila pāsi ababībi; namanga abēne bīsa kuya malīto pāsi pa njayo sya malūndi gīnu mu lisiku lila ili Une nisa kubōmba iki, ikuyoba u Ntwa gwa filündilo.

Ukusōka panja, mu Fyinj'elifu. “Ilīto lya babibi.”

Kumbukila... u lulagilo lwa Mōse umbōmbi gwāngu, uyu Une nālindagile... umwēne mu Horebu kuli gwēsa Israeli, ukuya i ngomelesyo kangi bulōngi.

Lilino, pilikisyā kifuki lilino.

Keta, Une ngukutumaga kwa umwe Eliya unsololi bo likāli ukwīsa i lisiku ilikulumba lila kangi ilisisya ilya Ntwa:

²⁴³ Lilino, ikyo kikabagile ukuya Yohani. Ikyene kikaabagile, panongwa yakuti ikisu kyapasi angali kibongotoligwe akabalilo kala. Lōli apa Umwēne āyobíle, mwa Matai 3, Umwēne ikutuma u ntumigwa pankyenī pa Mwēne. Kangi Yeso alinkuti, “Uyo yo Eliya uyu ayaga pakwisa, ukutendekesyā injila pankyenī pa Une.”

“Lōli bo likāli ilikulumba ilipufulilo ilya atomiki ukutika, Une nīsa kutuma kwa umwe Eliya u nsololi.”

Kangi umwene isakusanusya indumbula sya batāta ku bāna, kangi i ndumbula sya bāna ku a batata, kisita apo une ngwisa nukutika ikisu ni kigune.

²⁴⁴ Kusolola, mu lisiku ili.

Lōli lilino ugwe kuyoba, “O, yula Eliya, yula āyága Yohani.” U ntumigwa gwa Iwitikano āli Yohani, naloliloli. Uko ko katikati kutalusya. Yeso āyobile lülo, kangi āsisimikisyé ikyēne papapa apa, “Uyo yo yūla Une nāyobaga ngapo.” Lōli, umwe muketile, ikyēne kikābagile ukuya Eliya uyu ayaga pakwisa. Muketile? Ikyēne kikābagile ukuya. Panongwa yakuti, umwe muketile, linga ikyēne kikubōmbága, polelo ubusololi bwāli busobi; ikīsu kikābongotoligwe kunyuma

kula. Muketile? “Loli bo ilisiku ilikulumba nilibibi lila ilya Ntwa likaali ukwisa, Une nisakutuma kwa umwe Eliya. Kangi umwene isakupyanikisyaga,” ketesya ukwisa kwake ukwakwanda, “indumbula sya batata ku bana.” Ikyo kyo iki umwēne ābōmbile, ikyākwānda, ātwéle i ndumi ya kabalilo akapya, ukwīsa kwa Kristi lilino, ukukwāba abaiyolo abatāta abalulagilo ukusökàko ku lwītiko lwalulagilo, ukubuka mu lwītiko ulupya ulu lwāpāpīgwe itolo.

Polelo akabalilo kāko umwēne ikwīsa akabalilo kakibili, “Kangi indumbula sya bāna ukugomokela ku batata bakipentekosti, i Ndumi yapabwandilo.”

²⁴⁵ Lilino buka ukukilania apa mu Busetuli 3, kangi umwe mwisakukibonaga ikyene palapala pala kangi. Polelo, ikyene kisololigwe. Uswe tuli nkabalilo ka bumalikisyo, nkundwe gwangu. Uko ko kutalusya.

²⁴⁶ Bo abasololi bamia bana ukulwana na Mikaya, abēne bikuyoba uswe tuli... Uswe tuli mu lisiku ilyabumalikisyo lila, uswe tumenye. Nsololi gwabusyōbi, ukunāngisyā ifimanyilo ifisyōbi, bikwingīla ifipānga-fipāgūke. Abene bikuyoba, “Isaga nukwingila. Unko uswe twīngile. Ugwe isaga nukwingila ikipanga kyitu. Twalaga ubwinake bwako. Uswe twīgwike ulubünju ulu kuli ugwe ukusāmisye ubumbakasya bwāko ukufuma kipāngā *kila* ukukilania ku kimo *iki*.” O, butoyofu. Ngimba bo bununu buki ubumbakasya bwako bukukubomba ugwe? Linga ugwe ukuya ni kilingo Kumwanya, ibwa isya ikyene. Abasololi abasyōbi bisakunāngisyāga ifimanyilo fyābusyōbi.

²⁴⁷ Lōli, kēta, abasololi ababwanaloli, abēne bisakusyālāga ni Lisyu lya Kyala. Ifimanyilo ifyabwanaloli fisakutwalaga panja i Lisyu lya Kyala ilyabwanaloli ku Kipanga ikyabwanaloli, kangi i Kipanga ikyabwanaloli kisakwambilaga i Lisyu nukusangaluka pa Lyene. Akabalilo kāko untimo unnini, ugu gwisakupīgwāga mmasiku ga bumalikisyo, ugu gwisakuyaga nsyāle gwa Bāpānja, ugu gwisakupīmbigwāga.

²⁴⁸ Akabalilo kako Yeso aalisile, pakalipo—kakali loli itolo banandi fiyo pala aba balitike. Akabagutila akanini ka Yohani kāli ko kāko aka kālitike. Yeso ābēgile abēne ukufuma kula ukukīndilila, ātēndike a bafūndīgwa ukufuma mu bēne nu kukīndilila nkyēni. Akabalilo kāko Eliya...

²⁴⁹ Akabalilo kako ukubongotoka kukwisa, akabalilo kako akabalilo ka Noa kakwisa, umwene āli kika, kangi umwene alinkwega abandu mu ngalaba. Akabalilo kako Eliya isile, umwene alinkukwaba abandu panja pa bufuluganikano ubu abene baalimo. Akabalilo kāko Yohani ālīsile... Bōsa abasololi bāli kimanyilo, kimanyilo, fimanyilo, kimanyilo.

Kangi Umwēne āfīngile uswe i kimanyilo mu lisiku lyābumalikisyo. Mu masiku ga bumalikisyo pisakuyapo

i kimanyilo. Ikyène kyo kimanyilo ikibebeligwe. Abandu batikukibona ikyene. Abene bikubuka itolo pamwanya pa ikyene, nukuleka ikyene kibukege. Nkundwe, kalumbu, komma ukwingila ikipanga. Unko une njobe iki, bo tukwigala lilino.

²⁵⁰ Linga itolo ugwe gwâli nu bwëndelemo bwa kitima kimo, kinyenyemusye kimo, komma ugwe ukwigëmekesy pa ikyo. Komma ugwe ukubomba ikyene. Kabuno umwe bandu. Umwe muli... Une nguyoba ku bandu. Une mbilike abene bikupangalula pa tepi kunyuma kula, itolo akabalilo kala. Une nguyoba lilino ku Kipanga. Muketile? Pilikisa, komma ugwe...

²⁵¹ Une nguyoba ifindu fingi fila utubalilo tumo, bo ulo, ukuti abandu panja mfisu panja apa... Yaga na Kyala. Kêtésya ku kimanyilo kyâko ikyabwanaloli. Ugwe kwisakukëta ikyène. Ikyène kisakuyaga môsa ukusyungutila ugwe, lôli maelifu-elifu gisakwënda itolo kifuki ni kyène kangi komma ukukibona ikyène.

Akabalilo kako Yeso ikwisa, abene balinkusita kummanyá Umwene.

Abene bakâmwaganiaga Eliya. Umwe mumenye iki abene bâtile akabalilo kako Eliya âfyukile mmwanya? Abene bakâlítíke bula ubutoyofu. Abene balinkuti, "Ikyene kyo butoyofu." A bâna palapala pala nkaya kala kene, kûko umwene itugasyaga... umwène âlitûgèleko, âlumbilîeko, âbômbile ifimanyilo ni fiswîgo palapala pala mu kîsu kila, akabalilo kako pala palinkwisa ubukôlelo panja, "Uswe tukabagila ukummwaga Eliya; u Ntwa alimmwegile umwene mwa kafulafumbi," abene balinkuseka ku kindu bo ikyo.

²⁵² Apa ikwisa Eliya... Elisha, ni fika filafila pa mwene, u luko lwa Kristi ni Kipanga Kyake. Apa ikwisa Eliya, sa-... Elisha, ifimanyilo filafila Eliya âlinafyo, ukwisa palapala pásí, ukubomba ikyo, na kôpe ku bâna bâbo abanini balinköngile umwène môsa nu kuyoba, "Gwaiyolo gwakipâla ntú, nongwa ya fiki ugwe ukâbükile mmwanya ngati Eliya?" Muketile iki kyâboníke ku bêne a bâna abasitalugindiko?

Umwisyugu abene bikuseka nu kûgila. Komma ukupasya, nkundwe, ubulungi bukwelela mmwanya papapa lilino. Ikyene kisimbige pa kisyo kya gwa kiMerika aligwësa. Uko ko kutalusya. Ubulungi bwîtulike mmwanya, bosa ubugasi bwa Kyala Mwenemaka.

²⁵³ [Ubujo busitakandu pa tepi—Nsimbi] "Abafuyuli ba bala bo banunu; ukuya nu luko lwa bonyakyala, loli ukukana a maka aga galimo: ukufuma ku luko ulu soka panja."

²⁵⁴ Komma ugwe ukwëga ulunyenymusyo. Komma ugwe ukwëga i kitima kimo. Komma ukwëga kalikôsa mpaka umwe mukwâgâna na Kyala, kisyo ku kisyo, nukundeka u Mbepo gwa Kyala ïsile mwa umwe. Umwene isakwîsusyaga indumbula yako na maka, nu lugano, nu kupya.

²⁵⁵ Kyala, ndula une ukwaga ubuyo bwangu kula, ku buyobumo mmasiku amanandi aga gikukönga, pala ukusyäla mpaka une ngukëta kükö ubwëndo bwängu ubukönge buli.

²⁵⁶ Uswe twägülile akabalilo katali. Une nägülile akabalilo katali. Une ngukümbukila ngusënga ulubingilo lwangu ku nyuma kula. Akabalilo käko une näyëngile inyumba iyi pamwanya apa, u Ntwa älingölile une. Unkasi gwängu äkütile panongwa yakuti umwëne akälönda ukunndeeka mama gwâke. Alinkuti, "Lumo umwene atisakupakikisigwäga."

Kangi une ndinkwinogona, "Une ndinagwe u mäma unkangale, nïñe."

²⁵⁷ Une nítügasyäga päsi kula, ilisiku limo, ngusënga i lïsu. Une nälitügësyé päsi. Itolo bo pabwëlu-swee, i Lisyu likwisa, lilinkuti, "Ipägúla gwimwene, polelo Une nisa kukusayaga ugwe."

Une ndinkuti, "Ntwa Kyala, mbela une ukuya nsangaluke apa. Ugwe kukéta iki une ngulwana nakyo."

²⁵⁸ Fyosa ifindu fila fimalike lilino. Mama Broy ali mu Lwimiko; Mama Branham, yope.

"Buli këngu ubuseme bwängu, Ntwa?"

²⁵⁹ Bulungi bukutikaga i kisu iki, limo mwa masiku aga. Filipo ifikolo ifingi ifi fikapilikamo Inongwainunu. Galipo a mabuyo.

²⁶⁰ Kilikyosa iki ugwe kubomba, komma ugwe ukwibwa amasyu gangu. Komma ugwe! Unko iki kikitìke, Kyala ega i kisimbilo kya kisulu nu kung'wâla ikyëne mu ndümþùla yïnu, ukuti umwe mutïsa kwibwa ikyëne. Komma ukwibwa ikyëne! ISI SYO IKUTI U NTWA: Gomokela kwa Kyala, ni ndumbula syïnu syôsa, gomokela nyuma. Komma ukusübila pa kitima, ulunyenemusyo, pamo kalikôsa. N'dondesya Kyala na kyosa iki kili mwa ugwe, mpaka ikindukimo kikuboneka kwa ugwe, ukuti ugwe kulonda ukugolosya, ugwe kulonda ukuya nyakyala, ugwe kutila Kyala, ugwe—ugwe kulonda ukuya mumi nubutalusye, bomba ikyo. Komma umwe ukwibwa ikyëne, panongwa yakuti uswe tuli nkabalilo ka bumalikisyo. Lilino, kumbukilága, uswe tuli ku kabalilo ka bumalikisyo.

²⁶¹ Kangi kumbukilaga iki, bo une ngwigála, ukwiputíla, mu miniti, komma ukwibwa, mbilika une, kipänga! Kangi linga i tepi iyi yikäli yikubuuka, mbilika une, kisu, pamo kükö iyi yisakubüka: Pala pisakufyüka ikimanyilo, ikimanyilo ikyabwanaloli; lumo ikyëne kitalile kifyükile kangi ikyëne kibebeligwe, i kimanyilo ikyäbwänaloli iki Kyala bwïla apêle, iki kyo kibebeligwe.

Unko uswe twipute.

²⁶² Yeso gwa Nazareti, mûmo i Lisyu ilikulumba lila lyäyobïle kula ilisiku lila, imilungu minandi igi gikindile, nimile pa lubafu, bo une ngukilania kula ku kisinga kila, ukusyungutila ikipiki,

kangi u Mbepo yula uyu alinkusuluka pási pamwanya pa pipiki kangi alinkuti, “Yeso gwa Lwitikano Ulupya yo Yehova ugwa Lukulu.” O Kyala, pa Lyalabwe ili une ngwima. Ifisu fyosa fyo misanga yakwibila. Ifisu fyosa fyo misanga yakwibila.

²⁶³ Kuli ifyinjia fimo malongo matatu, Ntwa, une ngütile pānja, ukukindamo nkikōga iki kuno, i Ndumi yila, une ngasemapo i inchi yimo ukufuma ku Yene, ukufuma kuko une nalyandile, itolo i Ndumi yilayila, ikindu kimokyene kilakila; ukukölèla abāndu ukugomokela, komma ku lunyenye mesyo, löli ku bwēndèlemo bumo bwa kwāgana na Kyala nukuya mpāpigwe mwa Mbepo Gwāke. O, kyo kiliku iki kisa kusyāla loli u bulongi? Abene aba bikukana i Ndumi yila, Ntwa, kakayapo nakamo aka kasyele.

²⁶⁴ Ugwe usisimikīsyé pabwelu i Lisyu Lyāko, ukufumusya pabwelu ifimanyilo fya lisiku-lyābumalikisyó, nukusisimikisyá ikyēne kisitakutolígwá, ukuti Ugwe gwe Kyala, kangi ukuti uswe tuli apa. Kangi akabalilo kāko uswe tukupilika bingi abasasanianongwa mu fisu umwisyugu, bosa bikukúta panja. Kangi ikisu kyitu kulikulumba, kangi ifisu ifīngi fikusosola, kangi—kangi ulutende lukugwa. Kangi akabalilo kāko uswe tukupilika abanyāmbálá abakulumba aba, mpaka mu France, ukusakikisyá ukuti u kipufulilo kyākwanda kisakugwilágá mu Louisville, Kentucky, ku bamia ba mamailosí ikyēne kisakupyāgíla ikísu. O Kyala, abene bāli nu lusako ukupilika, loli abene balinkusita.

²⁶⁵ Ifikalatasi fya nōngwa, utupāngo twa fipānga, televizioni, rediyo, fipimbile ikyēne. Kukayapo nakumo ikuléya. Polelo, Ntwa, Ugwe gwāybólé, “Bōsa aba Tāta ambele Une bikwíságá, kangi nayumo umundu abagile ukwisa pene papo Tata ikunkwaba umwene.”

²⁶⁶ Lilino, Tāta, une ngusuma ulwīpúto ulu kuli nimwene. Apa une ndipo, ukufika ku nnyambala unkangale lilino, kangi une ngamanya a masiku malinga gasyele, Ntwa. Uswe lumo tukaya nakyo mpaka na mwisyugu. Löli kilikyosa iki kisyéle, Ntwa, kangi iki kisyéle mbūmi bwāngu, O Kyala, ngimba ikyene kyakubagíla Ugwe ubagile ukwega ikyene nukubomba ikindukimo ni kyene, ku lwimiko Lwako?

²⁶⁷ Une ngwīpūtìla tāsi nimwēne, Ntwa, ukuti Ugwe kwisakupaga kwa une ubwigáne Bwāko. Itikisyá ubwigane Bwako bubombigwege, Ntwa, kilikyosa ikyene kibagile ukuya. Une ngulonda ikyene ukuyobígwa pa lisiku lila akabalilo kako une ngwisa ukwagana na Ugwe, “Ikyene kyābombe kanunu.” Linga ikyene kyo kinywamu, pamo linga ikyene kyo kinini, kilikyosa kili mu ndumbula Yako ingulumba panongwa ya bumi bwangu, Ntwa, apa une ndipo.

²⁶⁸ Tuma u Gwāndumi yumo ni likalasulilo lya moto kangi suka imilomo gyītu nu kutukemesya uswe, Ntwa,

kuli ikyābumalikisyo ikikulumba ikindukimo iki kyo kikwītēndekèsya ukutika i kīsu. Unko uswe tuyege masyu gikukuta mu lulangalanga lwa butulwanongwa, “Tendekesy ukwagana na Kyala.”

²⁶⁹ Akapanga akanini aka, abandu aba bikwisa, ilisiku ukufuma pisiku, nu kwendesya-magali abamia ba mamailos, O Gwasyepwa nu gwalugano, kangi kisita kwibwamo siku i mbombo, u Kyala gwa Abraham, Isaki, na gwa Yakobe, Uyu afyusisyé mmwanya Yeso ukufuma ku bafwe, kangi lilino Umwene itugesye ku kiboko ikitalusye ikya Lwimiko pa Mwanya, Kyala itūgèlè mu mbili, sayaga abāndu aba une ngusaya mu Ngamu Yāko. Balyaga abene bwila bikukumbuka nukumanya ukuti kilipo ikimanyilo, ikimanyilo kya kubumalikisyo. Une ngusuma ukuti Ugwe kubapaga abēne, nu kubapela abēne ukuya bakaba ba bāngi: pa mbombo syabo, kulikosa abene babagile ukuya, mu nguto sya ngindi, mbwīsūsyilo mafuta, pamo kulikosa ukwene kubagile ukuya, ukuyobelapo mu lilūka lya kūlisya, ku ngulisia-lupyu. Kilikyosa ikyene kibagile ukuya, Ntwa, linga kilikyōsa kikusoka pa ndumbula syabo, abene balyaga buketi. Balyaga abene bumi bwa bunyakyala kangi ni myūmi imikesigwe mpaka abene bisakuyaga bakalata abasimbìgwe bikubaligwa na bandu bosa.

²⁷⁰ Kyala, sayaga abakikulu bitu. O Kyala, une ngusūma ukuti Ugwe kwīsa kubītikīsyo abēne ukusuka ifisyō fyābo, bala bābo batikubōmba, ega i...kula u kwīpakapaka kwa Yesebeli ukusōsyapo pa bēne. Baleka abēne bayege nabo ubukifu bwa Bakristi, kangi u Mbepo gwa Kyala pa bēne, ugvakufwana, ukumanya ukuti abēne batikwītikisigwa ukufwāla gila imyēnda imibwāpufu igi abēne bikufwāla. Itikisyā i nywīli syābo ukukula pānja, ngati bakīkūlu. Kabuno ukwēne kusimbìgwe mu i Bāngèli, “Bupala mu bukētēlo bwa Ntwa ko kasāmba akanini kala aka kīsa kupona fyōsa i fīndu ifi fīfyo fikwīsa pānja mu lisiku lyābumalikisyo. Ikyēne kisakuyaga kyalwīmīko mmaso ga Kyala,” mūmo unsololi ayobíle-ngāni ikyēne. Kyala, tupaga ikyo.

²⁷¹ Kikayapo nakimo ikyākōngelelāpo une mbagile ukubōmba. Une ndātile i lisyu lyāngu, kuli ikyīnja ukufuma pa kyūnja, Ntwa. Kangi pene papo Ugwe kwēnda lilino, kikayapo nakimo iki une mbagile ukubomba. Une ngusuma ukuti, ukuti Ugwe kuyaga. Kangi une mmenye Ugwe kuyaga, panongwa yakuti Ugwe uffingile ikyene mu Lisyu Lyako. Kangi apo po pāpo une ngwima. Une mbagile itolo ukupa u buketi, Ntwa. Kangi nayumo umundu abagile ukwisa pene papo Ugwe kunkwaba umwene; kangi bosa aba Tāta apēle bisakwisa. Une ndinabo ubusismikisi, ukuti i Lisyu Lyako lisakupakikisyaga isya. Sayaga uswe, Ntwa.

²⁷² Kangi linga balipo abo apa aba bikusubila itolo pa bwipilike, lumo abēne baywēgile, abēne, lumo abēne bali nu Mbepo Mwikemo, pamo...Uswe tukābagile ukubala ikyo, Ntwa,

panongwa yakuti uswe tukētile abāndu ku ngino sya mpila, bikuywēga. Uswe tukētile abāndu ku fyākwikyēla fyankīsū, bikuywēga. Uswe twababwene abasangaluke fiyo mpaka abene bikukúta, panja pa kipālo, ukumoga, ni findu fyosa fila. Ikyo kikaya Ugwe mma, Kyala.

²⁷³ Loli ukwagana na Ugwe nu kuyoba na Ugwe, kangi Ugwe kuyobaga ukwāmula, ikyo kyo iki uswe tukulonda, Ntwa. O, une ngukusuma Ugwe, Kyala, ku miniti yimo iyi, ukuti Ugwe kutumaga u Mbepo Mwikemo nkyumba iki, ubuyo ubunini ubu, ubuyo ubwakwiyīsa. Bukayapo ubuyo bwakufwana ukuti Umwene īsepo. Lōli une ngusuma, Kyala, ukuti, mu njila Yāko swimwene, ukuti Ugwe kwisakutuma Umwēne lululu lilino mu kyūmba. Sōnga imyoyo.

²⁷⁴ Bo mūmo une njobile pītāsipo, Ntwa, lumo Ugwe kubīka ibwe lyākutabania mu njila ya munduyumo, ukufwāna ni ngōlèlo syapakigēmo isi ukupepeka nu kubalāmba abāndu ukubūka pamwanya. Kangi akabalilo kāko uswe tukugomokela ikyīnja kyākilābo, uswe tukwāga abēne fīyōpo bāna ba gehena ukukīnda abēne bāyilile ukwānda itolo. Babagile bulebule abēne ukwīsa pēne pāpo Ugwe kubasōngā abēne nu kubatobesya abēne, u nkulumba Mbepo Mwīkēmo?

²⁷⁵ Kangi une ngukusuma Ugwe, Ntwa Kyala, linga untuwanongwa unyāmbāla yula pamo nkikulu, ndumiana pamo ndindwana, ali mu nyumba iyi ulubunju ulu, ukuti Mbepo Mwīkēmo isakwīsa na maka amanywāmu agakutobesya mpaka amāsōsi gīsakusuluka pāsi pa masaya gābo nu kutōnyēla mu moyo gwabo, Ntwa, ukuti ukufuma ku busolofu bwa ndumbula syabo abene bisakwitikaga nukwitikisyā Kristi. Tupaga ikyene, Ntwa. Abene bikulondigwa i kigemo nakimo. Umoyo gwabo gwisakuyaga kigemo kyabo. Tupaga ikyene, Ntwa. Polelo abene bikwisa bandumbula-yosa kwa Ugwe, nukuyoba, “Une lilino ngulōnda ukōsīgwa mu Ngamu ya Yeso Kristi ku busyūle bwa mbībi syāngu isi Une mbindwikēko.” Tupaga ikyene, Ntwa. Bisusye abene na Mbepo Mwikemo.

²⁷⁶ Tupāpo uswe abasasania-nōngwa nkīsu umwīsyūgu, komma bala bābo bikupepeka nu kukwāba, nu kupela abāna bākipānga-kipāgūke. Kyala, fyūsyāga Gwīmwēne mmwanya abāna bamō. Yaganabo abāndu, Ntwa, ukwīpūta. Une ngwīnogōna isya nyūmba ya Korneli. Ikyēne kikābonikēmo siku ku Gwāpānja pabutasi, lōli abēne bapīkigag’ifindu nu kwīpūta. Kangi akabalilo kako unnyambala gwa Kyala yula, unsololi yula, alinkwima pala, “Kangi bo umwene ikuyoba amasyu aga, u Mbepo Mwikemo alinkugwa pa bene aba bāpīlike i Lisyu.” Kyala, paga uluko lula ulwa lukomano. “Bo Peteri ikuyoba amasyu aga.” O Kyala, abene bālitendekisye. Abēne bāpīkag’ifindu. Abēne bāgūlilāga. Abēne bāli banaloli-ndumbula. Abēne bakāli itolo “gūlila,” abēne bāli “bikugūlila mpaka.”

²⁷⁷ Abatumigwa bala balinkugulila mpaka Kyala ikusuluka pakati pa bene, kangi abene balinkumbona Umwene nukuyoba ku Mwene. Abēne bābūkile pānja ni ndūmbūla isi syākosyāga ikīsu ku kikalasilo. Abēne bālī bakifu, nu kwīma nkati mu mabuyo kūko ikyēne kyābagīle ukusanusya kuli abēne ukuya ni mitu gyābo gyēne ukutumuligwāko. Abēne balinkuti, “Ngimba ikyēne kitalusye kuli uswe ukupilikila kwa umwe, pamo ifibugutila fycinu, pamo umwe banyāmbāla bafipanga-fipāgūke? Pamo, ngimba uswe tukupilikilaga kwa Kyala? Mwikētele umwe ku kyene.” Kangi kulakula ukatalula, akabalilo kāko abēne bābītikisyē ukubūka, bābūkile palapala panja nukwakulūmbilila i Ngamu ya Yeso Kristi kangi. O Kyala, tupapo uswe—tupapo uswe ikyo, Ntwa.

²⁷⁸ Fyusya uyu yumo yula uyu Ugwe kuyobapo mu Masimbo, kwa uswe. Mpake umwene, Ntwa. Une ngunkolela kuli umwene. Ntuma umwene, Ntwa. O Kyala, indumbula syitu sikukútila. Ntuma umwene, Ntwa, uyu isakugomokesyāga abāndu ku Lwītiko lwa ba tāta kangi, yuyo isakubabīka abēne kubutali ukufuma ku aba abāngaligwa abakipānga-kipāgūke, ukubuka mu bwēndelēmo bwananolololi na Kyala, bo mūmo bābōmbile pa Pentekosti, ikipanga ikyanalolololi kangi, kikupya, ni Ndumi yilayila, u Lwitiko lulalula, i Kimanyisyo kilakila, i Bangeli lilalila, u Kyala yulayula ni kimanyilo kilakila. Fyusyila uswe unsololi, Ntwa.

²⁷⁹ Bumbulusyaga ababine pakati pa uswe umwisyugu, Ntwa. Balipo bala apa aba bo bafūmbwe. Une ngubīputīla abēne, Tāta. Une njīle akabalilo katali, ngugūlila ulubunju ulu, kangi balipo bala bītūgēsyē apa.

Ikilo kimo, akabalilo kāko u ntumigwa Pauli ālumbililāga ikilo kyosa, u nnyāmbāla unkeke āgwīle ukufuma ku nyumba nukwigoga mwene. Umwene alinkubuka ukugona utulo. Umwene akāsanusyaga, loli umwene—umwene ābukile ukugona utulo. Kangi umwene alinkugwa, kangi u bumi bwake bwākindile. Kangi u ntumigwa āliputīle, kangi u bumi ukugomokela mwa umwene kangi.

²⁸⁰ O Ntwa Kyala, balipo bīngi apa aba bagwīle mu bubine. Kangi akabalilo kōsa uswe tugūlile pabutali ukukīnda a kababilo ka kusātisya i kipānga, balipo bala bābo bo babine. O Kyala, unko a maka gala, aga—aga Mbepo Mwikemo uyu ikwisa pagwīmwene mu Mbanda ya Moto, Uyu ikwifumusya Mwene nukwipela Mwene ukumanyigwa ukuya Umwene yo ywani Umwene, kangi uswe tukwitika Umwene, unko Umwēne asyūngutile umündu aligwēsa nkati muno lilino. Bumbulusyaga ababine. Isusyaga na Mbepo. Paga u lubāngo mu njila yiliyoosa, Ntwa, ulu uswe tufūmbilwe isya ikyēne. Sefusyaga indumbula syitu nu lwitiko, Kyala, nu lwitiko lwakusitakufwa, nu lwītiko ulusitakupepusyako ukuti uswe tuli nayo ISI SYO IKUTI UNTWA. Tupaga ikyene, Ntwa.

²⁸¹ Ikyene kyo bandu Bako, i Ndumi Yako, i Lisyu Lyako, ababombi Bako. Kangi u mōhesi akaya nako ukukolelela nakumo pa uswe. Umwēne akabagila nukubongotola uswe akabalilo kāko ikitembe iki kikubongotolígwa. “Kabuno linga ikitembe ikyamfu iki kyōnangilke, uswe tulinakyo kimo kitalile kikugūlila.” Umwene akabagila ukutubōmba uswe ubufulasye nabumo, kabuno kilikyosa iki kyo ndugu gwitu yo ndugu Gwako, kabuno uswe tuli Bako. Uswe tugūlígwe nu ntengo, ugwa Lilopa ilipala ilya Yeso.

Polelo, umwe abōhési aba mupinyile abāndu aba nu bubine, une ngulagila ugwe, mu Ngamu ya Yeso Kristi, ukusōkamo mwa aligwesa gwa bēne. Ukuya ntumigwa gwa Kyala, ukwiyobela Ilisyu ili ukuya Bwanaloli, ugwe baleke abene. Ugwe ukaya nasyo inyābüké nasimo. Kilikyosa iki umwe mwiyobelagamo siku ukuya nakyo, kyālyōmolígwe pa Kalvari. Kangi umwe mukabagila ukubakola abene kangi mma.

²⁸² Lilino, Kyala, mpapo unnyambala aligwesa nu nkikulu, ndumiana pamo ndindwana muno, ulwitiko ukwitika ikyo. Ilisyu liyobigwe. “Linga ugwe kuyoba ku kyamba iki, ‘Samisigwaga,’ kangi utikwilamwa mu ndumbula yako.” “Ulwiputo ulwa lwitiko lukupoka ababine.” “Ugwe ulinako iki ugwe kusuma.” Uswe tumenye ikyo. Uswe tuli nu lusubilo lula mwa Kyala. Linga uswe tuli nu lwitiko lulilosa na panandi, linga Kyala ali nu bumi mwa uswe, uswe tukwitika ikyo. Kangi une mmenye ukuti ikyēne kyo lülo, Ntwa. Popāpo, tupaga ikyēne, umwīsyúgu, panongwa ya bubine nu bupoki. Pamo, une mbagile ukuyoba, pamo mbagile ukuyoba, ubupoki ubwākwanda kangi polelo ububine. Tupaga ikyene, Ntwa, panongwa yakuti u moyo go gwantengo ukukinda umbili.

²⁸³ Loli bala bábo, utubalilo tumo, u moyo gwabo gupokígwe, kangi u mbili ugwayolo ugu gukali gukuya gwa Sétano, kangi umwene amenye ukuti umwene isakwegaga ikyene nkabalilo ka bumalikisyo. Umwēne isakusya ikyēne nu kutuma ikyēne ukugomokela mpaka imban sya kīsu sisakwāfūla nkati mu kyēne nu kulya ikyēne mōsa. Lōli umwēne àtisa kupalamāsyàmo siku u mōyo gula, kabuno ugwēne go bukabi ubupala ubwa Kyala. Kangi ukukindamo mu bumi bula, ngati ukufuma ku lyāni limo, ubwēne bukugomokéla kwa Kyala Yüyo àbupéle ubwēne; bwisa kwisa nkabalilo akakukónga, nu mbili umpya ugu Sétano akabagilamo siku ukupalamasya. Nabōpe mma ubukusi bwa bukāngàle pamo kalikōsa akāngi fibagilemo siku ukupalamasya ugwēne. Ugwēne gwisa kuyaga mbili umwīmikigwe. Uswe tukulōndésya kuli ikyo, Ntwa. Sayaga a bandu Bako lilino. Abene bo Bako. Kangi une ngubabika abene nkiboko Kyako. Une ngusuma iki mu Ngamu ya Yeso.

[Nkundwe Neville ikupa ulukasyo—Nsimbi] Lwīmiko!
Ntufye . . . [U nkundwe uyūngi ikupa ulukasyo.]

²⁸⁴ Ilyo likaya lisyu lyangu. Ilyo lyo Lisyu Lyake. O, iki uswe tukufūmbwa, isala iyi—isala iyi uswe tulimo nu bumi! Ngimba umwe mutikupilikisya, binangu, ukuti Kyala atikwisa ku bafumuke abakulumba? Umwēne ikwitūgàla pakati pa fifyisyé, i finīni, ifindu ififiyisyé. Umwe lumo mutikusyāgània ifi fikukíndilila lululu lilino, iki kikwenda pakati pa kiyumba iki, iki kikwendela nkati mbandu aba lilino itolo.

²⁸⁵ Nongwa ya fiku u Mbepo āyobile, ukwāndàna, “Bo Une ngāli ukubapela abēne kalikōsa,” ukwīsila mwa Nkundwe Higginbotham, “kētésya i Ndumi iyi, kabuno une ndwele Iyēne,” *ikindukimo ikingi* bo ikyo, “ukukusoka ugwe isya kindu iki iki kikwisa”? Kéta iki kyāboníke.

²⁸⁶ Ifindu fimo, a Masimbo une nsimbile pásí apa, une ngapalamasisyemo siku, nukubuka ukwakufika mpaka na Bene. Une nalongsigwe panja pala nu Mbepo Mwikemo. Muketile? Gamo mwa Masimbo, une nukupalamasigwamo siku. Une ndinkusōkapo pa kindu ikīngi, palikimo. Kamokēne nkabalilo, ukupilika ikindukimo kikwīsa, ukusanuka ukukilania nu kwāga kūko ikyēne kyāliko. Mbepo ikuyoba mbusanukilo bulibōsa lilino.

²⁸⁷ O, bāndu, yaga banaloli-ndumbula, yaga gwabwanaloli-ndumbula. Komma ukugela ukwīgèmekesy pa... Muketile, ugwe gwe—ugwe kulondésya ikindukimo ikikulumba kangi kimulike.

Akabalilo kāko, abasololi bōsa, yópe Davidi āyobíle, “Ku Kwisa kwa Ntwa, ukuti, ikyāmba kilikyōsa kyābagíle ukutwálígwa pāsi, kangi i—kangi amabuyo ga pāsi gabagile ukutēnkekíwa ukuya mmwanya.” Āyobile, “I fyāmba fisakunyēlanyēla bo tung’ōsi utunini, kangi amāni gōsa gisakub’ampi na maboko gābo.” Mulimōsa, ngimba fyo fiki abāndu bālinogwīne ikyo kyābagile ukuya, akabalilo kāko u... Yeso ālísile?

Ngimba ikyene kyasanusyaga ukuya fiki? Undumbilili ugwayolo uwakwilambika, akaali nabo ubumanyili mma. Pa fyīnja fihano-na-fina mbukusi, alinkubūka mu lulangalanga, komma ukuya mmanyisigwe nu mündu, lōli ukuya—ukuya mmanyisigwe na Kyala. Åsōkile pānja, kangi ālímile na kayabo ka kipapa kya ng’ōsi kaniembigwe ukusyūngutila umwēne, ni busyōya mōsa nkisyo kyāke, gwabusyōya mōsa ukukilania, kangi i nywīli sikusuluka pāsi pa likosi lyāke. Ukwitūgàla pānja mu lulangalanga, ukufuma ku mapalalila, isyo syo mbāsi, amapalalila ga ndīsu nu lūki, akabalilo kako umwene itugasyaga mmatengele. Kangi ikwisa, ālimile mmatipa pa filoboko, nukufumusya ukwisa kwa Mesiya. Kangi u Mesiya alinkwenda palapala pāsi, u Nnyambala ugwapaliposa pakati pa bandu, kangi ālyōsīgwe. Kangi bōsa abasololi bāfumwīsyé

ikyēne ukuya kimo mwa fīndu ifikulumba ukukīnda fyōsa ifi fyābōnikēmo siku, kangi ikyēne kyāli. Muketile?

²⁸⁸ Abēne bikulōndésya ikindukimo ikikulumba, ikindukimo ikimulike, ukuboneka. Muketile? U Mbepo Mwikēmo atikumulika. Ikyēne kikwāka. Ukumulika ko kya kīsu. Ukwāka ko kwa Kyala.

Aka pamwanya pa une, Ntwa, lo lwipūto lwāngu. Nyīsyā une pāsi. Nyega une, mbūmba une nu kumbela une. Mbepo gwa Kyala gwabumi, enda nubupūpwe pa une. Mbūmba une, mbela une. Ndendeka une Gwako, Ntwa. Nyega itolo une.

²⁸⁹ Une ne itolo ne gwākwāgānia ukuti u Mbepo gwa Kristi ikwēnda ukusungutila mu nyumba iyi apa ulubunju ulu. U Kyala uyu isakulongaga ikisu ali papapa apa lilino, itolo ukuya nsisimikisyi bo une nimile pa kigemo iki. Pafumile ukuyapo kimo, fibili, fitatu ifisisimikisyo fya ikyēne, ifya Lisyu, itolo katikati iki i Bāngèli lyāyole. Ngimba umwe mupilike ikyene kikwīgàla ku kabalilo kala, ukufuma apo? Kimo, fibili, fitatu, kilikyosa ndubātiko lwamwambepo, kilikyosa mu lubātiko Lwammasimbo. O, igula indumbula syīnu nu kupilikisyā. O, ko kabalilo kaki, kyo fiki kyābagile ukuboneka pa kabalilo aka!

²⁹⁰ Abene baali nkyūmba kyapamwanya, bosa nu bwitikisanio bumō, bikugulila. “Kabuno abene aba bikugulila pa Ntwa bisakongelelaga amaka gabō. Abene bikufukaga mmwanya na mapiko bo ga swanga.”

²⁹¹ Komma ukubūka kukufyūka kula nukuyoba, “Ntwa, une nsuluménie isya mbībi syāngu. Lilino une ngwitikisyā nu lwitiko ukuti une ndinagwe Mbepo Mwikemo,” nu kwēnda ukusōka.

“Abēne aba bikugūlila pa Ntwa,” imilungu, amasiku, kilikyosa ikyēne kili, “bisakongelelaga amaka gābo. Abēne bisakufyūka na mapiko ga swanga. Abēne bisakubopa kangi komma ukukatala. Linga abēne bikwenda, abēne batisakusililikaga. Mmanyisya une, Ntwa, mmanyisya une, Ntwa, ukugūlila.” Gūlila pa Ntwa.

²⁹² Pamusi na pakilo, kingikingi, Anna āli mu tempeli, ukumilisyā ukwipūta, pamusi na pakilo. Akabalilo kako abene balintwele Yeso nkati, umwene alinkwisa mula, mfwamaso, ukukinda mu nyumba, alinkwenda ukusungutila. Unkikulu umfwamaso alinkubika amaboko gake pa Mwene nukunsaya Kyala. Panongwa yakuti, mu bufwamaso bwake bwamumbili, mwa mbepo gwāke, umwēne āgutigwāga na Mbepo, mpaka kūko Umwēne ālimile.

²⁹³ Pala, Simiyoni, ikugulila Umwene, ukugomokela ku buyo bwa lwiputo kunyuma kula, āménye ukuti umwēne āli nu lufingo, mwa Mbepo Mwikemo, ukuti umwēne akābagile ukufwa; u nnyāmbāla unkāngāle, malongo-lwele, kifuki fyinjā malongo-mahano-na-mana mbukusi. Kangi umwēne āli... ābabūlile abāndu pabwēlu, “Une ndisakukēta ubufwe mpaka

une ngukēta u Mesiya.” Kangi pa miniti yimo yilayila, u Mwanike unnini ugwaiyolo...

Ngimba āli fiki Umwēne? Komma umfumuke, bōsa abasikalibīmīle ku butegelo akabalilo kāko abēne bālintwèle Mesiya nkati, aniēmbeteligwe lōsa naloli kangi kanunu, kangi mmogi kangi anūngisigwe-kanunu, kangi gwalūma bo abāna banini bābo bikwīsa ukusayiligwa. Lōli u māma unnini uyu āyobīgwe nububībipo, alinkuti, “Umwēne āli nu Mwāna, pānja pa bwēgi ubwikemo.” Aniēmbigwe mu mwēnda gwankibaga, iyōko, imyēnda gya ngambako ya mwīyōko giniēmbīgwe ukusyūngutila Umwēne, ikwēnda ukukīndamo nkiyūmba, kangi aligwēsa ikukyūnga ubutalipo bwābo ukufuma ku Mwēne.

Loli apa kakwisa kala akapambo akanini, akabunganie akanini kala. Anna, ukuya yumo. Simiyoni, uyūngi, ikwēnda ukusuluka ukukīndamo ndukīndi, kisita kumanya akabalilo kāko umwēne isakubīka amāsō gāke pa Akēne. Kangi afyusisyē amaboko gake nukuti, “Ntwa, itikisya u gwambombo Gwāko asōkepo ndutēngāno lilino, ukufwana ni Lisu Lyāko, kabuno amaso gangu gikuketa ubupoki Bwako.” Hum. Muketile? Nakimo ikikulumba, ikyakumwekuka. U kwāka; kangi palema nalinga ikyēne kikuyobeligwa mbubībi, ikyēne kyāli kimanyilo.

²⁹⁴ Kangi, umwīsyūgu, i kimanyilo kikuyobigwa ububībi. Ikyēne kikayanabo nabumo ubupilikisanio. Ikyēne—Ikyēne... Ikyēne kikuyobeligwa u bubībi, nu kukōleligwa kilikyōsa. Loli ikyene kyo kika iki kikubebeligwa, ikimanyilo iki kikuyobeligwa u bubībi. Ili Bangeli likuyoba isya ikyo, “Ikimanyilo, iki kikuyobigwa u bubībi.”

²⁹⁵ Unko uswe tukūmbuke iki bo uswe tukwēnda ku nyūmba syītu. Komma umwe nasiku ukwītikisya i Ndumi iyi ukufwa ukufuma mu ndumbula syīnu. Kilikyosa iki ugwe kubomba, komma ugwe ukubomba ikyene. Ugwe inogonela pa Iki, pamusi na pakilo. Kangi ipūta, pamusi na pakilo, kuli u Kyala ukufusya u nketi Gwake lilino. Uswe twītēndekisye, kabuno une ngwītika, lululu, akabalilo kīsa kuyaga nakamo kangi mma. Uswe tukwīsa...

²⁹⁶ “Bulebule, akabalilo kaki ikyene kikuyaga, Nkundwe Branham?” Une ngamanya. Lumo umwisyugu. Ikyene kibagile ukuya kilabo. Linga ikyene kikaya umwisyugu, une ngulondesyaga ikyene kilabo. Kangi ikyene kibagile ukuya kyinja iki, ikyinja kya kilabo, ifyinja kalongo. Lumo ifyinja malongo matatu, une ngamanya akabalilo kako ikyene kikuyaga. Loli une nguyoba, ukufuma lilino ukukindilila, umwe mwītendekesye iminiti yiliyosa.

²⁹⁷ Kangi komma ukwēga itolo ikindukimo mwalwemwalwe. Komma ukubōmba ikyo. Komma umwe ukutusya, pamusi na pakilo, mpaka umwe muyobile kwa Kyala. Ikyūnga mwibēne ukufuma ku būmilisi. Komma ukunyenye musigwa mu kitima.

Komma ukubōmba ikyo. Ikyo kyo iki kikutwāla ifīndu fīngi fīyo ifyāfigili kangi fikupela abāndu ukutīla ikyēne, muketile, yo nōngwa ya būmilisi bwafigili. Komma umwe ukwitikisya ikyo; komma na panandi. Ugwe ima palapala pala mpaka ugwe kuyoba kwa Kyala. Ukufuma pa fyōsa, ikyēne kyo moyo gwāko, kangi ugwe yula yūyo ikuyaga pakwītūgàla u Syēpwa kula ukukilania. Kangi ugwe usisimikisyeye ukuti ugwe itolo utikuponia pakiboko nukuyoba ikimanyisyo, pamo—pamo kwitikisya ikindukimo nu lwitiko. Komma ugwe ukubomba ikyo. Ugwe yoba kwa Kyala. Unko Kyala ayobege kwa ugwe, kangi ketesya iki kikubonekaga kwa ugwe. Kētésya ifinyonywo fyīnu nifyakuboneka, polelo ugwe kwisakumanya kali ugwe uyobile kwa Kyala pamo mma.

²⁹⁸ Kwa umwe mwe mwītíke pa Mwēne ulubunju ulu. Kwa umwe, kangi une—une njobile isya kukōlēla kwa pa kigemo. Ngimba umwe mumenye mumo abene bābombole ikyene mu li Bangeli? “Na bu bwingi bwa aba balitike kwa Ntwa, na bu bwingi bwa aba balitike Untwa abalyōsigwe mu Ngamu ya Yeso Kristi ku buswe bwa mbibi syabo.” Linga ugwe ukayamo siku... Uswe tukālimo siku ni ngōlelo sya pa kigemo. Abene bakalinafyo siku a bandu ukwisa pala. Akabalilo kako ugwe kubomba ikyo, ugwe kwega kilikyosa. Apa yo u miāna ikwīsa pa kigemo, ikuboneka-gwamatati, kangi ikufragama pāsi, panongwa yakuti umunduyumo āgelilē ukumwēga umwēne. Ugwe—ugwe—ugwe ulunakyo kabilī-kōsa ikitafu kila ukumwēgamō siku umwēne kāngi. Muketile? Kangi ngimba kyo fiki ugwe kubōmbaga? Ugwe kwēga kilikyōsa mu kyēne. Kangi Yeso aatile, “Bosa aba Tata ambele Une bisakwisaga kwa Une.” Syala ni Lisyu lila. Kyala isakubomba fyosa ifi fisyele fya ikyene. Uko ko kutalusya. Uko ko kutalusya. Kyala isakubōmbāga ifingi fya ikyēne.

²⁹⁹ Kyala abasaye umwe. Une ngusubila ukubabona umwe kangi ikilo iki, ngusūbila, aligwesa gwa umwe uyu abagile. Une mmenye mwe bingi ba umwe mukufimbilisigwa ukusyala panja, ukusōkápo. Une nguyaga pasi, ikilo iki, ukumpilikā unkundwe gwangu, linga ikyene kikuyaga bwīgāne bwa Kyala. Une ndikulonda ukwega indumi syake syosa-sibili.

³⁰⁰ Kangi—kangi Nkundwe Neville yo nnyambala unnyāfu gwa Kyala. Kangi une mmenye, une mmenye yūyo... Akabalilo kāko une ngumpilikā umwēne ikulūmbilīla, une mmenye ukwēne kukwīsa ukufuma nukatalula ku ndumbula yāke. Une mmenye ikyo. Kangi Nkundwe Neville, bo mūmo umwēne āyobile ikilo kimo, ubuyobelopō bula, alinkuti une nātēndikē ubuyobelopō, “Ilisiku limo une nisakummōsyā umwene mu Ngamu ya Yeso.” Une nālbombilē. Nongwa ya fiki? Une nālimbwēne ubwanaloli-ndumbula kangi ubwanaloli mwa umwene. Une nāmenye linga umwene... ābagile ukupīgwā ku mwene, nukumbona umwene... kangi umwene—umwene ābagile naloliloli ukukibona Ikyene, amaso gake gisakwigukaga,

umwene ikwambilila Ikyene. Une nāgūlile, nu kukibūla i kipanga, "Komma umwe ukupasya, ukuti undumbilili gwa Methodisti yula ikwisa kanunu." Kangi apa umwēne alipo umwīsyūgu, u ntīmi gwa kipānga, itolo ukuya mwīmikīgwē mu mbōmbo mūmo umwēne abāgile, mu Ndumi. Umwene ikwitika Kyala. Kangi une mmenye, akabalilo kako une ngupilika ikindukimo kikufuma kwa Nkundwe Neville, Une mmenye ikyēne kyo kwanaloliloli, ukwisa ukufuma kwa Kyala, panongwa yakuti umwēne yo luko lula ulwa nnyāmbála.

³⁰¹ Une ndāmbalikē amaboko gāngu pa fifūnga apa ifi fipūtiligwepo. Ngusūbīla, aligwēsa gwa umwe āmbilile u lusayo ukufuma kwa Kyala. Ngusūbīla ukuti Kyala ali pa ndumbula syīnu.

³⁰² Uswe tutiku—uswe tuti kwīsa apa uku—ukuya nu lusayo ukufuma kwa Kyala, mbwīngi fīyo, bo uswe tukwīsa apa. Ilisiku lililyosa uswe tukutuya umūyi, uswe tuli nu lusayo ukufuma kwa Kyala. Iki uswe tukwīsa apa ukubōmba, ko kugolosigwa, ukutumulako, ukubūtako i ndūmbūla syītu, kangi ukufika pankyenī pa Kyala, kangi ukwitika Kyala ni ndumbula syītu syosa.

³⁰³ Kumbukilaga i Lisyu lya Ntwa. Kangi ukwībwā mma, nu kutoligwa mma, ukukéta ukukilania pa kimanyilo ikyabwanalolí ikutumígwa ukufuma kwa Kyala.

Kangi polelo une nguyaga pakusanusya ulukomano kwa Nkundwe Neville, unko umwēne ayobe kilikyosa umwēne ikulonda ukuyoba.

[Nkundwe Neville ikuyoba, "Une nsisimikīsyē, mwe, une ngubabūla umwe, une mmēnye ukuti Kyala āsisimikīsyē iki uswe twāgūlile mu bwākwānda bwa bubōmbèlo. Bo une ngukēta ukukilania i mbalilo ya fisyo, ulubunju ulu, une mmenye ukuti ikyēne kyo kili kanunu ukuti umwe mwālī apa, kangi ikyēne kyo kinunu ukuti une njīle apa, kangi une nābagile ukuya apa, kangi umwe mwabagile ukuya apa. U bubīngililo bwīnu bufwānikisīgwē nubatalusye linga umwe mukufyusya ubwēne ukuya lūlo. Iki umwe muli nakyo ulubunju ulu, umwe mubagile ukuya nakyo panongwa yakuti umwe mwāmbilile ikyene kya Kyala.]

[“Kangi mbimbibi uswe tukuyaga nu bubōmbèlo bwa lōsyo, ukukōnga iki. Kangi Nkundwe Willard Collins isakubōmbelāga mu bubōmbèlo bwa lōsyo, kangi uswe tulinabo babili pamo bīngipo abīgāne. Kangi uswe tukulonda ukukéta abīgāne mia-yumo panongwa ya lōsyo mu Ngamu ya Yeso Kristi, ulubunju ulu.”]

Ameni!

[“Umilisya ukubonesya ulwitiko lwako mu bubonekelo pabwelu. Ulwitiko lukayamo siku mbōmbo. Ulwitiko,

Iwakuyobigwa, lukaya lununu. Loli ulwitiko, lubonesigwe, lo lubatiko lwa i Bāngeli.”]

Ameni! Uko ko katalusya.

[“Ukwisila mu lupilikilo, ulwitiko lubagile ukubombigwa. Alipaga Kyala kwa aligwësa, ulubünju ulu, aba bali apa, aba bikwipilika ukubïka lülo ukubõmba, umwe muli isaga. Linga iki kyo i, linga iki kyo panini pânja pa lubâtiko lwïnu lwa iki umwe mwâbâmbike, pamo lumo umwe mwâli nu lulagilano mbimbibi ukutendeka, pamo ikindukimo, lunga umwe mubagile ukufwânisya ukukâbisya ikyo, nukukîndàmo nkabõmbo ka bupilikilo, une ngwitika ukuya nkundwe gwinu ugawkwiyâsyâ mwa Kristi, kangi ukuya mbomba-ntuli palikimo nu nsololi gwa Kyala, une ngwitika ikyene kikuyaga—ikyene kikuyaga busobi ubununu bwâkô bosa, ukutendeka ulusalo lula lilino.”]

Kyala tupaga ikyene!

[“Kangi tupaga ukuti ugwe kwisaga, nukwega ubuyo bwako pakati pa bangi aba bo bakosigwa, ukuti umwe mubagile ukuya mu mbalilo iyi, iyi yikutendêka akatîmo akanini aka. O, ikyene kyo kinunu, bule ikyene? ukuya yumoywene gwa Bâke, kangi ukuya ukufwana ni Lisyu Lyâke. Tuli ima uswe twesa palikimo, bo uswe tukwîtendekisyâ ukusâtîsyâ.]

[“Pandungu ugu gukwîsa, Nkundwe Branham isakugomokelâga na uswe kângi. Unko uswe tukumbukile ubufumusye bula. Umwène âyobîle umwène isakuyâga pâsi apa ikilo iki, lôli umwène akâyobîle umwène ikubûmbulusya. Loli, ikinyonywo kyangu kyo, akabalilo kosa, ukuti umwene ikubombaga. Kangi umwene atikulondigwa ukuya nu lutende nalumo ukufwana kûko une ngwima pa ikyo. Ikinyonywo kyangu kyo kifuki naloliloli, mmenye ukuti i Ndumi kangi u—u bukôlôlo ubu umwene ali nabo, kyo kyakulondigwa ikikulumba ikya lisiku ilyabumalikisyô ili. Une ngupa ubuyo, akabalilo kosa.]

[“Une nguyobaga iki mu kuyapo kwa bandu nu mwene: une ne, nubuhobofu ngwisakupapo ubuyo, akabalilo kosa, mbubombelo bulibosa, ku Ndumi iyi yo une ngwitika, panongwa yakuti Kyala âyobîle ukwisila mwa babili ba uswe, ulubunju ulu, ukubonesya ikimanyilo kya iki. Kangi une nsângalwike ukuya nu lusako ulwa kuya gwakubagila itolo ukuya yumo uyu abagile ukupa u buyo ku mwene.]

[“Kangi une mbagile, ikilo iki, ukuti une ngusangulukaga, linga unkundwe gwitu, nu gwambombo kangi u nsololi gwa Kyala, âli fiyo âliganile ukubõmba lülo, une ukukinda-fyôsa nubuhobofu nisakupa u buyo ku mwène. Itolo kwène ku lisyu lyâke, kilikyôsa umwène ikwipilika. Lôli, umwène ayobîle, kangi uswe itolo tukutûsyâga ubutumulo bwa kindu kyôsa mmaboko ga Kyala Mwenemaka.”—Nsimbi]

³⁰⁴ Ugwe ukaabagiile ukusumapo ikindukimo ikinyafu, kibagile ugwe, ukufuma ku nkundwe ugwanaloli? Inongwa iyi une... Muketile, binangu, une—une mmenye umwe manganile une. Umwe manganile Nkundwe Neville. Umwe manganile bandu bosa ba Kyala. Uswe tuganene yumo nunnine. Linga kālipo a kabalilo aka uswe tukulōndìgwa ukōngelèlāpo ukuganana yumo nu nnine, ko lilino. Uswe tukufimbilisigwa ukuya kifuki fiyo palikimo, nkundwe, ukuti uswe itolo... Uswe tukundile ukuya banywamupo ukukinda bakundwe ba lilopa na bakalumbu. Ulo lo lugano ulu lukufimbilisigwa ukuya mu ndumbula syitu kuli yumo nu nnine, ulutende nu lugindiko, ulwapamwanya ukukinda. Kangi une nkiganile ikyo. Une nkiganile ikyo ikyanaloliloli.

³⁰⁵ Kangi apa, Nkundwe Neville, kangi Nkundwe Higginbotham, Nkundwe... Une ngwitika yula āli Nkundwe Funk, ikyēne kikāpilikisigwàga nukuya bo umwēne, uyu āpèlè i ndumi yila kunyuma kula. Ikyo kisile... isyēne sikufumila kwa Kyala, indumi sila, mwinangu, isyēne naloliloli syābōmbága. Aligwesa uyu ali nu kumanyila-ngāni kwamwambepo amenye ikyo.

³⁰⁶ Loli apa po kilipo iki ikyene kili. Mu kwīsa, une—une nunganile Nkundwe Neville fiyo mpaka une ngwinogona iki, umwe muketile. Une—une ndikulonda ukuyoba nakimo pene papo une ndi nakyo ikindukimo ukufuma kwa Kyala ukukubula ugwe. Muketile? Kangi une nāli na iki—iki kikwisa pa ndumbula yangu, ukufwana a masiku mabili pamo matatu aga gakindilepo, kangi une ngāfikilepo ukukēta ikyēne fīyo mpaka ikilo kyammayolo, ukubopa lōsa a Masimbo manini. Iyo yo nongwa une nisile ukutwala ikyene. Ikyene kyo ukufuma mmaboko gangu lilino. Umwe muketile? Kilikyosa iki ugwe kubomba ni kyene, ikyo kyo kili, ikyo kikuyaga, kwa ugwe, ugwe uketile. Loli ikyene kyo kisōkelemo nkiboko kyangu.

³⁰⁷ Lōli, Nkundwe Neville kangi une, uswe tuli itolo njila yila. Linga une ngwisa pasi apa, itolo uku—itolo ukuyoba utubalilo tumo, kangi ikindukimo bo ikyo, kangi Nkundwe Neville āli ni ndumi ukufuma kwa Kyala, une āngali nītūgesye palapala pāsi. Ena, naloli. Une āngali ngupa u buyo ku ndumi ya Kyala, bwila. Muketile? Iyo yo njila uswe tukubombela yumo nu nnine. Kangi iyo yo nongwa une nguyoba ukuti une ngwisa... Linga—linga Kyala atikumbapo une kalikosa, polelo, lumo itolo ukuyoba, kangi linga Kyala ikupa Nkundwe Neville kalikosa, kangi une ndi apa pa kigemo, Ndungu kulubunju, Ndungu pakilo, akabalilo kalikōsa ikyēne kili, Nkundwe Neville ābagile itolo, umwēne āngāli ikuya mbwingi bo bula ubwa nkündwe, umwene abagile ukwisa kwa une, nukuti, “Nkundwe Branham, une ngwitika ugwe ukuya gwambombo gwa Kyala, loli u Ntwa ambelile itolo indumi.” Ugwe kubombaga ikyo, bule? [Nkundwe Neville ikuyoba, “Ameni.”—Nsimbil] Ena, nkulumba.

³⁰⁸ Une āngali ngubomba kilakila ku mwene, linga umwene āyága pakuyoba. Une mbagile ukuyoba, “Nkundwe Neville, ngimba ugwe kunswaga une? Kyala ambéle une i ndumi. Une ngufimobilisigwa ukuyoba ikyene ku bandu, lululu lilino.” Kangi umwēme, Nkundwe Neville, ābagile ukusōkàpo palapala pānja pa njila; lumo yumo gwa uswe, ukubūka kwa yumo uyūngi. Muketile? Iyo yo njila iyi uswe tukubombela. Kangi polelo linga uswe, linga une ndikuyaga ni kindu nakimo, polelo une . . .

³⁰⁹ Une itolo nunganile ukumpilika umwene ikulūmbilíla. Une nālimpiliké umwene. Balinga bālimpiliké umwene, ikilo kya Ndungu ugu gwakindaga? Indumi inunu fiyo, une ngukubula ugwe. Iyene yapinyiligwe mula, iki kyayobigwe ndubunju.

Kangi, bāndu, une ngubabūla umwe, umwe muli ni Lisyu lyá Kyala ili umwe naloliloli mukufimobilisígwa ukuya būmi kanunu nukuya ntalusye.

Kyala akusaye ugwe lilino, Nkundwe Neville. 

61-1112 I Kimányìlo Kyâbwânalòli Iki Kibebelìgwe
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org